


春秋穀梁傳
附札記

一







春 秋 穀 梁 傳

附 札 記

(一)

范 甯 集 解



叢書集成

初編

主編者
王雲五

商務印書館發行

春秋穀梁傳

本館據古逸叢書
本影印初編各叢
書僅有此本

漢司空掾任城樊何休序

陸氏音義曰掾七縮反

昔者孔子有云。吾志在春秋。行在孝經。此二學者。聖人之極致。治世之要務也。

治直吏反

傳春秋者

非一。本據亂而作。其中多非常異義。可怪之論。

論盧困反下持論同

說者疑惑。至有倍經任意。反傳違戾

者。其勢雖問。不得不廣。是以講誦師言。至於百萬。猶有不解。時加釀。嘲辭。

讓嘲涉交反

援引他經。失

其句讀。以無爲有。甚可閔笑者。不可勝記也。是

以治古學。貴文章者。謂之俗儒。至使賈逵緣隙

奮筆。以爲公羊可奪。左氏可興。恨先師觀聽不

決。多隨二創。此世之餘事。斯豈非守文持論。敗

績失據之過哉。余竊悲之久矣。往者略依胡母

生條例。

○母音無

多得其正。故遂隱括。使就繩墨焉。

○隱括古奪反結也

公羊穀梁二書書肆苦無善本。謹以家藏

監本及江浙諸處官本參校。頗加釐正。惟是陸氏

釋音字或與正文字不同。如此序釀。嘲陸氏釀作

讓。隱元年嫡子作適。歸合作哈。召公作邵。桓四年

曰蒐。作庾。若此者衆。皆不敢以臆見。更定姑兩存

之。以俟知者。紹熙辛亥孟冬朔日建安余仁仲敬書

春秋穀梁傳序

昔周道衰陵。乾綱絕紐。乾其連反。天紐女父反。禮壞樂崩。彝

倫攸斃。彝倫以之反。彝常倫理也。攸斃丁故反。字書作殫敗也。弑逆篡盜。盜者國有。弑

妖災因釁。而作釁許。民俗染化。而遷。陰陽為之

愆度。為之于偽反下同。七耀為之盈縮。縮所六反。川岳為之崩

竭。鬼神為之疵厲。疵才斯反。厲音例又作厲。故父子之恩缺。則

小弁之刺作。缺亡悅反。弁步寒反。刺七賜反。此所引皆詩篇名。谷風在邶。風餘皆小雅。君臣之

禮廢。則桑扈之諷興。扈音戶。諷方鳳反。又作風。夫婦之道絕。則

谷風之篇奏。骨肉之親離。則角弓之怨彰。君子

之路塞。則白駒之詩賦。天垂象。見吉凶。見賢徧反。聖

之

作訓紀成敗。欲人君戒慎厥行。○行下孟反增修德政。

蓋誨爾諄諄。聽我藐藐。○藐亡角反履霜堅冰。所由

者漸。四夷交侵。華戎同貫。幽王以暴虐見禍。平

王以微弱東遷。征伐不由天子之命。號令出自

權臣之門。故兩觀表而臣禮亡。○觀古亂反朱干設而

君權喪。○喪息浪反下道喪同下陵上替。僭逼理極。○替他計反僭子念反

天下蕩蕩。王道盡矣。孔子觀滄海之橫流。迺喟

然而嘆曰。○喟起愧反又苦怪反文王既沒。文不在茲乎。言文

王之道喪。興之者在己。於是就大師而正雅頌

○大師音泰因魯史而脩春秋。列黍離於國風。齊王德

於邦君。所以明其不能復雅。○復扶又反政化不足以

被羣后也。

○被皮義反

於時則接乎隱公。故因茲以託

始。該二儀之化育。贊人道之幽變。舉得失以彰

黜陟。明成敗以著勸誡。拯頹綱以繼三五。

○拯拯救之拯

類徒回反

鼓芳風以扇遊塵。一字之褒。寵踰華袞之

贈。

○袞古本反袞冕上公之服

片言之貶。辱過市朝之撻。

○貶彼撻反市朝直遙反

捷吐達反

德之所助。雖賤必申。義之所抑。雖貴必屈。

故附勢匿非者。無所逃其罪。

○匿女力反

潛德獨運者。

無所隱其名。信不易之宏軌。百王之通典也。先

王之道既弘。麟感化而來應。

○麟本又作麟。呂辛反。瑞獸也。應應對之應。

因

事備而終篇。故絕筆於斯年。成天下之事業。定

天下之邪正。

○邪似嗟反

莫善於春秋。春秋之傳有三。

而為經之旨一。臧否不同。○臧子郎反否音鄙又方九反臧否猶善惡也褻貶

殊致。蓋九流分而微言隱。異端作而大義乖。左

氏以鬻拳兵諫為愛君。○鬻音育拳音權文公納幣為用

禮。穀梁以衛輒拒父為尊祖。不納子糾為內惡。

○糾居黜反公羊以祭仲廢君為行權。○祭側界反妾母稱夫

人為合正。以兵諫為愛君。是人主可得而脅也。

以納幣為用禮。是居喪可得而婚也。以拒父為

尊祖。是為子可得而叛也。以不納子糾為內惡。

是仇讎可得而容也。以廢君為行權。是神器可

得而闕也。○闕本又作窺去規反以妾母為夫人。是嫡庶可得

而齊也。○嫡丁歷反本又作適亦同若此之類。傷教害義。不可得

強通者也。○強其凡傳以通經為主。經以必當為理。

○當丁浪反下同夫至當無二。而三傳殊說。庸得不棄其

所滯。擇善而從乎。既不俱當。則固容俱失。若至

言幽絕。擇善靡從。庸得不並舍以求宗。據理以

通經乎。○舍以音捨雖我之所是。理未全當。安可以得

當之難。而自絕於希通哉。○難乃且反而漢興以來。環

望碩儒。○環古回反各信所習。是非紛錯。○錯七洛反準裁靡

定。○我在代反又音才下同故有父子異同之論。石渠分爭之說

○父子異同謂劉向好穀梁劉歆善左氏之論力困反石渠其居反閣名漢宣帝時使諸儒講論同異於石渠閣也分爭爭鬪之爭廢

興由於好惡。○好呼報反惡烏路反盛衰繼之辯訥。○字書云訥或作訥乃骨反字

詰云訥遲於言也包咸論語注云遲鈍也斯蓋非通方之至理。誠君子之

所歎息也。左氏豔而富。其失也巫。○豔移驗反。巫音無。穀梁清

而婉。其失也短。○婉於阮反。公羊辯而裁。其失也俗。若

能富而不巫。清而不短。裁而不俗。則深於其道

者也。故君子之於春秋。沒身而已矣。升平之末。

歲次大梁。先君北蕃迴軫。○蕃方元反。又作藩。頓駕于吳。乃

帥門生故吏。我兄弟子姪。○姪徒節反。字林文二反。杜預注左氏傳云。兄子曰姪。研

講六籍。次及三傳。左氏則有服杜之注。公羊則

有何嚴之訓。釋穀梁傳者。雖近十家。○近附皆膚近之近。

淺末學。不經師匠。辭理典據。既無可觀。又引左

氏公羊。以解此傳。文義違反。斯害也已。於是乃

商略名例。敷陳疑滯。博示諸儒。同異之說。昊天

不弔。大山其頽。

○昊天胡老反。詩云：欲報之德。昊天亡極本，又作旱亡巾反。

匍匐墓次。

死亡無日。

○匍音蒲，又音扶。匍匐北反，又音服。

日月逾邁。

○俞音掄。

跂及視息。

○跂上弔反，又上或反。

乃與二三學士及諸子弟各記所識，并

言其意。業未及終，嚴霜夏墜。

○墜字直類反。

從弟彫落

○從才用反。

二子泯沒。

○泯忘忍反，又作泯。

天實喪子。

○喪息浪反。

何痛如

之。今撰諸子之言，各記其姓名，名曰春秋穀梁

傳集解。

余氏萬卷
堂藏書記

酒義勸
庶昌主記

皇清
萬歲

春秋穀梁傳隱公第一

○隱公名息姑惠公之子周文王八世孫平王四十九年即位

范甯集解

元年春王正月

隱公之始年周王之正月也杜預曰凡人君即位欲其體元以居正故不言一年一月也○正

音征又如字後皆放此

雖無事必舉正月謹始也謹君即位之始公何以

不言即位

據文公即位成公志也

成隱讓相之志

焉成之言君之

不取為公也

言隱意不取為魯君也公君也上言君下言公互辭○焉於虔反

君之不取為

公何也將以讓相也讓相正乎曰不正

隱長相幼○長丁丈反又作丈

音同春秋成人之美不成人之惡隱不正而成之何

也將以惡相也

不明讓者之善則取者之惡不顯○之惡烏路反下其惡相同其

惡相何也隱將讓而相弑之則相惡矣相弑而隱

讓則隱善矣善則其不正焉何也

據善無不正○弑申志反又作殺如字後

皆春秋貴義而不貴惠

惠謂私惠

信道而不信邪

信申字古今所

共用。信音申邪似。嗟反下及注皆同。

孝子揚父之美。不揚父之惡。先君

之欲與相。非正也。邪也。雖然。既勝其邪心。以與隱

矣。

終歸之於隱是。以正道制邪心。

已探先君之邪志。而遂以與相。則

是成父之惡也。兄弟天倫也。

兄先弟後天之倫。次。探吐南反。

為子受

之父。為諸侯受之君。

隱為卅子親受命於惠公。為魯君已受之於天王矣。

已廢天

倫而忘君父。以行小惠。曰小道也。

弟先於兄。是廢天倫。私以國讓。是忘君父。

若隱者。可謂輕千乘之國。蹈道則未也。

未。履居正之。道。乘繩證。

反公侯之國。賦千乘。蹈道上。徒報反。履行之名也。下如字。

○三月。公及邾儀父盟于昧

邾附庸之國。昧。魯地。邾音誅。國名。儀父。凡人名。字皆音。甫。後放此。更不重音。昧音蔑。地名。左氏作蔑。注下皆同。

及者何

內為志焉。爾

內謂魯也。

儀。字也。父。猶傳也。男子之美稱。

也傳師傳附庸之君未王命例稱名善其其不言邾子何也

據莊十六年邾之上古微未爵命於周也邾自此以上是附庸國

上時不日其盟渝也日者所以謹信盟變故不日七年公伐邾是也。不日人實反不日謂不書日也

梁皆以日月為例他皆昧地名也○夏五月鄭伯克段于

鄆段有徒眾攻之為害必深故謹而月之鄆鄭地。鄆音偃地名克者何能也何能也能

殺也何以不言殺見段之有徒眾也言鄭伯能殺則邦人不能殺矣知段

眾力疆盛唯國君能殺之。見賢徧反段鄭伯弟也何以知其為弟也殺

世子母弟目君以其目君知其為弟也母弟同母弟也日君謂稱

伯段弟也而弗謂弟公子也而弗謂公子貶之也

段失子弟之道矣賤段而甚鄭伯也賤段謂不稱公子也公弟甚鄭伯謂目

也君何甚乎鄭伯甚鄭伯之處心積慮成於殺也雍

段恃寵驕恣彊足當國鄭伯不能防閑以禮教訓以道縱成其罪終致大辟處心積思志欲殺弟○大辟婢亦反思息更反 于鄆遠

也猶曰取之其母之懷中而殺之云爾甚之也段

走乃至於鄆去已遠矣鄭伯猶追殺之何以異於探其母懷中赤子而殺之乎君殺大夫例不地甚鄭伯之殺弟故謹其地 然則

為鄭伯者宜奈何緩追逸賊親親之道也君親無將將而必誅

焉此蓋臣子之道所犯在已故可以申兄弟之恩 ○秋七月天王使宰咺來歸惠

公仲子之贈宰官咺名仲字子宋姓也婦人以姓配字明不忘本示不適同姓也妻子為君贈當稱謚成風是也仲子

乃孝公時卒故不稱謚贈例時書月以謹其晚○宰咺況阮反注同仲子惠公之母也與左氏作同贈芳鳳反注及下同 母以子

氏妾不得體君故以子為氏平王新有幽王之亂遷于成周欲崇禮諸侯仲子早卒無由追贈故因惠公之喪而來贈之 仲

子者何惠公之母孝公之妾也禮贈人之母則可

贈人之妾則不可君子以其可辭受之其志不及

事也常事不書 贈者何也乘馬曰贈衣衾曰祿貝玉曰

含。錢財曰賻。

四馬曰乘。含口實。乘繩。蓋反。椁音遂。含戶暗反。又作啗。賻音附。

○九月。及宋

人盟于宿。及者何。內卑者也。宋人。外卑者也。卑者

之盟不日。

卑者謂非卿大夫也。凡非卿大夫盟信之與不例不日。

宿。邑名也。冬十

有二月。祭伯來。來者。來朝也。其弗謂朝何也。寰內

諸侯。非有天子之命。不得出會。諸侯不正其外交。

故弗與朝也。

天子畿內大夫有采地。謂之寰內諸侯。祭側界反。朝直遙反。寰音縣。古縣字。一音環。又音患。寰內圻內

也。畿本或作圻。音祈。聘弓。鏃矢。不出竟場。束脩之肉。不行竟中。

有至尊者。不貳之也。

聘遺所以結二國之好。將彼我之意。臣當稟命於君。無私朝聘之道。鏃音候。

又音侯。竟音境。本或作境。場音亦。遺唯季反。好呼報反。稟彼錦反。

○公子益師卒。大夫日卒。

正也。

君之卿佐是謂股肱。股肱或虧。何痛如之。故錄其卒。日以紀恩。

不日卒。惡也。

罪故略之。

二年春。公會戎于潛。

凡年首月承於時。時承於年。文體相接。春秋因書王。以配之。所以見王者上奉。

時承天而下統正萬國之義然春秋記事有例時者若事在時例則時而不月月繼事未則月而不書王書王必皆上承春而下屬於月文表年始事莫之先所以致恭而不黷者他皆放此唯桓有月無王以見不奉王法爾南蠻北狄東夷西戎皆底羗之別種潛魯地會例時○見王賢徧反下同屬章玉反黷徒木反放甫往反後此例不音底丁兮反本又作氏種章勇反

知者慮察安審危**義者行**臨事能斷**仁者守**衆之所歸

○守如字有此三者然後可以出會會戎危公也無此三者不可

以會而况會戎乎夏五月莒人入向入例時惡甚則曰次惡則月他皆放此莒音舉向舒亮

反惡烏各反並同入者內弗受也入無小大苟不以罪則義皆不可受向我邑也魯

而言故曰我也無佞帥師入極二千五百人為師佞音入者內

弗受也極國也諱滅同姓故變滅言入傳例曰滅國有三術中國日卑國月夷狄時極蓋卑國也內謂所入之

國非獨魯也苟焉以入人為志者人亦入之矣不稱氏者

滅同姓貶也秋八月庚辰公及戎盟于唐傳例曰及

者內為志焉

○九月紀履緌來逆女

不親逆則例月重錄之親逆則例時○履

綸音須左氏作裂繻下注同

逆女親者也

親者謂自逆之也

使大夫非正也

以國氏者為其來交接於我故君子進之也

傳例曰當

國以國氏卑者以國氏進大夫以國氏國氏雖同而義各有當公子公孫寡君代位故去其氏族國氏以表其無禮齊無知之徒是也若庶姓微臣雖為大夫不得爵命無代位之嫌既不書其氏族當知其國之臣故國氏以別之宋萬之倫是也履緌以名繫國著其奉國重命來為君逆得接公行禮故以國氏重之成九年宋不書逆女以其逆者微今書履緌亦足知其非卑者公羊傳曰春秋貴賤不嫌同號美惡不嫌同辭左氏舍族之例或厭以尊君或賤以著罪此傳隱公去即位以明讓莊公去即位以表繼弑文同而義異著其眾故不可以一方求之○為其于偽反注來為同有當丁浪反故去起呂反下同以別彼列反美惡烏路反又如字舍族音捨或厭於葉反

○冬十月

伯姬歸于紀

魯女

禮婦人謂嫁曰歸反曰來歸

而嫁

曰歸明外屬也反曰來歸明從外至反謂為夫家所遣

從人者也婦人在家制於父

既嫁制於夫夫死從長子婦人不專行必有從也

伯姬歸于紀。此其如專行之辭何也。曰：非專行也。

吾伯姬歸于紀，故志之也。其不言使何也。怪不言使，履綸來逆。

女○長丁丈反。逆之道微，無足道焉爾。言君不親迎而大夫來逆，故曰微也。既失其大，不復

稍明其細，故不言使履綸也。○迎魚敬反，復扶又反。紀子伯莒子盟于密。密莒地。○子伯如字，長也。

左氏作子帛。或曰：紀子伯莒子而與之盟。紀子以莒子為伯，而與之盟，伯長也。或

曰：年同爵同，故紀子以伯先也。年爵雖同，紀子自以為伯而先。○十有

二月乙卯，夫人子氏薨。夫人薨，例曰夫人曰薨，從夫稱。○稱尺證反。夫人薨

不地。夫人無出竟之事，薨有常處。○處昌慮反。夫人者，隱之妻也。卒而不書

葬，夫人之義從君者也。隱弑賊不討，故不書葬。○鄭人伐衛。傳例

曰斬樹木壞宮室曰伐。伐例時。○壞音怪，又戶怪反。

三年春，王二月己巳，日有食之。杜預曰：日行遲一歲一周，天月行疾一月一周，天一

歲凡十二交會然日月動物雖行度有太量不能不小有盈縮故有雖交會而不食者或有頻交而食者唯正陽之月君子忌之故有伐鼓用幣之事京房易傳曰日者陽之精人君之象驕溢專明為陰所侵則有日食之災不救必有篡臣之萌其救也君懷謙虛下賢受諫任德日食之災為消也○日有食之本亦作蝕音同後皆做此量音亮下毀嫁反為消于偽反

日也其日有食之何也吐者外壤食者內壤凡所吐出

者其壤在外其所吞咽者壤入於內○闕然不見其壤有食壤而丈反吞勅恩反又音天咽於見反

之者也今日闕損而不知壤之所在此必有物食之○見如字又賢徧反有內辭也或外辭

也即曰食者內壤故曰內辭吐者外壤故曰外辭傳無外辭之文者蓋時無外壤也而曰或外辭者因事以明義例爾猶傳云三穀不

升謂之饑四穀不升謂之康亦無其事○饑渠吝反內於日以壤不見於外○

見賢徧反又如字其不言食之者何也知其不可知也○不知

知也上知如字下知音智○三月庚戌天王崩平王高曰崩梁山厚曰

崩沙鹿尊曰崩天子之崩以尊也其崩之何也以

其在民上。故崩之。其不名何也。大上。故不名也。名夫

者所以相別爾。居人之大在民之上。故無所名。○大並如字。夫音符發。句之端皆同。別彼列反。○夏四月辛卯。

尹氏卒。文三年。王子虎卒。不日。此日者錄其恩深也。○尹如字。周大夫也。左氏作君氏。尹氏者何也。

天子之大夫也。外大夫不卒。此何以卒之也。於天

子之崩為魯主。故隱而卒之。隱猶痛也。周禮大行人職曰。若有大喪。則詔相諸侯。

之禮。然則尹氏時在職。而詔魯人之弔。者不書官名。疑其畿世卿。○相息亮反。秋。武氏子來求賻。天

使不正者。月今無君。不稱使。故亦略而書時。武氏子者何也。天子之大夫也。

天子之大夫。其稱武氏子何也。未畢喪。孤未爵。王平

之喪在殯。未爵使之。非正也。其不言使何也。據桓十五年天王使冢父

來求車。無君也。桓王在喪未即位。故曰無君。歸死者曰賵。歸生者曰

賻。曰歸之者。正也。求之者。非正也。喪事無求而有賵賻。周雖

不求。魯不可以不歸。魯雖不歸。周不可以求之。求之爲言。得不得未可知之辭也。交譏之。○八月。庚

辰。宋公和卒。

天子曰崩。諸侯曰薨。大夫曰卒。周之制也。春秋所稱曲存。魯史之義。內稱公而書薨。所以自尊其君。

則不得不略外。諸侯書卒。以自異也。至於既葬。雖知許子男之君。皆稱謚。而言公。各順臣子之辭。兩通其義。鄭君曰。禮雜記上曰。君薨。赴於他

國之君曰。寡君不祿。敢告於執事。曲禮下曰。壽考曰卒。短折曰不祿。君薨。赴而云不祿者。臣子之於君父。雖有壽考。猶若短折。痛傷之至也。若

赴稱卒。是以壽終無哀。惜之心。非臣子之辭。鄰國來赴。書以卒者。無老無幼。皆以成人之稱。亦所以相尊敬。○謚市至。反後皆同。短丁。緩反。折

時設反。下同。有壽市。又反。又如字。

諸侯日卒。正也。

正謂承嫡。

○冬。十有二月。

齊侯。鄭伯。盟于石門。

傳例曰。外盟不日。石門。齊地。

○癸未。葬宋繆

公。日葬。故也。危不得葬也。

天子七月而葬。諸侯五月而葬。大夫三月而葬。傳例曰。諸侯時

葬。正也。月葬。葬故也。日者。憂危最甚。不得備禮葬也。他皆放此。徐邈曰。文元年傳曰。葬曰會。言有天子諸侯之使。共赴會葬事。故凡書葬。皆據我

而言。葬彼。所以不稱宋葬繆公。而言葬宋繆公者。弔會之事。贈祿之命。此常事。無所書。故但記卒。記葬。錄魯恩義之所及。則哀其喪。而恤其終。

亦可知矣。若存沒隔絕，情禮不交，則卒葬無文。或有書卒，不書葬，蓋外雖赴卒而內不會葬，無其事，則闕其文史策之常也。穀梁傳稱變之，不葬有三：弑君不葬，國滅不葬，失德不葬。言天子脩春秋，所改舊史以示義者也。弑君之賊，天下所當同誅，而諸侯不能治，臣子不能討，雖葬事是供義何足算。亡國之君喪事不成，則不應書葬，失德之主無以守位，故沒葬文。傳於宋襄公著失民之咎，宋共公發非葬之問，言伯姬賢而不答，共公不能弘家人之禮，然則為君者外之不足，以全國內之不足，以正家，皆所謂失德而終禮宜貶者也。于時諸國多失道，不可悉去其葬，故於二君示義而大體明矣。○繆音穆，本亦作穆，之使所吏反，下同。策本又作策，初革反，算素緩反，數也。宋共公音恭，本又作恭，去起，呂反。

四年春，王二月，莒人伐杞，取牟婁。
傳例曰：取易辭也。伐國不言圍，邑言圍，邑皆有所見。伐國及取邑，例時此月者，蓋為下。戊申，衛君完卒，曰起也。凡例，宜時而書月者，皆緣下事當日故也。曰必繼於月故，不得不書月事。實在先，故不得後錄也。他皆放此。○杞音起。

傳曰：言伐言取，所
稱傳曰者，穀梁子不親受于師而聞之於傳者，既伐其國，又取其土，明伐不以罪而貪其利，兩書取伐以彰其惡。○所惡，烏路

惡也。
反又如字。於諸侯相伐取地於是始，故謹而志之也。

傳直專反。
○戊申，衛祝吁弑其君完。
弑君曰與，不曰從，其君正與不正之例也。祝吁，衛公

春秋之始。

子○祝吁香于反左氏公大夫弑其君以國氏者嫌也弑

而代之也凡非正嫡則謂之嫌○夏公及宋公遇于清遇例時及清衛地

者內為志焉爾元年與宋人盟于宿故今復尋之○復扶又反遇者志相得也

八年傳曰不期而會曰遇今日內為志非不期也然則遇有二義○宋公陳侯蔡人衛人伐

鄭○秋○鞏帥師會宋公陳侯蔡人衛人伐鄭鞏者

何也公子鞏也其不稱公子何也據莊二年公子慶父帥師伐於餘上稱公

子○鞏音暉下同貶之也杜預曰外大夫貶皆稱人內大夫貶皆去族稱名記事之體他國可言其人而已之卿佐不得

言魯人○何為貶之也與于弑公故貶也音預○九月去起呂反

衛人殺祝吁于濮濮陳地水名濮音卜稱人以殺殺有罪也

有弑君之罪者則舉國之人皆欲殺之祝吁之挈失嫌也不書氏族提挈其名而道之也衆所同疾

威力不足以自固失當國之嫌其月謹之也討賊例時也衛人不能即討祝吁致

令出入自恣故謹其時月所在以著于濮者譏失賊也譏其不即討乃

令至冬十有二月衛人立晉立納入皆篡也大國篡例月小國時衛人者

衆辭也立者不宜立者也嗣子有常位故不言立晉之名惡也

惡謂不正其稱人以立之何也得衆也得衆則是

賢也賢則其曰不宜立何也春秋之義諸侯與正

而不與賢也雍曰正謂嫡長也夫多賢不可以多君無賢不可以無君立君非以尚賢所以明有統也建儲非以

私親所以定名分名分定則賢無亂長之階而自賢之禍塞矣君無嬖幸之由而私愛之道滅矣嫡丁歷反長丁丈反下同儲直魚反分扶

問反嬖必討反

五年春公觀魚于棠傳例曰公往時正也正謂無危事耳棠魯地觀魚如字左氏作矢魚傳

曰常事曰視視朔之類是非常曰觀觀魚之類是禮尊不親小

事卑不尸大功尸主魚卑者之事也周禮獻人中士下士公觀之

非正也。夏四月葬衛桓公。月葬故也。有祝吁之難故十五日乃葬。○難乃旦反。

秋。衛師入郕。入者內弗受也。郕國也。將卑

師衆曰師。書其重者也。將卑謂非卿。○郕音成。將卑子匠反。注同。九月考仲子之

宮。失禮宗廟功重者月功輕者時。莊二十三年秋丹桓宮楹是也。考者何也。考者成之

也。成之為夫人也。立其廟世祭之禮。成夫人之禮。禮。庶子為君。為其

母築宮。使公子主其祭也。公當奉宗廟故不得自主也。公子者長子之弟及妾之子。○為

千偽反。長丁丈反。於子祭於孫止。貴賤之序。仲子者。惠公之母。隱

孫而脩之。非隱也。非責也。三年父喪畢不於三年考者又有天王崩至此服音乃脩之。初獻

六羽。羽翟羽舞者所執獻者下奉上之辭作之於廟故言獻。初始也。遂以為常。穀梁子曰。

舞夏。天子八佾。諸公六佾。諸侯四佾。言穀梁子者非受於師自其意也。夏

大也。大謂大雉。大雉翟雉佾之言列八人為列。又有八列八八六十四人也。並執翟雉之羽而舞也。天子用八象八風。諸公用六降殺以兩也。

不言六佾者言佾則千在其中明婦人無武事獨奏文樂。舞夏戶雅反注及下同佾音逸列也殺色界反。初獻六羽。

始僭樂矣。下犯上謂之僭。僭子念反。尸子曰：舞夏自天子至諸

侯皆用八佾。初獻六羽。始厲樂矣。言時諸侯僭侈皆用八佾魯於是能自滅

厲而始用六穀。梁子言其始僭尸子。言其始降。侈昌是反。又尺是反。邾人鄭人伐宋。邾主兵故序鄭

上。○螟蟲災也。甚則月。不甚則時。甚則即盡不及歷月禮月令曰仲春行夏

令則蟲螟為害。○冬。十有二月。辛巳。公子彊卒。杜預曰大夫書

卒不書葬葬者自其臣子事。○彊苦侯反。隱不爵命大夫。其曰公子

彊何也。據八年無佻卒不稱公子。先君之大夫也。隱不成為君故不爵命大夫公子不為大

夫則不言。○宋人伐鄭。圍長葛。伐國不言。

圍邑。據莊二年公子慶父帥師伐於餘丘。不言圍也。伐國不言圍邑書其重也。此其言圍何也。

父之也。宋以此冬圍之至六年冬乃取之。古者師出不踰時重民之命愛民之財乃暴師經年僅而後克無仁隱之心而有

貪利之行故圍伐兼舉以明之。○暴步下。伐不踰時。戰不遂奔。

反本或作曝暴露也。僅渠文反行下孟反。填音。伐不踰時。戰不遂奔。

誅不填服。來服者不復填厭之。○填音。田復扶又反下同。厭於甲反。苞人民。毆牛馬。曰

侵。斬樹木。壞宮室。曰伐。制其人民。毆其牛馬。賊去之後則可還反。樹木斬不復生。宮室壞不

自成。故其為害重也。○毆亡于反。注同。壞音怪。一戶怪反。六年同。

六年春。鄭人來輸平。杜預曰。和而不盟曰平。○輸。輸者墮

也。平之為言。以道成也。來輸平者。不果成也。○魯與鄭

盟于艾。艾。魯地。隱行皆不致者。明。○秋。七月。無事。書首月。不遺

冬。宋人取長葛。前年冬圍至今乃得之。上有伐鄭圍長葛。言長葛則鄭邑可知。故不繫之鄭。外取

邑不志。此其志何也。久之也。

七年春。王三月。叔姬歸于紀。叔姬伯姬之姊。至此歸者。持

之為言送也從也不與嫡俱行非禮也親逆例時不親逆例月許慎曰
姪婦年十五以上能共事君子可以往二十而御易曰歸妹愆期遲歸
有待詩云韓侯取妻諸娣從之祁祁如雲娣必少於嫡知未二十而往
也○娣徒細反女弟曰娣媵以證反又繩證反從才用反下同一音如
字上時掌反共事音恭本亦作供愆起
虔反取七喻反少詩照反下文及注同
其不言逆何也據莊二
十七年

莒慶來逆莒逆之道微無足道焉爾逆者
非卿○滕侯卒滕

侯無名自無名非賤之
滕徒登反少曰卅子長曰君狄道也其不

正者名也戎狄之道年少之時稱曰卅子長立之號曰君其非正
長嫡然後有名爾責滕侯用狄道也○長曰丁丈反注

同嫡本又作適丁歷反○夏城中亡城例時中
亡魯地城為保民為之也建

立城邑有定所高下大小存乎王制刺公不脩勤德政更造城以安民○為于偽反下為其同刺七賜反民衆城小則

益城益城無極凡城之志皆譏也夫保民以德不以城
也如民衆而城小則

益城是無限極也此發凡例施之於城內邑○齊侯使其弟年來聘聘例時凡聘
比皆使卿執玉

帛以相存問諸侯之尊弟兄不得以屬通禮非始封之君則
臣諸父昆弟匹敵

之稱人臣不可以敵君故不得以屬通所以遠別其弟云者以

其來接於我舉其貴者也弟是臣之親貴者殊別於凡庶○秋公伐

邾○冬天王使凡伯來聘凡氏伯字上大夫也戎伐凡伯于楚

亡以歸凡伯者何也天子之大夫也國而曰伐此

一人而曰伐何也大天子之命也伐一人而同一國尊天子之命戎

者衛也戎衛者為其伐天子之使貶而戎之也楚

亡衛之邑也以歸猶愈乎執也夫天子之使過諸侯諸侯當候在疆場膳宰致

餼司里授館猶懼不敬今乃執天子之使無禮莫大焉昭十二年晉伐

鮮虞傳曰晉狄之也今不曰衛伐凡伯乃變衛為戎者伐中國之罪輕

故稱國以狄晉執天子之使罪重故變衛以戎之以一人當一國諱執

言以歸皆尊尊之正義春秋之微旨○之使所吏反注同愈羊主反過

八年春宋公衛侯遇于垂垂衛地不期而會曰遇遇

古卧反又古禾反疆本又作壇亦作強音姜場音亦餼許氣反牲腥曰餼伐鮮音仙

者志相得也。○三月鄭伯使宛來歸郕。凡有所歸例時郕鄭邑。

宛於阮反。郕彼病反。一音丙左氏作妨。名宛所以貶鄭伯惡與地也。去其族惡擅易

天子之邑。○惡與烏路反。注及下同去起呂反。擅市戰反。○庚寅我入郕。徐邈曰入承鄭歸郕下嫌内外文不

別故著我以明之。○別彼列反。入者內弗受也。日入惡入者也。郕者鄭

伯所受命於天子而祭泰山之邑也。王室微弱無復方岳之會諸侯驕慢

亦廢朝覲之事。故鄭以湯沐之邑易魯朝宿之田也。諸侯有大功盛德於王室者京師有朝宿之邑。泰山有沐浴之邑。所以供祭祀也。魯周公

之後鄭宣王母弟若此有賜邑其餘則不許。慎曰若令諸侯京師之地皆有朝宿之邑。周有千八百諸侯。盡京師之地不足以容。不合事理。○

復扶又反。廢朝直遙反。下同。覲巨斬反。諸侯春見天子曰朝。秋見曰覲。令力呈反。○夏六月己亥蔡侯

考父卒。諸侯日卒正也。○辛亥宿男卒。宿微國也。

未能同盟。故男卒也。○秋七月庚午宋公至齊侯。衛

侯盟于瓦屋。宋序齊上王爵也。瓦屋周地。外盟不日。此其日何也。據僖十九

年夏六月宋公曹人諸侯之參盟於是始故謹而日之

也世道不交復盟詛滋彰非可以經世軌訓故存日以記惡蓋春秋之始也。參七南反變息浪反詛莊慮反下文同。詰誓言不

及五帝五帝謂黃帝顓頊帝嚳帝堯帝舜也。詰誓言尚書六誓言七詰是。其遺文五帝之世道化淳備不須詰誓言而信自著。詰古報。

反誓言市制反五帝孔安國云少昊顓頊高辛唐虞鄭玄有黃帝無盟少曰天餘同范依鄭顓頊上音專下音許玉反帝嚳音馬反高辛名盟

詛不及三王三王謂夏殷周也。夏后有鈞臺之享商湯有景亳之命周武有盟津之會衆所歸信不盟詛也。夏戶雅。

反鈞音均亳步各反盟津音孟本亦作孟交質子不及二伯二伯謂齊桓晉文齊桓有召陵之師晉文

有踐土之盟諸侯率服不質任也。○交質負。○八月葬蔡宣公。月音置注同二伯如字又音霸召上照反。

葬故也。○九月辛卯公及莒人盟于包來包來宋邑。音苞。

一音浮左氏作浮來可言公及人不可言言公及大夫稱人衆辭可言公及人若

舉國之人皆盟也不可言公及大夫如以大夫敵公故也。○螟丁反。○冬十有二月無

孩卒無孩之名未有聞焉未聞者不知為是隱之不爵大夫為是有罪貶去氏族穀梁子

不受之於師故曰未有聞焉。去起呂反。或曰隱不爵大夫也若俠卒是。若俠音協九年經同。

或說曰故貶之也若無核帥師入極是。

九年春天王使南季子來聘南氏姓也季子字也南季子

之上大夫氏以為姓也所以別姓者經有王季子來聘祭伯來王祭皆非姓也嫌與同故別之也季云字者明命為大夫不以名通也。別彼

列反祭伯側界反下同凡國名邑名及人名名氏皆於始音後不復出若假借之字時復重音後放此聘問也聘諸

侯非正也周禮天子時聘以結諸侯之好殷覲以除邦國之患開問以諭諸侯之志歸服以交諸侯之福賀慶以贊諸侯

之喜致禮以補諸侯之災許慎曰禮臣病君親問之天子有下聘之義傳曰聘諸侯非正審所未詳。好呼報反規他弔反隱他得反惡也問

問間廁之間服市軫反祭肉也禮戶外反或古外反。二月癸酉大雨震電震雷也

電霆也電徒練反霆徒丁反又徒頂反。庚辰大雨雪志䟽數也

八日之間再有大變陰陽錯行故謹而日之也劉

云雷未可以出電未可以見雷雷電既以出見則雪不常復降皆失節也雷雷陽也雨雪陰也雷出非其時者是陽不能閉陰陰氣縱逸而將為害

也。○兩于付反。數色角反。向舒其反。見賢徧反。復扶又反。雨月志正也。兩得其時則月。○俠卒。俠

者所俠也。俠名也。所其氏。弗大夫者。隱不爵大夫也。俠不命為大夫故不氏。

隱之不爵大夫何也。曰。不成為君也。明將立桓。○夏城郎

郎魯邑。○秋七月。無事焉。何以書。不遺時也。四時不具。不成年也。○

冬。公會齊侯于防。防魯地也。會者。外為主焉。爾

十年春。王二月。公會齊侯。鄭伯于中牟。隱行自此。比月者。天告雷雨之異。以見篡弑之禍。而不知戒懼。反更數會。故危之。見賢徧反。數色角反。○夏。鞏帥師會齊人。鄭

人伐宋。鞏隱之罪人也。故終隱之世。貶之。○六月壬戌。公敗宋師于營

敗例。日與不日。皆與戰同。管宋地。○公敗必。遇反。又皮邁反。後亦同于管。古顛反。內不言戰。舉其大

者也。戰然後敗。故敗大於戰。辛未。取郟。郟古報反。字林工笠反。辛巳。取防。取

邑不日。此其日何也。據僖三十三年伐邾。取此言。婁不日。此言子斯反。不正其乘

敗人而深為利。取二邑。故謹而日之也。

禮不重傷戰不逐此公敗

宋師于菅復取其二邑貪利不仁故謹其日。重直用反逐此如字又音佩本又作逐奔復扶又反。

○秋。宋人。衛人。

入鄭。○宋人。蔡人。衛人。伐載。鄭伯伐取之。

凡書取國皆滅也變

滅言取明其易。載如字本或作戴易以破反下文同。

不正其因人之力而易取之。

故主其事也。

三國伐載自足以制之鄭伯不能矜人之危而反與共伐故獨書鄭伯伐取之以首其惡其實四國共取

之。惡烏各反。

○冬。十月。壬午。齊人。鄭人。入郕。入者。內弗受也。

也。日入。惡入者也。郕國也。

○惡烏路反

十有一年。春。滕侯。薛侯。來朝。天子無事。諸侯相朝。

正也。

事謂巡守崩葬兵革之事。薛息列反守音符本亦作符。

考禮脩德所以尊天子也。

也。諸侯來朝時正也。

朝宜以時故書時則正也。

也。植言同時也。

植言謂別言也。

若穀伯綏來朝。鄧侯吾離來朝。同時來不俱至。○植音特獨也。本或作特。

累數皆至也。

累數摠言之也。若滕

侯辭侯來朝同時俱至。數所主反。

○夏五月公會鄭伯于時來時來鄭地。○

秋七月壬午公及齊侯鄭伯入許。○冬十有一月。

壬辰公薨。公薨不地。故也。不地不書路寢之比。必利反。隱之不

忍地也。隱猶痛也。其不言葬何也。君弑賊不討。不書葬。

以罪下也。責臣子也。隱十年無正。隱不自正也。無正謂不書正月。

元年有正。所以正隱也。明隱宜立。

春秋穀梁傳卷第一

經傳貳阡柒伯字

注肆阡陸伯伍拾叁字

音義壹阡肆伯貳拾柒字

仁神比較訖

春秋穀梁傳相公第二

○相公名允相王九年即位

范甯集解

元年春王。相無王。其曰王何也。謹始也。

諸侯無專立之道必受國於王

若相初立便以見治故詳其即位之始以明王者之義

其曰無王何也。相弟弑。兄臣。

弑君。天子不能定。諸侯不能救。百姓不能去。以為

無王之道。遂可以至焉爾。元年有王。所以治相也。

正月公即位。

杜預曰嗣子位定於初喪而改元必須踰年者繼父之業成父之志不忍有變於中年也諸侯每首歲必

有禮於廟諸遭喪繼位者因此而改元即位百官以序故國史亦書即位之事於策。去上聲

繼故不言即位。

正也。

故謂弑也

繼故不言即位之為正何也。曰先君不

以其道終。則子弟不忍即位也。

哀痛之至故不忍行即位之禮繼故

而言即位。則是與聞乎弑也。繼故而言即位。是為

與聞乎弑何也。曰：先君不以其道終，已正即位之

道而即位，是無恩於先君也。推其無恩則知與弑也。此明統例耳。與弑尚然，况親弑者。

○與聞音豫下文。及注與弑皆同。 ○三月，公會鄭伯于垂。垂，衛地也。傳列曰：往月危往也。桓大

惡之人故會。皆月以危之。 會者，外為主焉。爾。鄭伯所以欲為此會者為易田故。○為易于偽反。

○鄭伯以璧假許田。假不言以言以非假也。實假則不應言

以璧非假而曰假，諱易地也。禮，天子在上，諸侯不得

以地相與也。諸侯受地於天子不得自專。 無田則無許可知矣。不言

許，不與許也。但言以璧假許而不繼田，則許屬鄭也。今言許田明以許之田與鄭，不與許邑也。諸侯有功則賜田以祿

之若可以借人，此蓋不欲以實言。○借子夜反。 許田者，魯朝宿之邑也。邠者，鄭

伯之所受命而祭泰山之邑也。用見魯之不朝於

周而鄭之不祭泰山也。朝天子所宿之邑謂之朝宿。泰山非鄭竟內從天王巡守受命而祭也。擅

相換易則知朝祭並廢。魯朝直遙反。下皆同。邠彼病反。又音丙見。賢翁偏反。竟音境。從在用反。守音符。擅市戰反。換本亦作。遑胡喚反。

夏四月丁未。公及鄭伯盟于越。越地也。及者。內為志。

焉爾。越盟地之名也。秋大水。禮月令曰。季秋行夏令。則其國大水。大水例時。

高下有水災曰大水。冬十月無事焉。何以書。不

遺時也。春秋編年四時具而後為年。編錄。必連反。字林聲類韻集皆。

布千反。史記。立音義。浦漚反。

二年春。王正月。戊申。宋督弑其君與夷。宋督。宋之卑者。卑者以國

氏。督。丁毒反。與如字。又音餘。相無王。其曰王何也。正與夷之卒也。

諸侯之卒。天子所隱。痛。姦。逆之。人王法所宜誅。故書王以正之。及其大夫孔父。孔父先死。

其曰及何也。書尊及卑。春秋之義也。邵曰。會盟言及。別內外也。尊卑言及。

上下序也。孔父之先死何也。督欲弑君而恐不立。於別彼列反。

是乎先殺孔父。孔父，閑也。閑謂扞禦。殺並如字。扞，下且反。何以知其

先殺孔父也。曰：子既死，父不忍稱其名。臣既死，君

不忍稱其名，以是知君之累之也。累謂從也。孔氏，父字

謚也。孔父有死難之勳，故其君以字為謚。難乃且反。或曰：其不稱名，蓋為祖

諱也。孔子故宋也。孔子舊冒是宋人，孔父之女孫為子偽反。滕子來朝。隱

一年稱侯，今稱子。蓋時王所黜。○三月，公會齊侯、陳侯、鄭伯、子穰，以

成宋亂。穰，宋地也。以者，內為志焉。爾，公為志乎。成是

亂也。欲會者外也，欲受賂者公也。此成矣。取不成事之辭而加之

焉。於內之惡，而君子無遺焉。爾。取不成事之辭，謂以成宋亂也。相蔽逆之人，故

極言其惡無所遺漏也。江淵曰：春秋親尊比且諱，蓋患惡之不可掩，豈當取不成事之辭以加君父之惡乎。案宣四年公及齊侯平莒及郟，傳曰

平者成也。然則成亦平也。公與齊陳鄭欲平宋亂，而取其賂，躬不能平亂，故書成。宋亂取郟大鼎納于大廟，微自見矣。尋理推經傳，似失之。徐

邈曰宋雖已亂治之則治亂成不繫此一會若諸侯討之則有撥亂之功不討則受成亂之責辭豈虛加也哉春秋雖為親尊者諱然亦不沒其實故納鼎于廟躋僖逆祀及王室之亂昭公之孫皆拍事而書哀七年傳所謂有一國之道者有天下之道者也君失社稷猶書而不隱况今四國羣會非一人之過以義致譏輕於自己非亂以此方彼無所多怪○郊音談大廟音泰下文及注同見賢皆偏反躋子兮反○

夏四月取郕大鼎于宋戊申納于大廟傳例曰納者內不受也日

之明惡甚也太廟周公廟○郕古報反 栢內弑其君外成人之亂受賂而

退以事其祖非禮也其道以周公為弗受也郕鼎

者郕之所為也曰宋取之宋也此鼎本郕國所作宋後得之 以是

為討之鼎也討宋亂而更受其賂鼎為討之鼎如字麀氏云討或作糾 孔子曰名從主

人物從中國故曰郕大鼎也主人謂作鼎之主人也故繫之郕物從中國謂是大鼎所

○秋七月紀侯來朝隱二年稱子今稱侯蓋時王所進○紀侯左氏作把侯 朝時此

其月何也據隱十一年春滕侯薛侯來朝稱時 栢內弑其君外成人之

亂於是為齊侯。陳侯。鄭伯。計數日以賂。相既罪深責大乃復為三

國計數至日以責宋賂。為齊子為反下同數色。主反注同復扶又反。已即是事而朝之。惡之。

故謹而月之也。已紀也。相與諸侯校數功勞以取宋賂。不知非之為非貪愚之甚紀不擇其不肖而就朝之。惡烏

路反○蔡侯。鄭伯。會于鄧。鄧某地。某地不知其國故云某後放此。○九月入

杞。我入之也。不稱主名內之卑者。○公及戎盟于唐。○冬。公至

自唐。告廟曰至傳例曰致君者殆其往而喜其反此致君之意義也。離不言會故以地致。相無會。而其

致何也。遠之也。相會其眾而曰無會蓋無致會也。弑逆之罪非可以致宗廟而今致者凡其遠會戎狄喜其得反。

三年春正月公會齊侯于贏。贏齊地。贏音盈。○夏齊侯衛

侯胥命于蒲。蒲衛地。胥之為言猶相也。相命而信諭

謹言而退。以是為近古也。申約言以相達不歃血而誓盟古謂五帝時。近附近之近約如字

又於妙反。敵本又作甫所洽反。是必一人先。其以相言之何也。不以齊

侯命衛侯也

江熙曰夫相與親比非一人之德是以同聲相應同氣相求齊衛晉盟雖有先倡倡和理均若以齊命衛

則功歸于齊以衛命齊則齊僅隨從言其相命則泯然無際矣。比毗志反應應對之應僅巨斬反泯亡忍反。 ○六月公

會祀侯于郕

郕音成

○秋七月壬辰朔日有食之

既言日言朔食正朔也

朔日食也

既者盡也。有繼之辭

也

盡而復生謂之既。復扶又反。

○公子翬如齊逆女

翬稱公子者相不以爲罪人也

逆

女親者也。使大夫非正也。九月齊侯送姜氏于謹

已去齊國故不言女未至于魯故不稱夫人謹魯地月者重錄之。于謹音歡。

禮送女。父不下堂

母不出祭門。諸母兄弟不出闕門

祭門廟門也闕兩觀也在祭門之外。觀

古亂反

父戒之曰。謹慎從爾舅之言。母戒之曰。謹慎

從爾姑之言。諸母般申之曰。謹慎從爾父母之言。

般嘉裝也所以盛朝夕所須以備舅姑之用。般步干反一本作般輩音同盛音成。

送女踰竟。非禮也。

踰

竟音境。公會齊侯于謹。無譏乎。齊侯送女踰竟遠至于謹。媿公會非禮之人。豈得有譏。

曰。為禮也。齊侯來也。公之逆而會之可也。為親逆之禮。夫

人姜氏至自齊。其不言翬之以來何也。據宣元年。以夫人婦姜

至自齊。公親受之于齊侯也。重在公。子貢曰。冕而親迎。不

已重乎。冕祭服。迎魚敬反。一本作逆。孔子曰。合二姓之好。以繼萬

世之後。何謂已重乎。好呼報反。○冬。齊侯使其弟年來

聘。有年。有年例時。五穀皆熟。為有年也。

四年春。正月。公狩于郎。春而言狩。蓋用冬狩之禮。蒐狩例時。而此月者。重公失禮也。莊四年冬。公

及齊人狩于郕。傳曰。齊人者。齊侯也。其曰人何也。卑公之敵。所以甲公也。然則言齊人者。所以人公則譏已明矣。狩得其時。故不月。四時

之田。比夏為宗廟之事也。春曰田。取獸於田。為于偽反。夏曰苗。因為

苗除害。故曰苗。秋曰蒐。蒐擇之舍。小取大。蒐所由反。麋氏本又作搜。音同。全音捨。冬曰狩。狩圍狩也。冬物

畢成獲則取之無所擇。四時之田用三焉。唯其所先得。一為乾

豆。上殺中心死速乾之以為豆實。可以祭祀。中丁仲反下同。二為賓客。次殺射髀髀死差

步啟反。又必邇反。酪。苦嫁反。差初賣反。三為充君之庖。下殺中腸汚泡死最遲。先宗廟次賓客。後庖厨

尊神敬交之義。庖。步交反。汚。汗穢之汚泡。普交反。又百交反。○夏。天王使宰渠伯糾來

聘。宰官也。渠氏也。天子下大夫老故。稱字下無秋冬二時。甯所未詳。

五年春正月甲戌己丑。陳侯鮑卒。鮑卒。何為以二

日卒之。春秋之義。信以傳信。疑以傳疑。明實錄也。傳直專反。

陳侯以甲戌之日出。己丑之日得。不知死之日。故

舉二日以包也。國君獨出必辟病。替行。必辟。音避。本又作避。○夏。齊侯鄭伯

如紀。外相如不書。過我古未反。下文及注同。○天王使任叔之子來聘

任叔。天子之大夫。任叔音壬。左氏作仍叔。任叔之子者。錄父以使子也。故微

其君臣而著其父子。不正父在子代仕之辭也。錄父

使子謂不氏名其人稱父言子也君聞劣於上臣苟進於下蓋參譏之○葬陳栢公○城祝仁

譏公不脩德政○秋蔡人衛人陳人從王伐鄭王親自伐持城以安民

用反又如舉從者之辭也使若王命諸侯伐鄭書從王命者三國也其舉從者

之辭何也。為天王諱伐鄭也。諱自伐鄭為于偽反鄭同姓之

國也。在乎冀州。於是不能服。為天子病矣。鄭姬姓之國冀州則近京

師親近猶不能服則疏遠者可知○冀州案鄭本京北鄭縣是雍州之域後徙河南新鄭為豫州之境冀在兩河之間非鄭都也冀州言去京

師近也麋氏云韓侯滅鄭韓本都冀州故以目鄭近附近之近○大雩雩者旱祭請雨之名傳例

早月雩正也時雩不正也禮月令曰仲冬行夏令則其國乃旱○雩章祭名○蝻蝻蟻之屬禮月令曰仲冬行夏令則其國乃旱○雩章祭名

蝻音疇蝻華蓋反冬蝻蟲災也。甚則月不甚則時。○冬

州公如曹。外相如不書。此其書何也。過我也。過我六年

寔來是也將有其未故先錄其本

六年春正月寔來

來朝例時月者謹其無禮○寔常式反朝直遙反下七年同

寔來者

是來也何謂是來謂州公也其謂之是來何也以

其畫我故簡言之也諸侯不以過相朝也

畫是相過去朝遠○

畫音獲注同以過古禾反注同

夏四月公會紀侯于郟

紀侯左氏作杞侯

秋

八月壬午大閱

蒐閱例時閱音悅

大閱者何閱兵車也

閱為簡練

脩教明諭國道也

脩先王之教以明達於民治國之道

平而脩戎事非

正也

邵曰禮因四時田獵以習用戎事存不忘亡安不忘危之道平謂不因田獵無事而脩之

其日以爲崇

武故謹而日之蓋以觀婦人也

觀古亂反視也

蔡人殺

陳佗陳佗者陳君也其曰陳佗何也匹夫行故匹

夫稱之也其匹夫行奈何陳侯喜獵淫獵于蔡與

蔡人爭禽蔡人不知其是陳君也而殺之

淫獵謂自放次心遺失

徒衆。陳佗徒河反。行下孟反。憲虛記反。

何以知其是陳君也。兩下相殺不

道。兩大夫相殺。不書春秋。

其不地於蔡也。○九月丁卯子同生

子同相公嫡子莊公嫡丁歷反。或作適。疑。故志之

莊公母文姜淫于齊襄疑非公之子。

時曰同乎

人也。時人僉曰齊侯之子同。於他人。僉七廉反。

○冬紀侯來朝

七年春二月己亥焚咸上

日之謹其惡。惡烏各反。

其不言邾咸

上何也

據襄元年圍宋彭城言宋。

疾其以火攻也

不繫於國者欲使焚邑之罪與焚國同。

○夏穀伯綏來朝。鄧侯吾離來朝。其名何也

據隱

十一年滕薛來朝不名。

失國也

禮諸侯不生名失地則名。

失國則其以朝言之

何也

據文十二年邾伯來奔不言朝。

嘗以諸侯與之接矣。雖失國弗

損吾異日也

待之以初也。下無秋。冬二時筭所未詳。

八年春正月己卯烝

春祭曰祠薦尚非卯夏祭曰禴薦尚麥魚秋祭曰嘗薦尚黍肫冬祭曰烝薦尚

稻薦無牲而祭曰薦薦而加牲曰祭禮各異也失禮祭祀例日得礼者時定八年冬從祀先公是也僖八年秋七月禘于大廟月者謹用致夫人耳禘無違禮○烝之承反曰禴餘若反又烝冬事也春興之作禘黍肫本又作豚徒門反大廟音黍下同

志不時也○天王使家父來聘

家夫天子大夫家氏父字

○夏五月

月丁丑烝烝冬事也春夏興之黷祀也志不敬也

黷徒木反

○秋伐邾○冬十月雨雪

禮月令曰子丑冬行秋令則霜雪不時○兩于付

反○祭公來遂逆王后于紀

祭公冢內諸侯為天子三公者親逆例時不親逆例月故

春秋左氏說曰王者至尊無敵無親逆之禮祭公逆王后未到京師而稱后知天子不行而禮成也鄭君釋之曰大妣之家在卻之陽在渭之次文王親迎于渭即天子親迎之明文矣天子雖尊其于后猶夫婦夫婦判合禮同一體所謂無敵豈施此哉禮記哀公問曰冕而親迎不已重乎孔子愀然作色而對曰合二姓之好以繼先聖之後以為天地宗廟社稷之主君何謂已重焉此言親迎繼先聖之後為天地宗廟社稷之主非天子則誰乎○祭公側界反寰音縣又音環親迎魚敬反注皆同大妣音似大妣文王妃也卻音洽本又作洽湫音仕愀在九反又親小

呼報反反之好其不言使焉何也據四年天王使宰渠伯糾稱使不正其以宗

廟之大事即謀於我故弗與使也時天子命祭公就魯共卜擇紀女可中后

者便逆之不復反命復扶又反遂繼事之辭也其曰遂逆王后故

略之也以其遂逆無禮故不書逆女而曰王后略謂不以禮稱之或曰天子無外王命

之則成矣四海之濱莫非王臣王命紀女為后則已成王后不如諸侯入國乃稱夫人或說是

九年春紀季姜歸于京師季姜相王后書字者申父母之尊姜紀姓為之中

者歸之也中謂關與婚事之中丁仲反又如字注同與音豫夏四月秋七月

冬曹伯使其世子射姑來朝朝不言使言使非

正也使世子伉諸侯之禮而來朝曹伯失正矣諸

侯相見曰朝以待人父之道待人之子以內為失

正矣內失正曹伯失正世子可以已矣則是放命

也父有爭子則身不陷於不義射姑發曹伯之命可○射音亦麋氏本即作亦朝直遙反仇苦浪反本又作亢爭諫爭之爭尸子

曰夫已多乎道邵曰已止也止曹伯使朝之命則曹伯不陷非禮之愆世子無苟從之外魯無失正之譏三者

正則合道多矣愆去虔反

十年春王正月庚申曹伯終生卒相無王其曰王

何也正終生之卒也徐乾曰與夷見弑恐正卒不復扶富反○夏五

月葬曹相公○秋公會衛侯于桃丘弗遇桃丘衛地栢弑逆之

弗遇者志不相得也弗內辭也人出則有危故會皆月之衛侯不來無危故時

不來故書弗遇以殺耻倡會者衛魯至桃丘而衛○冬十有二月丙午齊侯衛侯

鄭伯來戰于郎結曰列陳則日傳例曰不日疑戰也○陳直觀反來戰者前定

之戰也先已結期戰先蘇薦薦反內不言戰言戰則敗也兩敵故言戰春秋不

以外敵內不言其人以吾敗也不言及者為內諱也書戰則敗

○為于
偽反

十有一年春正月齊人衛人鄭人盟于惡曹惡曹地闕

○夏五月癸未鄭伯寤生卒○寤吾故反 秋七月葬鄭

莊公莊公殺段失德不葬而書葬者段不弟於王法當討故不以殺親親賤之 ○弟下並音弟又如字 ○九月

宋人執鄭祭仲祭氏仲名執大夫有罪者例時無罪者月此月者為下盟 ○祭側界反 宋人者

宋公也其曰人何也賤之也○惡其執人權巨廢嫡立庶 ○

突歸于鄭突鄭厲公昭公之弟莊公之子 曰突賤之也曰歸易辭也

傳例曰歸為善自某歸次之此傳曰歸易辭也然則歸有二義不比皆善矣突篡凡之位制命權臣則歸無善○易以豉反下文及注同篡初患

反祭仲易其事權在祭仲也死君難臣道也今立

惡而黜正惡祭仲也易辭言廢立在此○難乃巨反惡祭烏路反 ○鄭忽出

奔衛忽鄭昭公鄭忽者世子忽也其名失國也其名謂去世子而但

稱忽。去。起呂反。○柔會宋公陳侯蔡叔盟于折。蔡叔蔡大夫名未命故不

氏折某地。折之設反又時設反。柔者何。吾大夫之未命者也。○公會

宋公于夫鍾。夫鍾卿地。夫音扶。麋氏本鍾作童音鍾。○冬十有二月公會

宋公于闕。闕魯地。闕口暫反。

十有二年春正月。夏六月壬寅公會紀侯莒子

盟于曲池。曲池魯地。○秋七月丁亥公會宋公燕人盟

于穀。亡。穀亡宋地。燕音煙國名。○八月壬辰陳侯躍卒。陳厲公也。躍餘若

反。○公會宋公于虛。虛宋地。虛如。字又去魚反。○冬十有一月公會

宋公于龜。龜宋地。○丙戌公會鄭伯盟于武父。武父鄭地。父鄭

音。○丙戌衛侯晉卒。再稱日。決日義也。明二事比日當日也。晉不正非日

卒者也不正前見矣。隱四年衛人立晉是也。與齊小白義同。見賢徧反。○十有二月及鄭師伐

宋丁未戰于宋。非與所與伐戰也。非不言與鄭戰責

恥不和也。於伐與戰敗也。內諱敗。舉其可道者也。

於伐宋而與鄭戰內敗也戰輕於敗戰可道而敗不可道

十有三年春二月公會紀侯鄭伯己巳及齊侯宋

公衛侯燕人戰齊師宋師衛師燕師敗績。徐貌曰僖

九年傳曰禮極在堂上孤無外事今衛宣未葬而嗣子稱侯以出其失禮明矣宋陳稱子而衛稱侯隨其所以自稱者而書之得失自見矣。

極其救反見賢徧反其言及者由內及之也。其曰戰者由外言

之也。內不言戰言戰則敗今魯與紀鄭同討以有紀鄭故可得言戰戰稱人敗稱師重衆

也。其不地於紀也。春秋戰無不地即於紀戰無為不地也鄭君曰紀當為己謂在魯也子之誤耳時在龍門

城下之戰迫近故不地○三月葬衛宣公○夏大水○秋七月○

冬十月

十有四年春正月公會鄭伯于曹。無冰。

皆君不明去就政治

紆緩之所置五行傳曰視之不明是謂不哲厥咎舒厥罰常燠○哲陟列友一本作哲之列反燠於六反煖也下文同

無冰。

時燠也。夏五。

夏五本或有月者非

鄭伯使其弟禦來盟。諸

侯之尊。弟兄不得以屬通。其弟云者。以其來我舉

其貴者也。來盟前定也。不日。前定之盟不日。

言信在前非結

於今○禦魚呂反本亦作御左氏作語

孔子曰聽遠音者聞其疾而不聞

其舒。

疾謂激揚之聲舒謂徐緩

望遠者察其貌而不察其形。

貌姿駢形容色

立乎定哀以指隱桓。隱桓之日遠矣。夏五傳疑也。

孔子在於定哀之世而錄隱桓之事故承闕文之疑不書月明皆實錄○傳直專反

秋八月壬申御廩

災。

御廩藏公所親耕以奉粢盛之倉也內災例日○廩力甚反

乙亥嘗御廩之災不

志。

以其

此其志何也。以為唯未易災之餘而嘗可

也。志不敬也。

鄭嗣曰唯以未易災之餘而嘗然後可志也。用火焚之。餘以祭宗廟。非人子所以盡其心力不敬之大也。

○盡津 忍反

天子親耕以共粢盛。

天子親耕其禮三推。黍稷曰粢。在器曰盛。○共音恭。一本作恭。

案音咨推昌誰 反一音他回反

王后親蠶以共祭服。

王后親蠶齊戒躬桑。夫人三纁。遂班三宮。朱綠玄黃。

以為黼黻文章服既成君服以祀之。○齊戒側皆反 本亦作齋纁。先刀反。黼音甫亦作黼。黻音弗俗作黻。

國非無良農

工女也。以為人之所盡事其祖禰。不若以己所自

親者也。

胤曰夫治人之道莫急於禮。禮有五經莫重於祭。祭者非物自外至者也。由中出者身致其誠信。然後可以交於神。

○禰祭之道也 禰乃禮反

何用見其未易災之餘而嘗也。曰。甸

粟而內之。三宮。三宮米而藏之。御廩。

甸甸師掌田之官也。三宮三夫

人也。宗廟之禮君親割夫 人親舂。○親舂傷容反

夫嘗必有兼甸之事焉。

夫人親舂是兼

甸之事。○兼甸如字一本 作甸十日為甸注亦然

壬申。御廩災。乙亥。嘗。以為未易

災之餘而嘗也。

鄭嗣曰壬申乙亥相去四日言用 日至少而功多明未足及易而嘗

○冬十有

二月丁巳。齊侯祿父卒。○宋人以齊人。蔡人。衛人。

陳人伐鄭。以者不以者也。民者君之本也。使人以

其死非正也。不以者謂本非所得制今得以之也刺四國使宋專用其師輕民命也○刺七賜反

十有五年春二月。天王使冢父來求車。古者諸侯

時獻于天子。以其國之所有。故有辭讓而無徵求。

求車非禮也。求金甚矣。文九年毛伯來求金○三月乙未。天王

崩。王相○夏四月己巳。葬齊僖公。○五月。鄭伯突出

奔蔡。譏奪正也。禮諸侯不生名今名突以譏之○鄭世子忽復歸于

鄭。反正也。○許叔入于許。傳例曰大夫出奔反以好曰歸以惡曰入許叔。許

之貴者也。莫宜乎許叔。其曰入何也。其歸之道非

所以歸也。泰曰許國之貴莫過許叔叔之宜立又無與二而進無王命退非父授故不書曰歸同之惡入○公

會齊侯于蒿

蒿左氏作艾公羊作蒿

邾人卒人葛人來朝

何休

曰相公行惡而三人俱朝事之三人為眾眾足責故夷狄之。行下孟反又如字。

秋九月鄭伯突入

于櫟

櫟鄭邑也突不正書入明不當受。櫟力狄反。

冬十有一月公會宋公衛

侯陳侯于袤伐鄭

袤宋地。袤昌氏反。

地而後伐疑辭也非

其疑也

鄭突欲篡國伐而正之義也不應疑故責之

十有六年春正月公會宋公蔡侯衛侯于曹夏

四月公會宋公衛侯陳侯蔡侯伐鄭

蔡常在衛上今序陳下蓋後至

秋七月公至自伐鄭相無會其致何也危之也

相公再助篡伐正危殆之甚喜得全歸故致之

冬城向

向舒亮反

十有一月衛

侯朔出奔齊

朔惠公名

朔之名惡也天子召而不往

也

十有七年春正月丙辰公會齊侯紀侯盟于黃

地 ○二月丙午公及邾儀父盟于雒

雒魯地

○夏

五月丙午及齊師戰于郎內諱敗舉其可道者也

敗恥大戰恥小戰于郎左氏作于奚 不言其人以吾敗也

言人則微者敗於微者其恥又甚故

師不言及之者為內諱也

及當有人公親帥之取大不可言為于偽反

○六

月丁丑蔡侯封人卒 ○秋八月蔡季自陳歸于蔡

蔡季蔡之貴者也自陳陳有奉焉爾

陳以力助

○癸巳

葬蔡栢侯

徐邈曰葬者臣子之事故書葬皆以公配謚此稱侯蓋蔡目子失禮故即其所稱以示過

○及宋

人衛人伐邾 ○冬十月朔日有食之言朔不言日

食既朔也

既盡也盡朔一日至明日乃食是月二日食也

十有八年春王正月公會齊侯于灤

此年書王以王法然治栢之事

力沃反又音洛 舊音匹沃反

公與夫人姜氏遂如齊

公本與夫人俱行至灤公與齊侯行

會禮故先書會灤既會而相隨至齊故曰遂遂繼事之辭他皆故此

灤之會不言及夫人何

也

據夫人實在當言公及夫人姜氏會齊侯于灤

以夫人之伉弗稱數也

灤之會夫人驕

伉不可言及故舍而弗數令書遂如齊欲錄其致變之由故不可以不書實驕伉而不制故不言及○伉本又作兀苦浪反數色戶反舍音自捨

○夏四月丙子公薨于齊

夫人與齊謀殺之不書諱也魯公薨正與不正比皆日所以別內外也○別內外彼列反

外也○別內外彼列反

其地於外也薨稱公舉上也

公五等之上

丁

酉公之喪至自齊○秋七月○冬十有二月己丑

葬我君桓公葬我君接上下也

言我君舉國上下之辭

君弑賊

不討不書葬此其言葬何也

據隱公不書葬

不責踰國而

討于是也

禮君父之辭不與共戴天而曰不責踰國而討于是者時齊強大非己所討君子即而恕之以申臣子之恩

桓公葬而後舉謚謚所以成德也於卒事乎加之

矣謚者行之迹所以表德人之終卒事畢於葬故於葬定稱號也昔武王崩周公制謚法大行受大名小行受小名所以勤善而懲惡

禮天子崩稱天命以謚之諸侯薨天子謚之卿大夫卒受謚於其君○行之下孟反下同稱尺謚反知者慮義者

行仁者守。有此三者備然後可以會矣相無此三者而出會大國

所以見殺○知音智守如字又音狩

春秋穀梁卷第二

經傳參阡零伍拾叁字

注參阡柒伯捌拾肆字

音義壹阡零貳拾肆字

余 仁仲刊于家塾

春秋穀梁傳莊公第三

○名同莊王四年即位

范甯集解

元年春。王正月。繼弑君不言即位。正也。繼弑君不

言即位之爲正何也。據君不絕曰。先君不以其道終。則

子不忍即位也。○三月。夫人孫于齊。桓公夫人文姜也哀姜有殺子之罪

輕故僖元年曰夫人氏之喪。至自齊。去姜以賤之。文姜有殺夫之罪。重故去姜氏以賤之。此輕重之差。○孫音遜。本亦作遜。去起呂反。下去姜

同。孫之爲言猶孫也。孫孫遁而去。○遁徒困反。諱奔也。接練時錄

母之變。始人之也。夫人初與桓俱如齊。今又書者於練時感夫人不與祭。故始以人道錄之。○與祭音豫。

不言氏姓。貶之也。人之於天也。以道受命於人也。

以言受命。臣子則受君父之命。婦受夫之命。不若於道者。天絕之也。若順

不若於言者。人絕之也。臣子大受命。言義得。○夏

單伯逆王姬

單姓也伯字。單音善。單姓伯字左氏。以為王卿士逆王姬左氏作送王姬。

單伯者

何。吾大夫之命乎天子者也。命大夫故不名也。

諸侯

歲貢士于天子天子親命之使還其國為大夫者不名天子就其國命之者以名氏通也。

其不言如何也。

據

二十九年公子遂如京師言如

其義不可受於京師也。其義不可受於

京師何也。曰躬君弑於齊使之主婚姻與齊為禮。

其義固不可受也。

禮尊卑不敵天子嫁女于諸侯必使同姓諸侯主之魯相親見殺于齊若天子命使為主

則非禮大矣春秋為尊者諱故不可受之于京師。弑又作殺為尊于偽反下為之築同。

○秋築王姬之館

于外築禮也。于外非禮也。

外城也築之為禮何也。主

王姬者必自公門出。

公門朝之外門主王姬者當設几筵于宗廟以俟迎者故在公門之內築王姬之館

○朝之直遙反下於朝同迎魚敬反下同

於廟則已尊於寢則已卑為之築

節矣。築之外變之正也。築之外變之為正何也。仇

讎之人。非所以接婚姻也。衰麻。非所以接弁冕也。

親迎服祭服者重婚姻也。公時有衰七回反弁皮彥反。其不言齊侯之來逆何也。

不使齊侯得與吾為禮也。○冬十月乙亥。陳侯林

卒。諸侯日卒。正也。○王使榮叔來錫桓公命。榮氏叔字天子

之上大夫也。禮有九錫。一曰輿馬。二曰衣服。三曰樂則。四曰朱戶。五曰納陛。六曰虎賁。七曰弓矢。八曰鈇鉞。九曰鉅鬯。皆所以褒德賞功也。德有厚薄。功有輕重。故命有多少。何休曰。相弑逆之人。王法所宜誅絕。而

反錫命。悖亂天道。故不言天王也。文五年。王使榮叔歸含且贈。則曰含者。臣子之職也。以至尊行卑事故不言天王也。三月。王使毛伯來會葬。又曰刺比。失禮故亦不言天王也。甯案僖二十四年。天王出居于鄭。不

可最大矣。禮天子既有贈含之制。傳但譏二事。共一使耳。言且所以示譏。一事無再貶之道也。以天王之尊。會人妾祖母之葬。誠失禮矣。孰若

使任叔之子來聘。使家父來求車之不可乎。此三者皆言天王明非義之所有。舊史有詳略。夫子因而弗革。故知曲說雖巧。致遠則滯矣。○錫

星。歷反。賁音奔。鈇方胡反。鉞音越。鉅音巨。黑黍鬯。勅亮反。香酒也。悖補對反。含胡暗反。贈芳鳳反。刺七賜反。一使所吏反。任音壬。滯乃計反。一

泥本作禮有受命。無來錫命。錫命非正也。賞人於朝與士共之當召

禮有受命。無來錫命。錫命非正也。

而錫也。周禮大宗伯職曰：王命諸侯，則生服之，死行之，禮也。殯之，是來受命。朝直遙反，殯必刃反。

生不服，死追錫之，不正甚矣。王姬歸于齊，為之

中者，歸之也。齊師遷紀，邾郚郚，紀國也。邾郚郚

國也。此國以三言為名。邾步丁反，郚子移反，郚音吾。或曰：遷紀于邾郚郚。宋人

遷宿傳曰：遷亡辭也。其不地，宿不復見矣。齊師遷紀四年，復書紀侯，大去其國者，紀侯賢不與齊師之亡紀，故變文以見義。邾郚郚之君無紀

侯之賢，故不復見。從常例也。若齊師遷紀于邾郚郚，當言于以明之。又不應復書地，當如宋人遷宿，齊人遷陽，或曰之，說審所未詳。復扶又

反見賢，徧反。

二年春，王二月，葬陳莊公。夏，公子慶父帥師伐

於餘上。慶父名，字仲父。國而曰伐於餘上，邾之邑也。其曰伐

何也？公子貴矣，師重矣，而敵人之邑，公子病矣，病

公子，所以譏乎公也。其一日，君在而重之也。邾君在此邑故

不繼于邾。○秋七月。齊王姬卒。為之主者卒之也。其主

使若國嫁則有兄弟之恩。死則服之。服之故書卒。禮記曰：齊王姬之喪，魯莊公為之大功。為之大功于偽反。○冬十有二

月。夫人姜氏會齊侯于禚。禚齊地。禚章略反。婦人既嫁不踰

竟踰竟。非正也。婦人不言會。言會非正也。饗食甚矣。

饗在四年。踰竟音境後踰之例皆同。○乙酉。宋公馮卒。馮皮冰反。

三年春。王正月。溺會齊侯伐衛。徐邈曰：傳例曰：往月危往也。齊受天子罪人為

之與師而魯與其理危也。溺乃狄反。溺者何也。公子溺也。其不稱公子何

也。據二年公子慶父帥師伐於餘上稱公子。惡其會仇讎而伐同姓。故貶而

名之也。惡烏路反。○夏四月。葬宋莊公。月葬。故也。○五

月。葬桓王。傳曰：改葬也。若實改葬當言改以明之。郊牛之口傷改卜牛是也。傳當以七年乃

葬故謂之改葬。改葬之禮。總舉下。緬也。總者五服最下。言舉下緬上從總皆反。其故服因葬桓

王記改葬之禮不謂改葬相王當服總也猶晦震夷伯之廟因明天子諸侯之制不謂夷伯非魯之大夫也甯之先君與蔡司徒論之詳矣江
熙曰葬稱公舉五等之上改葬禮總舉五服之下以喪緇藐遠也天子諸侯易服而葬以為交於神明者不可以純凶况其緇者乎是故改葬之禮其服唯輕言緇釋所以總也○總息詞反緇士音反遠也 或曰郤尸以求諸侯傳尸七年

會葬非人情也○郤尸去略反又去逆反杜預云尸未葬之通稱 天子志崩不志葬必其時

也何必焉舉天下而葬一人其義不疑也志葬故

也危不得葬也曰近不失崩不志崩失天下也涼師

去魯不遠赴告之命可不踰旬而至史不志崩則亂可知 獨陰不生獨陽不生獨天不

生三合然後生徐邈曰古人稱萬物負陰而抱陽冲氣以為和然則傳所謂天蓋名其冲和之功而神理所由

也會二氣之和極發揮之美者不可以柔剛滯其用不得以陰陽分其名故歸於宜極而謂之天凡生類稟靈知於天資形於二氣故又曰獨

天不生必三合而形神生理具矣○揮許歸反冥亡丁反稟彼錦反知於音智 故曰母之子也可天

之子也可尊者取尊稱焉卑者取卑稱焉王者尊故稱天

子衆人卑故稱母子。母之子也可。其曰王者，民之所歸往，絕句下，彼此尊稱，尺證及下卑稱司。

也。○秋。紀季以鄆入于齊。季紀侯弟。○鄆，下圭反。鄆，紀之邑也。

也。入于齊者，以鄆事齊也。入者，內弗受也。雍曰：紀國微弱，齊將吞并，紀季深觀存亡之機，大懼社稷之傾，故超然毀舉，以鄆事齊，庶宿嗣不泯，宗廟永存。春秋賢之，故優之以字，齊受人之邑而滅人之國，故於義不可受也。

○冬。公次于郎。次，止也。有畏也。欲救紀而不能也。畏，齊。

四年春。王二月。夫人姜氏饗齊侯于祝上。饗，食也。兩君相見之禮。凡會書月，著時事，有危雖於公發，例亦無所不關。祝上，曾地。○饗，食本又作享，香文反。著，張畧反。又張慮反。饗，食甚矣。非

禮尤甚故。饗，齊侯所以病齊侯也。○三月。紀伯姬卒。隱二年，履緌所通者，內女卒，例曰伯姬失國，略之，故月也。○緌，音須。外夫人不卒。此其言卒

何也。吾女也。適諸侯，則尊同。以吾為之，變卒之也。

何也。吾女也。適諸侯，則尊同。以吾為之，變卒之也。

何也。吾女也。適諸侯，則尊同。以吾為之，變卒之也。

何也。吾女也。適諸侯，則尊同。以吾為之，變卒之也。

何也。吾女也。適諸侯，則尊同。以吾為之，變卒之也。

禮諸侯絕。傍。暮。姑。姊妹。女子。子。嫁。於。國。君。者。尊。與。已。同。則。為。之。服。大。功。九。月。變。不。服。之。例。然。則。適。大。夫。者。不。書。卒。為。于。為。反。暮。居。其。反。

夏。齊。侯。陳。侯。鄭。伯。遇。于。垂。傳。例。曰。不。期。而。會。曰。遇。遇。者。志。相。得。也。〇。紀。侯。

大。去。其。國。大。去。者。不。遺。一。人。之。辭。也。言。民。之。從。者。

四。年。而。後。畢。也。紀。侯。賢。而。齊。侯。滅。之。不。言。滅。而。曰。

大。去。其。國。者。不。使。小。人。加。乎。君。子。不。曰。滅。而。曰。大。去。其。國。蓋。抑。無。道。之。強。以。

優。有。道。之。弱。若。進。止。在。己。非。齊。所。得。滅。也。何。休。曰。春。秋。楚。世。子。商。巨。裁。其。君。其。後。滅。江。六。不。言。大。去。又。大。去。者。於。齊。滅。之。不。明。但。知。不。使。小。人。

加。乎。君。子。而。不。言。滅。縱。失。襄。公。之。惡。反。為。大。去。也。鄭。君。釋。之。曰。商。巨。裁。其。父。大。惡。也。不。得。但。為。小。人。江。六。之。君。又。無。紀。侯。得。民。之。賢。不。得。變。滅。

言。大。去。也。元。年。冬。齊。師。喪。紀。三。年。紀。季。以。擯。入。于。齊。今。紀。侯。大。去。其。國。是。足。起。齊。滅。之。矣。即。以。變。滅。言。大。去。為。縱。失。襄。公。之。惡。是。乃。經。也。非。傳。

也。且。春。秋。因。事。見。義。舍。此。以。滅。人。為。罪。者。自。多。矣。〇。縱。子。用。反。見。賢。徧。反。舍。音。捨。〇。六。月。乙。丑。齊。侯。葬。

紀。伯。姬。外。夫。人。不。書。葬。此。其。書。葬。何。也。吾。女。也。失。

國。故。隱。而。葬。之。隱。痛。也。不。曰。卒。而。曰。葬。閔。紀。之。亡。也。〇。秋。七。月。〇。冬。公。及。

齊人狩于郟郟齊地。狩音獸。郟古報反。左氏作羔。齊人者齊侯也。其曰

人何也。卑公之敵。所以卑公也。內無賤公之道。何為卑公也。

不復讎而怨不釋。刺釋怨也。怨紆元反。又紆願反。後同。刺七賜反。

五年春。王正月。夏。夫人姜氏如齊師。師而曰如。

眾也。言師眾大如國。故可以言如。若言如齊侯。則不可。婦人既嫁。不踰竟。踰竟。非

禮也。○秋。郕黎來來朝。黎來名也。○郕五兮反。國名。黎即兮反。黎來。郕君名。朝直遙反。郕

國也。黎來。微國之君。未爵命者也。○冬。公會齊人。

宋人。陳人。蔡人。伐衛。納惠公朔。是齊侯宋公也。其曰人

何也。人諸侯。所以人公也。其人公何也。逆天王之

命也。王不欲立朔也。

六年春。王三月。王人子突救衛。徐鮑曰。諸侯不奉王命。朔遂得篡。王威屈辱。有危故。

月也救衛於義善故重

子突功不立故著其危 王人卑者也稱名貴之也

何以休為

稱子則非名也鄭君釋之曰王人賤者錄則名可今以其衛命救衛故

貴之貴之則子突為字可知明矣此名當為字誤爾徐乾曰王人者卑

者之稱也當直稱王人而已今以其能奉天子之命救衛而拒諸侯故

加名以貴之僖八年公會王人齊侯是卑者之常稱○卑者之稱尺證

反下常 善救衛也救者善則伐者不正矣○夏六月

月衛侯朔入于衛其不言伐衛納朔何也

據九年伐齊納糾言 納不逆天王之命也

不與諸侯得納王之所絕 入者內弗受也何

用弗受也為以王命絕之也朔之名惡也朔入逆

則出順矣朔出入名以王命絕之也○秋公至自

據襄九年時有穆姜之喪會諸侯伐鄭不致

不致則無用見公之惡事之成也

見賢 螟○螟亡○丁反

冬齊人來歸衛寶以齊首之分惡於齊也使之如

下齊而來我然惡戰則殺矣若衛自歸實於齊過齊然後與我齊首其事則我與王人

戰罪毛減。分惡烏各反。下同殺色。界反。舊色例反。過古禾反。差初賣反。

七年春。夫人姜氏會齊侯于防地。防魯地。婦人不會。會

非正也。○夏四月辛卯。昔。恒星不見。恒星者。經星

也。經常也。謂常列宿。昔如字。或作昔。皆同。不見。賢。皆偏反。下不音者同。列宿。夙又反。下皆同。日入至於星出

謂之昔。不見者。可以見也。夜中星隕如雨。如而也。星既隕而雨必晦。暝

兩。隕。云敏。反。復。扶。又反。其隕也如雨。是夜中與星既隕而雨必晦。暝安知夜中乎。與音

餘。暝。亡。定反。春秋著以傳著。疑以傳疑。明實錄也。傳直專反。中之幾也。

而曰夜中。著焉爾。幾微也。星既隕而雨中微難知。而曰夜中。何自以實著爾。非億度而知。度徒各反。何

用見其中也。失變而錄其時。則夜中矣。失星變之始。而錄其已隕之時。

檢錄漏刻。以知夜中。其不曰恒星之隕何也。我知恒星之不見。

而不知其隕也。我見其隕而接於地者，則是雨說

也。言我見從上來接於下，然後可言兩星今唯見在下。故曰隕星。我見見音如字，注同。雨于付反，注同。著於上見

於下，謂之雨。著於下不見於上，謂之隕。豈兩說哉？

解經不得言兩星而言隕星也。鄭君曰：眾星列宿，諸侯之象，不見者是諸侯。棄天子禮義法度也。劉向曰：隕者象諸侯隕，隊失其所也。又中夜

而隕者，象不終其性命，中道而落。見于下如字，或賢徧反，不見賢徧反，隊直類反。○秋大水，高下有水

災曰大水。○無麥苗，麥苗同時也。麥與黍稷之苗同時死。○冬

夫人姜氏會齊侯于穀。穀齊地。婦人不會，會非正也。

八年春，王正月，師次于郎，以俟陳人。蔡人時陳蔡欲伐魯，故出

師以待之。次，止也。俟，待也。甲午，治兵。出曰治兵，習戰

也。入曰振旅，習戰也。振整也。旅，衆也。治兵而陳，蔡不至矣。

兵事以嚴終。以嚴整終，事故敵人不至。故曰善陳者不戰。此之謂

也善為國者不師

導之以德齊之以禮江熙曰鄰國望我歡若親戚何師之為○陳直觀反下文比皆同

導徒報反下同善師者不陳

師眾素嚴不須耀軍列陳江熙曰上兵伐謀何乃至陳善陳者

不戰

軍陳嚴救臣敵望而畏之莫敢戰

善戰者不死

投兵勝地故無死者江熙曰辟實攻虛則不死善

死者不亡

民盡其命無奔背散亡者也江熙曰見危授命義存君親雖沒猶存○盡津忍反皆音佩

夏師

及齊師圍邾邾降于齊師其曰降于齊師何不使

齊師加威於邾也

邾同姓之國而與齊伐之是用師之過也故使若齊無武功而邾自降○降戶江反皆同

○秋師還還者事未畢也遯也

邾已降而以未畢為文者蓋辟滅同姓之國示不卒

其事○還音旋遯徒困反

○冬十有一月癸未齊無知弒其君諸

兒大夫弒其君以國氏者嫌也弒而代之也

○兒如字一音

五兮反

九年春齊人殺無知無知之摯失嫌也稱人以殺

大夫殺有罪也。結反。○公及齊大夫盟于暨。暨魯地。

暨其器反。左氏作暨。公不及大夫。春秋之義內大夫可以會諸侯公不可以盟外大夫所以明尊卑定內外也今齊國

無君要當有任其盟者故不得不以權通。大夫不名。無君也。禮君前日名齊無盟君故大夫不名。盟

納子糾也。不日。其盟渝也。變盟立小白。渝羊朱反。當齊無君制

在公矣。當可納而不納。故惡內也。惡烏路反。及注惡內皆同。○夏。

公伐齊納糾。不言子糾而直云糾者盟繫在於魯故摯之也春秋於內公子為大夫者乃記其奔子糾不為大夫故不

書其奔鄭忽既受命嗣位是以書其出然則重非嫡嗣官非大夫皆事例所略故許叔燕季小白重耳通亦不書出。糾居黜反左氏作子糾

嫡丁歷反。重直龍反。當可納而不納。齊變而後伐。故乾時之戰

不諱敗惡內也。何休曰三年溺會齊師伐衛故賤而名之四年公及齊人狩于郟故甲之曰人今親納讎子反惡其

晚恩義相違莫此之甚鄭君釋之曰於讎不復則怨不釋而魯釋怨屢會仇讎一貶其臣一卑其君亦足以責魯臣子其餘則同不復讖也至

於伐齊納糾讖當可納而不納爾此自正義不相反也甯謂讎者無時而可與通縱納之遲晚又不能全保讎子何足以惡內乎然則乾時之

戰不諱敗。齊人取子糾殺之，皆不迂其文。正書其事內之大惡，不待賅絕。居然顯矣。二十四年，公如齊親迎，亦其類也。惡內之言，傳或失之。

敗惡烏各反。注同復扶又反。迂音。齊小白入于齊。大夫出于一音紆，又於武反。迎魚敬反。

奔。反以好曰歸。成十四年衛孫林父自晉歸于衛是也。以惡曰入。齊公孫

無知弑襄公。公子糾。公子小白。不能存。出云。子糾奔魯。小白

昔齊人殺無知而迎公子糾於魯。公子小白不讓

公子糾先入。又殺之于魯。故曰齊小白入于齊。惡

之也。○惡烏路反。秋七月丁酉葬齊襄公。諸公子爭立國亂故危之。八

月庚申及齊師戰于乾時。我師敗績。不言及者主名內之。甲者乾時齊地。

○九月齊人取子糾殺之。言子糾者明其貴宜為君。外不言取言

取病內也。取易辭也。猶曰取其子糾而殺之云爾。

猶言自齊之子糾今取而殺之。言魯不能救護也。易以政反。十室之邑可以逃難。百室

之邑可以隱死以千乘之魯而不能存子糾以公

為病矣。○難乃旦反下。○冬。浚洙。浚洙者深洙也。著

力不足也。○畏齊難。○浚音峻深也。洙音殊杜預云水名。

十年春王正月公敗齊師于長勺。○長勺魯地。○不日。

疑戰也。○疑戰者言不尅日而戰以詐相襲。○疑戰而曰敗勝內也。○勝內謂勝在內。

○二月公侵宋。侵時此其月何也。乃深其怨於齊。

又退侵宋以衆其敵惡之。故謹而月之。○惡烏。○路反。

三月宋人遷宿。遷亡辭也。○為人所遷則無復國家故曰亡辭。閔二年齊人遷陽亦是也。○復扶

富反下文。及注同。其不地宿不復見也。○國亡不復見經不言滅者言滅則弑其君滅其宗廟社稷

就而有之不遷其民。○見賢徧反。遷者猶未失其國家以往者也。○謂自遷者僖元

年邢遷于夷儀成十五年許遷于葉之類是也。彼二傳曰遷者猶得其國家以往者也。此傳云遷者猶未失其國家以往互文也。○葉舒汝反。

○夏六月齊師宋師次于郎次止也畏我也○公

敗宋師于乘上乘上魯地○不日疑戰也疑戰而曰

敗勝內也○秋九月荆敗蔡師于莘莘蔡地○以蔡

侯獻武歸荆者楚也何為謂之荆狄之也何為狄

之聖人立必後至天子弱必先叛故曰荆狄之也

蔡侯何以名也據僖十五年秦獲晉侯不名絕之也何為

絕之獲也中國不言敗據宣十二年晉荀林父帥師及楚子

皮必反又扶必反此其言敗何也中國不言敗蔡侯其

見獲乎其言敗何也釋蔡侯之獲也以歸猶愈乎

執也為中國諱見執故言○冬十月齊師滅譚譚子奔

莒相十一年鄭忽出奔衛傳曰其名失國也十六年衛侯朔出奔齊

也凡書奔者責不死社稷不言出者國滅無所出也他皆放此

十有一年春王正月○夏五月戊寅公敗宋師于

鄆鄆魯地○敗必邁反內事不言戰舉其大者其日

成敗之也結曰列陳不以詐相襲得敗師之道故曰成也○列陳直觀反宋萬之獲也○

秋宋大水外災不書此何以書王者之後也高下

有水災曰大水○冬王姬歸于齊其志過我也過

古禾反

十有二年春王三月紀叔姬歸于鄆鄆紀邑也紀季所用入于齊者

國而曰歸此邑也其曰歸何也吾女也失

國喜得其所故言歸焉爾江濞曰四年齊滅紀不言滅而言大去者義有所見爾則

國滅也叔姬來歸不書非歸盍且非大歸也叔姬守節積有年矣紀季雖以鄆入于齊不敢懷貳然襄公豺狼未可闇信桓公既立德行方宣

於天下是以叔姬歸于鄆魯喜其女得申其志。見賢徧反。豺仕皆反。行下孟反。○夏四月。○秋八月。

甲午。宋萬弑其君捷捷宋閔公。宋萬。宋之卑者也。卑者

以國氏。及其大夫仇牧。以尊及卑也。仇牧。閑也。仇牧

扞衛其君故見殺也。相二年傳曰。臣既死君不忍稱其名。今仇牧書名則知宋君先弑。仇牧音目。捍曷旦反。○冬十月。

宋萬出奔陳。宋人不討賊致令得奔。故謹而月之。令力呈反。

十有三年。春。齊人。宋人。陳人。蔡人。邾人。會于北杏。

北杏齊地。是齊侯宋公也。其曰人何也。始疑之何疑焉。

桓非受命之伯也將以事授之者也。言諸侯將權時推齊侯使行伯事。

曰可矣乎未乎。邵曰。疑齊桓雖非受命之伯。諸侯推之便可以為伯乎未也。舉人衆之

辭也。稱人言非王命衆授之以事。○夏六月。齊人滅遂。遂國也。其不

日。微國也。○秋七月。○冬公會齊侯盟于柯。柯齊地。柯古

何曹劇之盟也。信齊侯也。

曹劇之盟經傳無文蓋有信者也。公羊傳曰要盟可犯而相公

不欺曹子可讎而相公不然相公之信著於天下自柯之盟始。劇居衛反要盟於遙反。相盟雖內與不日。

信也。

公盟例日外諸侯盟例不日相大信遠著故雖公與盟猶不日。與音預注同。

十有四年春齊人陳人曹人伐宋。夏單伯會伐

宋會事之成也。

伐事已成單伯乃至。單音善。

秋七月荆入蔡。荆

者楚也。其曰荆何也。州舉之也。州不如國。

言荆不如言楚。

不如名。

言楚不如言介葛廬。介音界。

名不如字。

言介葛廬不如言邾儀父。

冬單伯

會齊侯宋公衛侯鄭伯于鄆。

鄆衛地。鄆音綸。

復同會也。

諸侯

欲推相以為伯故復同會于此以謀之。復扶又反。

十有五年春齊侯宋公陳侯衛侯鄭伯會于鄆。復

同會也。

為欲推相為伯故復會於此。復扶又反為欲于偽反。

夏夫人姜氏如齊。

婦人既嫁不踰竟。踰竟，非禮也。○秋，宋人、齊人、邾

人伐郕。宋主兵故序齊上也。班序上下以國大小為次。夷狄在下征伐則以主兵為先。春秋之常也。他皆放此。○鄭

人侵宋。○冬，十月

十有六年。春，王正月。○夏，宋人、齊人、衛人伐鄭。

秋，荆伐鄭。○冬，十有二月，會齊侯、宋公、陳侯、衛侯、

鄭伯、許男、曹伯、滑伯、滕子，同盟于幽。幽，宋地。滑于八反。同者

有同也。同尊周也。不言公，外內寮一疑之也。十三年春會于

比杏諸侯俱疑齊相非受命之伯欲共以事推之可乎今于此年諸侯同共推桓而魯與齊離外內同一疑公可事齊不會不書公以著疑焉

同官為寮謂諸侯也至二十七年同○邾子克卒。其曰子進

盟于幽。遂伯齊侯寮一力彫反。之也。附齊而尊周室王命進其爵

十有七年。春，齊人執鄭詹。人者眾辭也。以人執與

之辭也

與令得執。詹者廉反。令力呈反。

鄭詹。鄭之卑者。卑者不志。此

其志何也。以其逃來。志之也。逃來則何志焉。將有

其末。不得不錄其本也。

未謂逃來。

鄭詹。鄭之佞人也。

佞乃定反。

○夏。齊人殲于遂。殲者盡也。然則何為不言遂人

盡齊人也。無遂之辭也。無遂則何為言遂。其猶存

遂也。

以其能殺齊。成故若遂之存。殲子廉反。盡也。遂人盡齊人絕句。

存遂奈何。曰。齊人

滅遂。使人戍之。遂之因氏飲。戍者酒而殺之。齊人

殲焉。此謂狎敵也。

狎猶輕也。飲於。鴆反。狎戶甲反。

○秋。鄭詹自齊逃

來。逃義曰逃。

齊稱人以執是執有罪也。執得其罪。故曰義也。今而逃之。是逃義也。

○冬。多麋。京

易傳曰。廢正作淫。為火不明。則國多麋。麋主悲。反。

十有八年。春。王三月。日有食之。不言日。不言朔。夜

食也。何以知其夜食也。曰：王者朝日。

王制曰：天子立冕而朝日於東門之

外故曰始出而有虧傷之處，是以知其夜食也。何休曰：春秋不言月食，日者以其無形，故闕疑其夜食。何緣書乎？鄭君釋之曰：一日一夜合為

一日。今朔日日始出，其食虧傷之處未復，故知此日以夜食。夜食則亦屬前月之晦，故穀梁子不以為疑。朝直遥反，處昌慮反。故

雖為天子，必有尊也。貴為諸侯，必有長也。故天子

朝日。諸侯朝朔。

長丁。丈反。

○夏，公追戎于濟西，其不言

戎之伐我何也。以公之追之，不使戎邇於我也。

近也。不使戎得逼近於我，故若入竟望風退走。○濟子禮反。濟水名。邇如字。邇近也。一本作介。音界亦近也。竟音境。

于濟西

者大之也。何大焉？為公之追之也。

言戎遠來至濟西，必大有徒衆，以公自追

之知其審然。○為于偽反。

○秋，有蜚。

蜚短狐也。蓋言沙射人。京房易傳曰：忠臣進善君不識，厥外國生蜚。○蜚本亦

作蜮音或短狐本草謂之射工射人食亦反下文同。

一有一亡曰有。蜚射人者也。亡。

音無又。

○冬，十月

十有九年。傳本或分此以下為莊公與閔公同卷春。王正月。夏。四月。

秋。公子結媵陳人之婦于鄆。遂及齊侯。宋公盟。媵

淺事也不志。此其志何也。辟要盟也。魯實使公子結要二國之盟欲目託

於大國未審得盟與不故以媵婦為名得盟則盟不則止此行有辭也。媵以證反又繩證反爾雅云送也。要於遙反注同。何以

見其辟要盟也。媵禮之輕者也。盟國之重也。以輕

事遂乎國重。無說。以輕遂重無他異說故知辟要盟耳。見賢徧反。其曰陳人之

婦略之也。但為遂事假錄媵事耳故略言陳人之婦不處其主名。為于偽反。其不日。數渝

惡之也。數音朔。惡為路反。夫人姜氏如莒。婦人既嫁不踰

竟。踰竟非正也。冬。齊人。宋人。陳人。伐我西鄙。其

曰鄙。遠之也。其遠之何也。不以難邇我國也。難乃日反邇

如字本又作介音界

二十年春。王二月。夫人姜氏如莒。夫人比年如莒過而不改無禮尤甚故謹

而月之。莒音舉。婦人既嫁不踰竟。踰竟非正也。音境。夏齊

大災其志以甚也。外災不志甚謂災及人也外災例時。秋七月。冬齊

人伐我。

二十有一年春。王正月。夏五月。辛酉。鄭伯突卒。

○秋七月。戊戌。夫人姜氏薨。婦人弗目也。鄭嗣曰弗目謂不目

言其地也婦人無外事居有常所故死不書地僖元年傳曰夫人薨不地此言弗目蓋互辭爾定九年得寶玉大弓傳曰弗目蓋也蓋此類也

江溯曰文姜有弑公之逆而弗目其罪。弗目謂不題目文姜薨所也。一曰弗目其罪。○冬十有二月葬

鄭厲公。

二十有二年春。王正月。肆大眚。肆失也。眚災也。易

赦過宥罪書稱眚災肆赦經稱肆大眚皆放赦罪人蕩滌衆故有時而用之非經國之常制。肆音四眚所景反宥音又滌音狄。災

紀也失故也

災謂罪惡紀治理也。有罪當治。理之今失之者以文姜之故。

為嫌天子之

葬也

文姜罪應誅絕誅絕之罪不葬若不赦除眾惡而書葬者嫌天子許之明須赦而後得葬。為干偽反。

癸丑

葬我小君文姜小君非君也

不治其民

其曰君何也。以

其為公配可以言小君也

陳人殺其公子禦寇

御寇冠宣公之子。御宗魚呂反又作御。

言公子而不言大夫公子未命為大

夫也其曰公子何也公子之重視大夫視命以執

公子

大夫既命得執公子之禮一本大夫命以視公子。

夏五月

以五月首時齊所未詳

秋

七月丙申及齊高傒盟于防不言公高傒伉也

則公明也高傒驕伉與公敵體取之故不書公。傒音奚伉苦浪反。

冬公如齊納幣納幣大

夫之事也禮有納采

采擇女之德性也其禮用鴈為贄者取順陰陽往來。贄音至。

有問

名問女名而卜之知吉凶也其禮如納采。

有納徵

徵成也納幣以成婚。

有告期

告迎期迎魚。

敬四者備而後娶禮也。公之親納幣非禮也。故譏

之。公母喪未再昏而圖婚傳無譏文但譏親納幣者喪婚不待貶絕而罪惡見○見賢徧反

二十有三年春。公至自齊。祭叔來聘。祭叔天子褒內諸侯叔名

○祭側界反。寰音縣又音環。其不言使何也。天子之內臣也。不正

其外交。故不與使也。何休曰南季宰渠伯糾家父宰周公來聘皆稱使獨于此奪之何也鄭君釋之

曰諸稱使者是奉王命其人無自來之意。今祭叔不一心於王。而欲外交不得王命來故去使以見之。○去起呂反見賢徧反。○夏

公如齊觀社。常事曰視。視朔是也非常曰觀。觀無事之

辭也。言無朝會之事。朝直遙反下同以是為尸女也。尸主也主為女往爾以觀社為辭○主為

于僞無事不出竟。公至自齊。公如往時正也。陳公行例

正謂無危懼也。皆放此。致月。故也。如往月致月。有懼焉爾。○荆

人來聘。善累而後進之。其曰人何也。舉道不待再

明聘問之禮。朝宗之道非夷狄之所能故一舉而進之。○公及齊侯遇于穀。及者。內

為志焉爾。遇者志相得也。蕭叔朝公。微國之君

未爵命者。其不言來於外也。言於穀朝公也。朝於廟。正也。

於外。非正也。○秋。丹桓宮楹。楹。柱也。天子諸侯黝堊

黝。堊。黑色也。黝於糾反。又於柳反。注同。堊。烏路反。又烏各反。范云。黝。堊。黑色也。案。黝。黑也。堊。白土也。大夫倉。士黹。黃

也。麋氏云。張斗反。丹楹。非禮也。○冬。十有一月。曹伯

射姑卒。射音亦。本或作亦。○十有二月。甲寅。公會齊侯盟于

扈。扈。相盟不曰比。盟曰者。前公如齊。觀社傳曰。觀無事之辭。以是為尸女也。公怠棄國政。比行犯禮。憂危甚矣。霸朝主降心親與之盟。實有

弘濟之功。而魯得免於罪。臣子所慶。莫重於此時。事所重文。亦宜詳故。特謹日以著之。○扈音戶。

二十有四年。春。王三月。刻桓宮楹。禮。天子之楹。斲

之龍。之。加密石焉。以細石磨之。刻音克。楹音角。椽也。方曰楹。圓曰椽。斲。丁角反。削也。龍。君之力。公反磨君也。

諸侯之楠斲之。龍之。大夫斲之。士斲本。刻楠。非正

也。夫人所以崇宗廟也。取非禮與非正。而加之於

宗廟。以飾夫人。非正也。非禮謂娶離女。非正謂刻楠丹楹也。本非宗廟之宜。故曰加言將親迎欲

為夫人飾。又非正也。○迎魚敬反。下皆同。刻栢宮楠。丹栢宮楹。斥言栢宮。以

惡莊也。不言新宮而謂之栢宮。以栢見殺於齊而飾其宗。朝以榮離國之女。惡莊不子。○惡烏路反。下同。○葬曹

莊公。夏。公如齊。逆女。親迎。怕事也。不志。此其志

何也。不正其親。迎於齊也。○秋。公至自齊。迎者。行

見諸舍。見諸諸之也。言瞻望至夫人。乘車。○乘繩蓋反。先至。非正也。○八月。

丁丑。夫人姜氏入。哀入者。內弗受也。日入。惡入者

也。何用不受也。以宗廟弗受也。其以宗廟弗受何

也。娶仇人子弟。以薦舍於前。其義不可受也。薦進舍置

○惡入鳥路反一音如字戊寅。大夫宗婦覲用幣。宗婦同宗大夫之婦。覲用徒歷反見也。

覲見也。禮。大夫不見夫人。不言及。不正其行。婦道。

故列數之也。男子之贄。羔。鴈。雉。牯。贄所以至者也。上大夫用羔取其從。

羣帥而不黨也。下大夫用鴈取其知時。飛翔有行列也。士冬用雉。夏用牯。取其耿介。交有特別有倫也。牯。腊也。雉必用死。為其不可生。服也。夏用牯。備腐臭也。數色主反。牯其居反。腊也。乾雉也。士夏執之。備腐臭也。說文云。北方謂鳥腊曰牯。傳曰。堯腊舜始。牯別彼列反。為其于偽反。

腐符。婦人之贄。棗。栗。鍛。脩。棗取其早。自於莊栗取其敬。栗甫反。鍛脩取其斷。斷自脩整。○鍛丁亂。

反脯也。鍛而加薑。挂曰脩。脩飭本或作勅。同。用幣。非禮也。用者。取力反。一本作飾。申職反。或作整。音征。領反。

不宜用者也。大夫國體也。國體謂為君股肱。股音古。肱古弘反。而行婦道。

惡之。故謹而日之也。○惡鳥路反。大水。○冬。戎侵曹。曹

羈出奔陳。赤歸于曹。郭公赤。蓋郭公也。何為名也。

禮。諸侯無外歸之義。外歸。非正也。徐乾曰。郭公。郭國之君也。名赤。蓋不能治其

國舍而歸于曹君為社稷之主承宗廟之重不能安之而外歸他國故但書名以罪而懲之不直言亦復云郭公者恐不知赤者是誰將若魯之微者故也以郭公著上者則是諸侯失國之例是無以見微之義○羈君宜反郭公左氏如字公羊音號舍音捨懲直升反復扶又反著張惠反又張略反見賢徧反

二十有五年春陳侯使女叔來聘女氏叔字女音汝其不名

何也據成三年晉侯使荀庚來聘稱名天子之命大夫也○夏五月癸

丑衛侯朔卒惠公也犯逆失德故不書葬○六月辛未朔日有食之

言日言朔食正朔也鼓用牲于社鼓禮也用牲非

禮也天子救日置五麾陳五兵五鼓麾旌幡也五兵矛戟鉞楯弓矢○麾

毀為反幡芳元反矛亡侯反鉞音越楯時準反又立音允諸侯置三麾陳三鼓三兵大

夫擊門士擊柝言充其陽也九有聲皆陽事以厭陰氣柝兩木相擊充實也○柝吐洛

反壓於甲反又於涉反伯姬歸于杞其不言逆何也逆之道微

無足道焉爾。秋大水。鼓用牲于社于門。門國也高

下有水災曰大水。既戒鼓而駭衆。用牲可以已矣。

救日以鼓兵。救水以鼓衆。冬公子友如陳。

二十有六年。春公伐戎。夏公至自伐戎。曹殺

其大夫。言大夫而不稱名。無命大夫也。無命大

夫而曰大夫。賢也。為曹羈崇也。徐邈曰于時微國衰陵不能及禮其大夫降班

失位下同於士故略稱人而傳謂之無命大夫也。昔慶莒挈邾庶其邾挾皆特以事書非實能貴故略名而已。楚雖荆蠻漸自通于諸夏故莊

二十三年書荆人來聘。文九年又襲而書。各國轉疆大書之。益詳然當僖公文公之世。楚猶未能自同于列國。故得臣及叔並略名。惟屈完來

會諸侯以殊禮。成之。楚莊王之興。為江漢盟主。與諸夏之君權行抗禮。其勢疆于當年。而事交於內外。故春秋書之。遂從中國之例。夫政俗隆

替存乎其人。三石之姓日失其序。而諸國乘間與之代興。因詳略之文。則可以見時事之實矣。秦爵伯也。上據西周。班列中夏。故得稱師。有大

夫其大夫當名氏。而文十二年秦術略名。蓋于時晉主魯盟。而秦方敵晉。則魯之于秦。情好疏矣。禮以飾情。情疏則禮略。春秋所以略文乎。又

吳札不書氏以成尊于上也宋之盟叔孫豹不書氏以著其能恭此皆因事而爲義○爲曹于僞反挈女居反又女加反快苦夫反諸夏戶雅反下同屈君勿○秋公會宋人齊人伐徐○冬十有二

月癸亥朔日有食之

二十有七年春公會杞伯姬于洮

伯姬莊公女洮魯地洮他刀反本或作

桃○夏六月公會齊侯宋公陳侯鄭伯同盟于幽

同者有同也同尊周也於是而後授之諸侯也其

授之諸侯何也齊侯得衆也相會不致安之也相

盟不日信之也信其信仁其仁衣裳之會十有一

未嘗有歃血之盟也信厚也

十三年會北杏十四年會鄆十五年又會鄆十六年會幽

二十七年又會幽僖元年會榿二年會貫三年會陽穀五年會首戴七年會盩母九年會葵仁○歃所洽反于打他貞反又勅丁反本亦作樞

盩如字又音窳母音無又茂右反

兵車之會四未嘗有大戰也愛民也

僖八年會泚十三年會鹹十五年會牡十六年會淮於末年乃言之不道侵蔡伐楚者方書其盛不道兵車也此則以兵車會而不用征伐

○鹹音咸 牡茂后反

○秋公子友如陳葬原仲

原仲陳大夫 原氏仲字

言葬

不言卒不葬者也

外大夫例 不書卒

不葬而曰葬諱出奔也

言季友辟內難而出以葬 原仲為辭○難乃旦反

○冬杞伯姬來

歸 寧

○莒慶來逆

叔姬

慶名也莒大夫也 叔姬莊公女禮檀弓記曰陳莊子死赴於魯 魯人欲勿哭繆公召縣子而問焉縣子曰古之大夫束脩之問

不出竟雖欲哭之安得而哭之今之大夫交政於中國雖欲勿哭安得 而勿哭則大夫越竟逆女非禮也 董仲舒曰大夫無束脩之餽無諸侯

之交越竟逆女紀罪之○繆音穆縣音玄竟音境 焉於慶反餽旦愧反越竟本或作疆居良反 諸侯之嫁子於大

夫主大夫以與之敵君不來者接內也不正其接內

故不與夫婦之稱也

接內謂與君為禮也 大婦之稱當言逆女○稱尺證反

○杞伯來

朝

杞稱伯蓋時王所繼○朝直 遙反繼本又作黜勅律反

○公會齊侯于城濮

城濮衛地○濮

卜音

二十有八年。春。王三月甲寅。齊人伐衛。衛人及齊

人戰。衛人敗績。於伐與戰。安戰也。問在何處戰。處曰慮反。戰衛

戰。則是師也。其曰人何也。微之也。何為微之也。今

授之諸侯。而後有侵伐之事。故微之也。其人衛何

也。以其人齊。不可不人衛也。齊桓始受方伯之任。未能信著鄰國。致有侵伐之事。貶師

稱人以微之也。人不可以敵于師。師不可以與人戰。故亦以備師為人衛。非有罪。衛小齊大。其以衛及

之何也。以其微之。可以言及也。其稱人以敗何也。

不以師敗於人也。人輕而師重。夏四月丁未。邾子瑱卒。

瑱素果反。秋。荆伐鄭。荆者楚也。其曰荆州舉之也。

公會齊人宋人。救鄭。善救鄭也。冬。築微。微魯邑。微左氏作

麋。山林藪澤之利。所以與民共也。虞之非正也。虞

禽獸之官言規固而築之又置官司以守之是不與民
共同利也築不忘凡志皆譏也築例時○數素后反

○大無麥

禾。大者有顧之辭也。於無禾及無麥也。

一災不書於冬無禾而後

顧錄無麥故言大明不收甚

○臧孫辰告糴于齊

臧孫辰魯大夫臧文仲○糴音狄

國無

三年之畜。曰國非其國也。一年不升。告糴諸侯。告

請也。糴糴也。不正。故舉臧孫辰。以為私行也。

為內諱故不稱

使使若私行。畜勑六反下同為內于為反下文為內同

國無九年之畜。曰不足。無六

年之畜。曰急。無三年之畜。曰國非其國也。諸侯無

粟。諸侯相歸粟。正也。臧孫辰告糴于齊。告然後與

之言內之。無外交也。古者稅什一。

宣十五年注詳矣。稅始銳反。什一而稅一

豐年補敗。

敗謂凶年

不外求而上下皆足也。雖累凶年。

民弗病也。一年不艾而百姓饑。君子非之。不言如。

爲內諱也。艾牛蓋反。

二十有九年。春。新延廩。延廩者。法廩也。周禮天子十

邦國六閑馬四種每廩一閑言法廩者六閑之舊制也。廩九又反六種之勇反下皆同。其言新。有故也。言改故而

新有故則何爲書也。古之君人者。必時視民之所

勤。民勤於力。則功築罕。罕希。罕呼旦反。民勤於財。則貢賦

少。民勤於食。則百事廢矣。凶荒殺禮。殺所界反。冬。築微。春。新

延廩。以其用民力爲已悉矣。盡。悉。夏。鄭人侵許。

秋。有蜚。穀梁說曰蜚者南方臭惡之氣所生也。象君臣淫泆有臭惡之行。蜚扶味反。行下孟反。一有一亡

曰有。士如字。又音無。冬。十有二月。紀叔姬卒。紀國雖滅叔姬執節守義。

故繫之紀賢而錄之。城諸及防。諸防皆魯邑。可城也。以大及小也。

傳例曰凡城之志皆畿。今云可者謂冬可用城不妨農役耳。不謂作城無畿。

三十年春。王正月。夏師次于成。次止也。有畏也。

欲救鄆而不能也。不言公。恥不能救鄆也。畏齊。鄆音章。

秋七月。齊人降鄆。降猶下也。鄆紀之遺邑也。降戶江反下

殺嫁反。八月。癸亥。葬紀叔姬。不日卒而日葬。閔紀之

亡也。九月。庚午朔。日有食之。鼓用牲于社。救日用牲既失

之矣。非正陽之月。而又伐鼓亦非禮。冬。公及齊侯遇于魯濟。濟水名。濟子禮反。及

者。內為志焉爾。遇者志相得也。齊人伐山戎。齊

人者。齊侯也。其曰人何也。愛齊侯乎。山戎也。不以齊侯敵乎

山戎故稱人。其愛之何也。桓內無因國。外無從諸侯。而越

千里之險。北伐山戎。危之也。內無因緣山戎左右之國為內間者。外無諸侯者。不煩役

齊國。從才用反。內間。間廁之間。則非之乎。善之也。遠伐山戎。雖危。勤王職。貢則善。何善乎。

爾燕周之分子也

燕周大保召康公之後成王所封分子謂周之別子孫也。燕音烟注及後同分扶問反

又如字本或作介音界大音泰召上照反貢職不至山戎為之伐矣

言由山戎為害伐擊

燕使之隔絕於周室。為之如字

三十有一年春築臺于郎。夏四月薛伯卒。築

臺于薛

薛魯地

○六月齊侯來獻戎捷

獻下奉上之辭也春秋尊魯故曰獻

○捷在接反戎菽也捷獲也

齊侯來獻捷者內齊侯也。不言使內

與同不言使也

泰曰齊桓內救中國外攘夷狄親倚之情不以齊為異國故不稱使若同一國也。攘如羊反

倚於綺反下

獻戎捷軍得曰捷戎菽也

菽。秋築臺

于秦

秦魯地

不正罷民三時虞山林藪澤之利且財

盡則怨力盡則對

對恚恨也。罷能音皮下同對直類反怨也

君子危之故謹

而志之也。或曰倚諸栢也。栢外無諸侯之變內無

國事。越千里之險。北伐山戎。為燕辟地。

辟開。為于。為反。辟婢亦。

反魯外無諸侯之變。內無國事。一年罷民三時。虞

山林藪澤之利。惡內也。

譏公依倚齊相而與相行。異。惡烏路反。行下孟反。

○冬。

不雨。

三十有二年。春。城小穀。

小穀。魯邑。

○夏。宋公齊侯。遇于

梁上。遇者。志相得也。梁上。在曹邾之間。去齊八百

里。非不能從諸侯而往也。辭所遇。遇所不遇。大齊

相也。

辭所遇。謂八百里間。諸侯必有願從者。而辭之遇所。不遇。謂遠遇宋公也。能從才用反。或如字。注同。

○秋。七

月。癸巳。公子牙卒。

牙慶父同母弟。何休曰。傳例大夫不日卒。惡也。牙與慶父共淫。哀姜謀殺子般。而日卒。何

也。鄭君釋之曰。牙莊公母弟。不言弟。其惡已見。不待去日矣。案傳例諸侯之尊弟也。不得以屬通。蓋以禮諸侯絕。暮而臣諸父昆弟。稱昆弟

則是申其私親也。宣十七年。公弟叔胙卒。傳曰。其曰公弟叔胙賢之也。然則不稱弟。自其常例耳。鄭君之說。竊所未詳。見賢徧反。去起呂反。

許乙反

八月癸亥公薨死于路寢

公薨皆書其所謹凶變

路寢

正寢也寢疾居正寢正也男子不絕于婦人之手

以齊終也

齊禁齊側皆反本亦作齊

冬十月乙未子般卒

在喪故稱

子般其名也莊公大子不書弑諱也般音班大音泰

子卒日正也

襄三十一年秋九月癸巳子野卒是也

不日故也

文十八年冬十月子赤卒是也

有所見則日

閔公不書即位是見繼弑者也故慶

父弑子般子般可以日卒不待不日而顯見則賢徧反

公子慶父如齊此奔也其

曰如何也

據閔二年慶父奔莒不言如何

諱莫如深深則隱

深謂君弑賊奔隱痛

之至也故子般日卒慶父如齊

苟有所見莫如深也

閔公不書即位見子般之弑慶父出奔

狄伐邢

春秋穀梁卷第三

經傳伍阡壹伯肆拾叁字

注陸阡零卅貳字

音義壹阡陸伯玖拾肆字

仁仲 比較訖

春秋穀梁傳閔公第四

名開惠王十六年即位

范甯集解

元年春王正月。繼弒君不言即位。正也。親之非父

也。兄也尊之非君也。未踰年也繼之如君父也者。受國焉

爾。齊人救邢。善救邢也。善齊相得伯之道夏六月辛酉

葬我君莊公。莊公葬而後舉謚。謚所以成德也。於

卒事乎加之矣。秋八月。公及齊侯盟于洛姑。洛姑

也。齊地。洛姑一本作路姑盟納季子也。季子來歸。其曰季子。貴之

也。大夫稱名氏。今曰子是貴之也。美稱。美稱尺證反其曰來歸。喜之也。大夫出使歸不

書執然後致不言歸國內之人不曰來。今言來者明本欲遂去同他國之人也。言歸者明實魯人也。喜之者季子賢大夫以亂故出奔國人思

之懼其遂去不反今得其還故冬。齊仲孫來。其曰齊仲孫。皆喜曰季子來歸。使所吏反。

外之也

魯絕之故繫之于齊。齊仲孫慶父也。左氏以為齊大夫。

其不目而曰仲孫。疏

之也

不目謂不言公子慶父。

其言齊以累栢也

繫仲孫於齊言栢容赦有罪。累少為偽反。

二年春王正月齊人遷陽。夏五月乙酉吉禘于

莊公

三年喪畢致新死者之主於廟。廟之遠主當留遷入太祖之廟。因是大祭以審昭穆。謂之禘。莊公喪制未闋時別立廟廟成而吉。

祭又不於大廟故詳書以示譏。禘徒帝反。太祖音泰。下大廟同。昭上饒反。闋苦光反。

吉禘者不吉者也

喪事未畢而舉吉祭故非之也

莊公薨至此方二月。喪未畢。秋

八月辛丑公薨不地故也。其不書葬不以討母葬

子也

凡君弑賊討則書葬。哀姜實殺。討而不書葬者不以討母葬子。

○九月夫人姜氏孫

于邾

哀姜與弑閔公故出奔。孫音遜。本或作遜。與音豫。

孫之為言猶孫也。諱奔

也。○公子慶父出奔莒。其曰出絕之也。慶父不復

見矣

慶父弑子般。閔公不書弑諱之。復扶又反。見賢徧反。

○冬齊高子來盟。其曰

來喜之也。其曰高子。貴之也。盟立僖公也。不言使

何也。據相十四年鄭伯使其弟禦來盟言使。禦魚呂反下同。不以齊侯使高子也。齊侯

不討慶父使魯重懼其禍。今若高子自來非齊侯所得使也。猶屈完不稱使也。江澗曰魯頻弑君僖公非正也。相公遣高倭立僖公以存魯。魯又

德之不名其使以貴之。貴其使則其主重矣。重直用反。盈君勿反。倭音奚。其使所吏反下同。十有二月。狄入

衛。僖公二年城楚上以封衛則衛為狄所滅。明矣。不言滅而言入者春秋為賢者諱。齊桓公不能攘夷狄救中國故為之諱。為

賢于偽反。下同。攘如羊反。○鄭棄其師。惡其長也。兼不反其眾。則

是棄其師也。長謂高克也。高克好利不顧其君。文公惡而遠之。不能使高克將兵禦狄于竟。陳其師於朔。朔河上

以而不召。眾將離散。高克進之。不以禮。文公退之。不以道。危國亡師之本。惡其烏路反。注同。長丁丈反。兼戶謙反。又如字。好呼報反。遠于萬

反。將子匠反。竟音境。朔五羔反。

春秋穀梁卷第四

經傳參伯壹拾玖字

注肆伯陸拾字

音義壹伯陸拾貳字

余

仁仲刊于家塾

春秋穀梁傳僖公第五

名申惠王十八年即位

范甯集解

元年春王正月繼弒君不言即位正也後皆同○

齊師宋師曹師次于聶北救邢聶北邢地聶女輒反救不言次

據莊六年王人子突救衛不言次言次非救也次止也救赴急之意今方停止故知非救也非救而

曰救何也遂齊侯之意也錄其本意是齊侯與怪其稱師與音餘

齊侯也何用見其是齊侯也據經書齊師見賢備反下復見及注同曹無

師曹師者曹伯也小國君將稱君獨將稱人不得稱師言師則是曹伯也曹君不可在師下故知是齊侯○

君將子匠反下同其不言曹伯何也以其不言齊侯不可言

曹伯也其不言齊侯何也以其不足乎揚不言齊

侯也救不及事不足稱揚以其不足乎揚絕句稱揚也○夏六月邢遷于夷儀碎狄

難夷儀邢地。遷者猶得其國家以往者也。其地邢復

見也。非若宋人遷宿滅不復見。復扶又反。下注並同。齊師宋師曹師城邢。是

向之師也。使之如改事然。美齊侯之功也。是向耳。北之師當言

遂今復列三國者美齊桓存亡國。是卿許亮反本又作向注同。秋七月戊辰。夫人姜氏

薨于夷。哀姜夫人薨不地。地故也。齊人以歸。不言以

喪歸。非以喪歸也。加喪焉。諱以夫人歸也。泰曰齊人實以夫人

歸殺之于夷諱故使若自行至夷遇疾而薨然後齊人以喪歸也。歸在薨前而今在下是加喪之文也。經不言以喪歸者以本非以喪歸也。傳

例曰以者不以者也。微。其以歸薨之也。後殺之。楚人伐

鄭。八月公會齊侯宋公鄭伯曹伯。邾人于櫟。櫟地。宋

地。櫟勑貞反。一本作打音同。九月公敗邾師于偃。偃邾地。敗必邁反。下皆同。偃于晚反。

本一作偃同。不日。疑戰也。疑戰而曰敗。勝內也。冬十月

壬午。公子友帥師敗莒師于麗。獲莒挈。麗魯地傳例曰獲者不與

之辭。麗力池反。挈女居反。又女加反。莒無大夫。其曰莒挈何也。據非大以夫不書

吾獲之。目之也。內不言獲。獲者不與之辭。主善以內故不言獲。此其言

獲何也。據文十一年叔孫得臣敗狄于鹹。不言獲。長狄。烏路反。給徒乃惡公子之給。給欺給也。惡

反給者奈何。公子友謂莒挈曰。吾二人不相說。士

卒何罪。屏左右而相搏。公子友處下。左右曰。盍勞

孟勞者。魯之寶刀也。公子友以殺之。然則何以惡

乎。給也。據得勝也。說音悅。卒子忽反。搏音博。手搏也。勞如字。盍勞寶刀名。曰。棄師之道也。江

曰經書敗莒師而傳云二人相搏則師不戰何以得敗理自不通也。夫王赫斯怒。宜在受整子所值三戰居其一。季友令德之人。豈當留舍三軍

之較。正佻身獨闢。潛刃相害。以決勝負者。哉。雖千載之事。難明。然風味之所期。古猶今也。此又事之不然。傳或失之。赫呼白反。舍音捨。佻他堯

反。又徒堯反。○十有二月。丁巳。夫人氏之喪。至自齊。其不

言姜以其殺二子貶之也。二子子般閔公或曰為齊桓諱殺

同姓也。為于偽反

二年春王正月城楚上楚上者何衛邑也國而曰

城此邑也其曰城何也。據元年齊師宋師曹師城邢邢國也封衛也。閔二年狄入衛

遂滅則其不言城衛何也衛未遷也其不言衛之遷

焉何也。據元年邢遷于夷儀言遷也不與齊侯專封也其言城之者

專辭也故非天子不得專封諸侯諸侯不得專封

諸侯雖通其仁以義而不與也。存衛是相之仁故通令城楚上義不可以專封

故不言遷衛。謂上下之禮○夏五月辛

巳葬我小君哀姜○虞師晉師滅夏陽非國而曰

滅重夏陽也虞無師其曰師何也以其先晉不可

以不言師也。人不得居師上貴賤之序。○夏陽戶雅。反左氏作下陽先蘇薦反下文及注同。其先晉

何也。據小不先大。為主乎滅夏陽也。夏陽者。虜虢之塞

邑也。其地險要故二國以為塞邑。○塞音代反注同。滅夏陽而虜虢舉矣。虜之

為主乎滅夏陽何也。晉獻公欲伐虢。荀息曰。君何

不以屈產之乘。垂棘之璧。而借道乎虜也。荀息。晉大夫。屈邑產。

駿馬垂棘出良璧。○屈其勿反。又君勿反地名也。乘繩諡反。駿音俊。惜子夜反。及下不借而借皆同。公曰。此晉國之

寶也。如受吾幣而不借吾道。則如之何。荀息曰。此

小國之所以事大國也。此謂璧馬之屬。彼不借吾道。必不

敢受吾幣。如受吾幣而借吾道。則是我取之中府

而藏之外府。取之中廢而置之外廢也。公曰。宮之

奇存焉。宮之奇。虞之賢大夫。廢音救。奇其宜反。必不使受之也。荀息曰。宮

之奇之為人也。達心而懦。懦弱。懦乃亂。又少長於君。

達心則其言略。明達之人言則舉綱領要不言提其耳則愚者不悞。少詩召反下同。長丁丈反。提徒反。本作題。

同。懦則不能彊諫。少長於君則君輕之。且夫玩好在耳目之前而患在一國之後。此中知以上乃能

慮之。臣料虞君中知以下也。公遂借道而伐虢。宮

之奇諫曰。晉國之使者其辭卑而幣重。必不便於

虞。虞公弗聽。遂受其幣而借之道。宮之奇諫曰。語

曰。唇亡則齒寒。其斯之謂與。語諺言也。獨其良反。又其丈反。好呼報反。知音智下同。

上時掌反。料力彫反。又力弔反。使所吏反。便婢面反。與音餘。諺音彦。挈其妻子以奔曹。獻公

亡虢。五年而後舉虞。荀息牽馬操璧而前曰。璧則

猶是也。而馬齒加長矣。猶是言如故。○挈去結反。操七刀反。加長丁丈反。○秋。九

猶是也。而馬齒加長矣。猶是言如故。○挈去結反。操七刀反。加長丁丈反。○秋。九

月。齊侯。宋公。江人。黃人。盟于貫。貫宋地。貫古亂反。貫之盟。不

期而至者。江人。黃人也。江人。黃人者。遠國之辭也。

中國稱齊宋。遠國稱江黃。以為諸侯皆來至也。

冬。十月。不雨。不雨者。勤雨也。言不雨是欲得雨之心。勤也。明君之恤民。勤如字。麋氏

音覲後。楚人侵鄭。年同。

三年。春。王正月。不雨。不雨者。勤雨也。夏。四月。不

雨。一時不雨則書首。月不言旱不為災。一時言不雨者。閔雨也。經一時輒言不雨。憂民之至。閔

也。閔雨者。有志乎民者也。徐人取舒。六月。雨。

雨云者。喜雨也。喜雨者。有志乎民者也。秋。齊侯。

宋公。江人。黃人。會于陽穀。陽穀齊地。陽穀之會。相公委

端。搢笏而朝諸侯。委委貌之冠也。端玄端之服。搢插也。笏以記事者也。所謂衣裳之會。搢音進。又音箭。箭笏。

音忽朝直遙反諸侯皆諭乎相公之志。冬。公子季友

如齊莅盟傳例曰莅位也內之前定之盟謂之莅外之前定之盟謂之來。莅音利又音類莅者位

也明莒言之言素定今但往其位而盟其不日。前定也。不言及者。以國與

之也。不言其人。亦以國與之也。○楚人伐鄭

四年。春。王正月。公會齊侯。宋公。陳侯。衛侯。鄭伯。許

男。曹伯。侵蔡。蔡潰傳例曰侵時而此月蓋為潰。潰戶內反蓋為于偽反下為退同潰之

為言。上下不相得也君臣不和而自潰散侵。淺事也。侵蔡而蔡

潰。以相公為知所侵也責得其罪故裁侵而潰不土其地。不分

其民。明正也。遂伐楚。次于陘楚疆齊欲紂之以德故不速進而次于陘陘楚地。陘音

刑。遂繼事也。次。止也。○夏。許男新臣卒十四年冬蔡侯勝卒傳曰

諸侯時卒惡之也。宣九年辛酉晉侯黑臀卒于扈。傳曰其地于外也。其日未踰竟也。然則新臣卒于楚。故不日耳。非惡也。○惡烏路。反。下同。賢

徒門諸侯死於國不地死於外地死於師何為不

地據宣九年晉侯黑臀卒于扈地內相師也齊相威德洽著諸侯安之○楚屈

完來盟于師盟于召陵屈完來如陘師盟齊相以其服義為退一舍次于召陵而與之盟召陵楚

地○召楚無大夫無命其曰屈完何也以其來會相

成之為大夫也尊齊相不欲令與卑者其不言使權在屈

完也即曰齊相威陵江漢楚人大懼未能量敵遣屈完如師完權事之宜以義卻齊遂得與盟以安竟內功皆在完故不言使○與

立音預又則是正乎曰非正也臣無自以其來會諸侯重

之也重其宗中國歸有道來者何內相師也來者內辭也內相師故言來于師前

定也于召陵得志乎相公也得志者不得志也屈

來盟相公退于召陵是屈完得其以相公得志為僅矣相為霸主以會

諸侯楚子不來屈完受盟今問諸江辭又不屈完曰大國之以

兵向楚何也。相公曰：昭王南征不反，菁茅之貢不

至，故周室不祭。菁茅香草所以縮酒，楚之職貢。菁茅子丁反，下亡交反。菁茅不香，昔十也。尚書傳云：菁茅以為菹茅。

以縮酒。縮所六反。屈寧曰：菁茅之貢不至，則諾。昭王南征不

反，我將問諸江。問江邊之民有見之者不此不服罪之言，故退于召陵而與之盟。屈寧所以得志，相公之不得

志爾。齊人執陳袁濤塗。袁濤塗，陳大夫。濤徒刀反。齊人者，齊侯也。

其人之何也？於是哆然外齊侯也，不正其踰國而

執也。江濤曰：踰國謂踰陳而執陳大夫主人之不敬，客由客之不先敬主人，哆然衆有不服之心。故春秋因而譏之，所謂以萬物為

心也。莊十七年，齊人執鄭詹，詹傳與其執者詹奔。在齊因執之。哆，昌者反。又昌氏反，詹之廉反。秋及江人。黃

人伐陳，不言其人及之者，何？內師也。八月，公至

自伐楚，有二事偶，則以後事致後事小，則以先事

致，其以伐楚致大伐楚也。鄭君曰：會為大事，伐為小事。齊桓伐楚而後盟于召陵，公當致會。

而致伐者楚彊莫能伐者故以伐楚為大事

○葬許穆公。冬十有二月。公孫

茲帥師會齊人。宋人。衛人。鄭人。許人。曹人。侵陳。

年春二月公侵宋傳曰侵時此其月何也惡之故謹而月之然則九侵而月者皆惡之惡烏路反下同

五年春。晉侯殺其世子申生。目晉侯。斥殺惡。晉侯

也。斥指斥。杞伯姬來朝其子。婦人既嫁不踰竟。踰竟。

非正也。諸侯相見曰朝。伯姬為志乎朝其子也。伯

姬為志乎朝其子。則是杞伯失夫之道矣。凱曰不能刑于寡妻

○朝直遙反下皆同為志于偽反下同諸侯相見曰朝。以待人父之道待

人之子。非正也。故曰杞伯姬來朝其子。參譏也。參

謂伯姬杞伯魯侯也相九年曹伯使其世子射姑來朝譏世子此不譏者明子隨母行年尚幼弱未可責以人子之道伯姬以莊二十五年夏

嫁至今年十三年則子幼可知。參七南反又音三。○夏。公孫茲如牟。○公及齊侯。

宋公陳侯衛侯鄭伯許男曹伯會王世子于首戴

惠王之世子名鄭後立為襄王首戴衛地○首戴左氏作首止

及以會尊之也

言及諸侯然後會王世子不敢

令世子與諸侯齊列○令力呈反

何尊焉王世子云者唯王之貳也云

可以重之存焉尊之也何重焉天子世子世天下

也○秋八月諸侯盟于首戴

言諸侯者前目而後凡他皆放比

無中

事而復舉諸侯何也尊王世子而不敢與盟也尊

則其不敢與盟何也盟者不相信也故謹信也不

敢以所不信而加之尊者相諸侯也不能朝天子

是不臣也王世子子也塊然受諸侯之尊己而立

乎其位是不子也相不臣王世子不子則其所善

焉何也是則變之正也

雖非禮之正而合當時之且○復扶又反下同塊苦對反又苦怪反

天

子微諸侯不享。覲，栢控大國，扶小國，統諸侯，不能以朝天子，亦不敢致天王。尊王，世子于首戴，乃所以尊天王之命也。世子含王命，會齊栢，亦所以尊天王之命也。世子受之可乎？是亦變之正也。天子微諸侯不享，覲。世子受諸侯之尊己，而天王尊矣。世子受之可也。鄭伯逃歸，不盟，以其去諸侯，故逃之也。專己背衆，故書逃。傳例曰：逃，義曰逃。控，大苦，貢反。背衆，音佩。楚人滅弦，弦子奔黃。弦，國也。其不日，微國也。九月，戊申朔，日有食之。冬，晉人執虞公。虞公貪璧玉馬之寶，棄兄弟之親，拒絕忠諫之口，不圖社稷之危，故晉命行于虞矣。

使下執上，虞同于晉，是以謂之晉人執虞公。江澗曰：春秋有州公、郭公、虞公，凡三公非爵也。傳以為下執之辭，當試因此論之。五等諸侯，民皆曰稱曰公，存有王爵之限，沒則申其臣民之稱。州公、舍其國故，先書州公，郭公盜而歸曹，故先名而後稱。鄭公、夏陽士，則虞為滅國，故宜稱虞公。

三人殊而一致三公舛而同歸生死齊稱蓋春秋所賤○之稱尺證反下齊稱同舍音捨舛昌充反 執不言所於

地緼於晉也時虞已包裏屬於晉故雖在虞執而不書其處○緼紆粉反包音苞裏音果處昌呂反 其曰

公何也據十九年宋人執滕子嬰齊不言公 猶曰其下執之之辭也臣民執其君故

公其猶下執之之辭何也晉命行乎虞民矣虞服于晉

故從晉命而執其君 虞虢之相救非相為賜也今日亡虢而明

日亡虞矣言明日喻其速○為于偽反又如字

六年春王正月○夏公會齊侯宋公陳侯衛侯曹

伯伐鄭圍新城伐國不言圍邑此其言圍何也據元

年楚人伐鄭不言圍 病鄭也著鄭伯之罪也秦曰諸伐國而言圍邑傳皆以為伐者之罪而以此

著鄭伯之罪者齊相行霸尊崇王至綏合諸侯翼戴世子盟之美者莫

成於此而鄭伯辟義逃歸違叛霸者是以諸侯伐而圍之罪著于上討顯于下圍伐之文雖同而善惡之義有殊亦猶相盟不日以明信而蔡亡之盟日之以為美○著張慮反辟音避 ○秋楚

人圍許。諸侯遂救許。伐鄭之諸侯善救許也。○冬。公至

自伐鄭。其不以救許致何也。大伐鄭也。

七年。春。齊人伐鄭。○夏。小邾子來朝。○朝直。遙反。○鄭殺

其大夫申侯。稱國以殺大夫。殺無罪也。○秋。七月。

公會齊侯。宋公。陳世子款。鄭世子華。盟于廬。母廬

某地。○廬。母上音如字。又音審。下音無。又茂。右反。左氏作審。衣裳之會也。○曹伯班卒。

○班必。顏反。○公子友如齊。○冬。葬曹昭公。

八年。春。王正月。公會王人。齊侯。宋公。衛侯。許男。曹

伯。陳世子款。盟于洮。洮。曹地。王人之先諸侯何也。貴

王命也。朝服雖敝。必加於上。弁冕雖舊。必加於首。

周室雖衰。必先諸侯。兵車之會也。鄭伯乞盟。以向

之逃歸乞之也

向謂五年逃首戴之盟齊桓為兵車之會于此乃震服懼不得盟故乞得與之不錄使者使若

鄭伯自來所以抑一人之惡申衆人之善○之先悉薦反下同朝服直遙反弁皮彥反以向香亮反本又作卿注同得與音豫使者所吏反

乞者重辭也

人道貴讓故以乞為重

重是盟也

悔前逃歸故以重言

乞者

覲其所而請與也

言乞知不自來

蓋盥之也

盥血而與之○洵○由若反一音酌

夏狄伐晉○秋七月禘于大廟

禘三年大祭之名大廟周公廟禮記明堂位曰季夏

六月以禘禮祀周公于大廟雜記下曰孟獻子曰七月日至可以有事于祖七月而禘獻子為之案宣九年仲孫蔑如京帥於是獻子始見經

襄十九年卒然則失禮非獻子所始明矣雜記之云甯所未詳○大廟音泰見賢徧反下文而見同 用致夫人

劉向曰夫人成風也致之于大廟立之以為夫人○夫人成風也左氏以為哀姜 用者不宜用者也致者

不宜致者也言夫人必以其氏姓言夫人而不以

氏姓非夫人也立妾之辭也非正也

夫人者正嫡之稱謂非崇妾之嘉號

以妾體君則上下無別雖尊其母是卑其父故曰非正也禮有君之母非夫人者又庶子為後為其母總是妾不為夫人明矣○適丁歷反本

亦作嫡稱尺證反別彼列反為其于偽反總音思

夫人之我可以不夫人之乎。夫

人卒葬之。我可以不卒葬之乎。

鄭嗣曰君以為夫人君以夫人之禮卒葬之主書者

不得以為夫人也成風以文四年薨五年葬傳終說其事

一則以宗廟臨之。而後貶焉。

臣無貶君之義故于大廟去夫人氏姓以明君之非正。去起呂反

一則以外之弗夫人。而見

正焉。

秦人來歸僖公成風之襚不言夫人。襚音遂

○冬十有二月丁未天王

崩。惠王也

九年春王三月丁丑宋公御說卒。

御魚呂反本亦作御說音悅

○夏

公會宰周公。齊侯。宋子。衛侯。鄭伯。許男。曹伯。于葵

亡。宰官周采地天子三公不字宋子襄公葵亡地名。采音菜

天子之宰。通于四海。

宰天子官冢

宰兼為三公者三公論道之官無事于會盟冢宰掌建邦之六典以佐王治邦國故曰通于四海

宋其稱子何

也。未葬之辭也。禮柩在堂上。孤無外事。今背殯而

出會以宋子為無哀矣

攢木如椁塗之曰殯殷人殯于兩楹之間周人殯于西階之上宋殷

後也。○柩其救反禮記云在牀曰尸在棺曰柩背音佩鼓木才官反本又作攢同。

○秋七月乙酉伯姬

卒。內女也。未適人不卒。此何以卒也。許嫁笄而字

之。死則以成人之喪治之。

女子許嫁不為殤死則以成人之喪治之。謂許嫁于諸侯尊同則服

大功九月吉筭以象為之刻鏤其首以為飾成人著之。○笄古方反殤式羊反著丁畧反。

○九月戊辰諸侯

盟于葵。亡。相盟不日。此何以日。美之也。為見天子

之禁。故備之也。

何休以為即日為美其不日皆為惡也。相公之盟不日皆為惡邪。莊十三年柯之盟不日為信

至此日以為美義相反也。鄭君釋之曰。柯之盟不日固始信之。自其後盟以不日為平。文從陽穀已來至此葵亡之盟皆令諸侯以天子之禁

相德極而將衰。故備日以美之。自此不復盟矣。○為見于偽反。下賢偏反。復扶又反。

葵亡之盟。陳牲而

不殺。

所謂無歃血之盟。鄭君曰。盟牲諸侯用牛。大夫用豕。加于

牲上。壹明天子之禁。

壹猶專也。

曰母雍泉。

專永利以障谷。○雍於勇反。塞也。障

音章又之亮反

母訖糴

訖止也謂貯粟糴音狄貯張呂反

母易樹子

樹子嫡子嫡丁歷反

母以妾為妻母使婦人與國事

女正位於內與音豫

甲子晉

侯詭諸卒

獻公也枉殺卍子申生失德不葬詭諸九委反左氏作危諸枉紆注反

冬晉里克

殺其君之子奚齊其君之子云者國人不子也國

人不子何也不正其殺卍子申生而立之也

諸侯在喪稱子

言國人不君之故繫于其君

十年春王正月公如齊○狄滅温温子奔衛○晉

里克弒其君卓及其大夫荀息以尊及卑也荀息

閑也

卓勅角反

夏齊侯許男伐北戎○晉殺其大夫

里克稱國以殺罪累上也里克弒二君與一大夫

二君奚齊卓子一大夫荀息

其以累上之辭言之何也

據有罪

其殺

之不以其罪也。其殺之不以其罪奈何。里克所為弑者為重耳也。

殺奚齊卓子者欲以重耳為君。重耳夷吾兄。文公。所為于偽。反下文。比日同。重耳直龍反。殺於齊。申

志反。又夷吾曰：是又將殺我乎？故殺之，不以其罪也。

其為重耳弑，奈何？晉獻公伐虢，得麗姬，獻公私之。

有二子。長曰奚齊，稚曰卓子。麗姬欲為亂。

亂謂殺申生而立其

子。麗姬力池反。伐虢所得左氏。故謂君曰：吾夜者夢夫人

伐麗戎所得長丁丈反。推直吏反。趨而來，曰：吾苦畏。

夫人申生母。苦如字。又枯路反。下同。

胡不使大夫將

衛士而衛冢乎？公曰：孰可使？曰：臣莫尊於世子，則

世子可。故君謂世子曰：麗姬夢夫人趨而來，曰：吾

苦畏。女其將衛士而往衛冢乎？世子曰：敬諾。築宮。

宮成。麗姬又曰：吾夜者夢夫人趨而來，曰：吾苦飢。

世子之宮已成。則何爲不使祠也。故獻公謂世子

曰。其祠。世子祠。已祠。致福於君。君田而不在。麗姬

以酖爲酒。藥脯以毒。獻公田來。麗姬曰。世子已祠。

故致福於君。君將食。麗姬跪曰。食自外來者。不可

不試也。覆酒於地。而地貴。貴沸起也。○女音汝。下皆同祠。

酒跪求委反。覆芳服反。賁扶粉反。注同。以脯與犬。犬死。麗姬下堂而啼呼。

曰。天乎。天乎。國子之國也。子何逢於爲君。君喟然

歎曰。吾與女未有過切。吾與女未有過差切。急。○呼火故反。喟去愧反。又去怪反。差初賣反。又如

字是何與我之深也。使人謂世子曰。爾其圖之。世

子之傅里克謂世子曰。入自明。入自明。則可以生。

不入自明。則不可以生。世子曰。吾君已老矣。已昏

矣。吾若此而入自明，則麗姬必死。麗姬死，則吾君

不安。所以使吾君不安者，吾不若自死。吾寧自殺

以安吾君，以重耳為寄矣。慮麗姬又諸重耳故，以託里克使保全之。刳脰而

死。○刳，土粉反。脰，音豆頸也。故里克所為弑者，為重耳也。夷吾曰：

是又將殺我也。○秋七月。○冬，大雨雪。○兩于付反。

十有一年，春，晉殺其大夫平鄭父。○平，浦悲反。稱國以殺

罪累上也。○夏，公及夫人姜氏會齊侯于陽穀。○

秋八月，大雩。雩，月正也。雩，得雨曰雩，不得雨曰旱。

禮龍見而雩，常祀不書。書者皆以旱也。故得雨則喜，以月為正也。不得雨則書旱，明旱災成何休曰：公羊書雩者，善人君應變求索不雩則言旱早而不害物言不雨也。就如穀梁設本不雩何以明之，如以不雨明之，設旱而不害物何以別乎？鄭君釋之曰：雩者夏所穀實之禮也。旱亦用焉，得雨書雩，明雩有益不得雨書旱，明旱災成後得雨無及也。國君而遭旱，雖有不憂民事者，何乃廢禮本不雩禱哉？顧不能致精誠也。旱

而不害物固以不雨別之文二年十三年自十有二月自正月不雨至于秋七月是也穀梁傳曰歷時而言不雨文不閔雨也以文不憂雨故不如僖時書不雨文所以不閔兩首素無志於民性退弱而不明又見時久不雨而無災耳○雩音于龍見賢偏反下同應變應對之應索所白反別彼列反下同禱○冬楚人伐黃

十有二年春王三月庚午日有食之○夏楚人滅

黃貫之明管仲曰江黃遠齊而近楚楚為利之國

也若伐而不能救則無以宗諸侯矣宗諸侯謂諸侯宗之○貫古亂反遠

千萬反近附近之近為于偽反相公不聽遂與之盟管仲死楚伐江滅

黃相公不能救故君子閔之也閔其貪慕伯者以致滅○秋七月

○冬十有二月丁丑陳侯杵臼卒杵昌呂反

十有三年春狄侵衛○夏四月葬陳宣公○公會

齊侯宋公陳侯衛侯鄭伯許男曹伯于鹹鹹衛地○鹹音咸

兵車之會也。○秋。九月。大雩。○冬。公子友如齊。

十有四年。春。諸侯城緣陵。緣陵，杞邑。其曰諸侯散辭也。

直曰諸侯無小大之序，是各自欲城，無一之者，非伯者所制，故曰散辭。聚而曰散何也？據言諸侯城，則是聚。

諸侯城有散辭也。相德衰矣。言諸侯城則非伯者之為可知也。齊相德衰所以散也。何

休曰：案先是盟，亦言諸侯非散也。又穀梁美九年諸侯盟于葵上，即散何？以美之邪？鄭君釋之曰：九年公會宰周公、齊侯、宋子、衛侯、鄭伯、許男。

曹伯于葵上，九月戊辰盟于葵上。時諸侯初在會，未有歸者，故可以不序。今此十三年夏公會齊侯、宋公、陳侯、衛侯、鄭伯、許男、曹伯于鹹，而冬

公子友如齊，此聘也。書聘則會固前已歸矣。今云諸侯城緣陵而冬不序其人，明其散相德衰矣。葵上之事安得以難此。○難乃且反。夏。

六月。季姬及繒子遇于防。使繒子來朝。遇例時此非所宜遇，故謹

而月之。○繒在陵反。朝直遙反。下文及注同。遇者同謀也。魯女無故遠會諸侯，遂得淫通，此亦事之不然。左傳

曰：繒季姬來，寧公怒之，以繒子不朝，遇于防而來朝者來請己

使來朝，此近合人情。○近如字，又附近之近。也。使來朝請己為妻。朝不言使，言使非正也。以病繒子也。○

秋八月辛卯沙鹿崩沙鹿晉山林屬於山為鹿鹿山足屬之玉反

沙。山名也。無崩道而崩。故志之也。其日重其變也。

劉向曰鹿在山下平地。臣象陰位也。崩者散落皆叛不事上之象。比音佩。狄侵鄭。冬蔡侯

盱卒。盱許乞反諸侯時卒惡之也。惡烏路反

十有五年春。王正月。公如齊。楚人伐徐。三月。

公會齊侯。宋公。陳侯。衛侯。鄭伯。許男。曹伯。盟于牡

上。牡上地名兵車之會也。遂次于匡。救徐也。時楚人伐徐匡衛地。遂繼事

也。次止也。有畏也。楚畏公孫敖帥師及諸侯之大

夫救徐。諸侯既盟次匡比遣大夫將兵救徐故不復具列諸國。復扶又反。善救徐也。夏。

五月。日有食之。夜食。秋七月。齊師。曹師伐厲。徐說曰案齊相

末年用師及會比是危之而月也。于時霸業已衰。勤王之誠替于內。震於

之容見於外。禍興勢既北。動接危理。故月眾國之君。雖有失道。未足為一

世興衰齊桓威攝羣后政行天下其得失皆治亂所繫故春秋重而詳之錄所善而著所危云爾○見賢徧反與魯許斬反衰本作喪息浪反治

直吏○八月螽音終螽音終蟲災也。甚則月。不甚則時反。

○九月公至自會莊二十七年傳曰相會不致安之也○季

姬歸于繒○己卯晦震夷伯之廟夷謚伯字晦真也。震

雷也。夷伯魯大夫也。因此以見天子至于士皆有

廟明夷伯之廟過制故因此以言禮○真亡定反見賢徧反天子七廟祭法曰王立七廟曰

顯考廟祖考廟有二桃遠廟稱桃○桃它堯反諸侯五曰考廟王考廟皇考廟顯考廟祖考廟大夫三曰

廟王考廟士二曰考廟王考廟故德厚者流光德薄者流卑雍

德厚者位尊道隆者爵重故天子遠及七世士祭祖而已是以貴始德之本也始封必

為祖若契為殷祖棄為周祖○契息列反○冬宋人伐曹○楚人敗徐于

婁林婁林徐地○敗必邁反下相敗同夷狄相敗志也○十有一月壬

戊晉侯及秦伯戰于韓韓晉地獲晉侯獲者不與之辭諸侯非可相獲韓

之戰晉侯失民矣以其民未敗而君獲也

十有六年春王正月戊申朔隕石于宋五劉向曰石陰類也五年

陽數也象陰而陽行將致隊落○隕云先隕而後石何也據莊七年

星隕如兩先隕而後石也既隕後乃于宋四竟之內曰

宋後數散辭也耳治也隕石記聞也聞其碩然視之則石察之則五○竟音境治直吏反下目治

同碩之人反又是月六鵙退飛過宋都是月隕石之月

六年陰數也象陽而陰行是月者決不日而月也欲著石日鵙必衰退○鵙五歷反

若不是月則六鵙退飛過宋都先數聚辭也目治

也六鵙退飛記見也視之則六子曰石無知之物鵙微有

知之物石無知故日之石無知而隕必天使之然故詳而日之鵙微有知

之物。故月之

鴉或時自欲退飛耳。是以略而月之。

君子之於物。無所苟而

已。石鴉且猶盡其辭。而況於人乎。故五石六鴉之

辭不設。則王道不亢矣。

不遺微細。故王道可舉。亢苦浪反。

民所聚曰都。

○三月壬申。公子季友卒。大夫日卒。正也。

季友相公之子。

稱公弟叔仲賢也。大夫不言公子公孫。䟽之也。○

夏四月丙申。繒季姬卒。○秋七月甲子。公孫茲卒。

大夫日卒。正也。○冬十有二月。公會齊侯。宋公。陳

侯。衛侯。鄭伯。許男。邢侯。曹伯。于淮。兵車之會也。

淮音懷。

十有七年春。齊人。徐人。伐英氏。

英於京反。

○夏滅項。孰

滅之。相公也。何以不言相公也。

據莊十年齊師滅譚。稱齊師。項戶講反。國名也。齊

滅之左氏以為曾滅。

為賢者諱也。項國也。不可滅而滅之乎。相

公知項之可滅也

知政昏亂易可滅。為于偽反下為之諱同。

而不知己之不

可以滅也

霸者存恤鄰國抑疆輔弱義不可滅人之國。

既滅人之國矣。何賢

乎。君子惡惡疾其始

絕其始則得不終於惡。邵曰謂疾其初為惡之事不終身疾之。惡惡並如字。

又烏善善樂其終

樂賢者終其行也。邵曰謂始有善事則終身善之。行下孟反。

相公嘗

有存亡繼絕之功。故君子為之諱也

邵曰存亡謂存刑衛繼絕謂立僖公。

所以終其善。

○秋。夫人姜氏會齊侯于卞

卞魯地。卞皮彥反。

○九月。

公至自會

相會不致而今致會相公德衰威信不著陳列兵車。又以滅項往會既非踰年乃反故往還皆月以危之。

冬十有二月乙亥。齊侯小白卒。此不正其日之何

也

據二十四年晉侯夷吾卒不書日。

其不正前見矣。其不正之前見何

也。以不正入虛國。故稱嫌焉爾

莊九年齊小白入于齊。賤不稱公子。虛國謂齊。

無君傳例曰以國氏者。嫌也。見賢徧反下同。

十有八年春。王正月。宋公。曹伯。衛人。邾人。伐齊。非

伐喪也。

伐喪無道故謹而月之。

○夏。師救齊。

魯師。

善救齊也。○五月。

戊寅。宋師及齊師戰于贏。

贏齊地。○贏魚。葦反。又音言。

齊師敗

績。戰不言伐。客不言及。言及惡宋也。

何休曰。戰言及者。所以別客主直不

直也。故文十二年。晉人秦人戰于河曲。兩不直。故不云及。今宋言及。明直在宋。非所以惡宋也。即言及為惡。是河曲之戰為兩善乎。又穀梁以河

曲不言及。略之也。則自相反矣。鄭君釋之曰。及者。別異客主耳。不施於直與不直也。直不直。自在事而已。義兵則客直。宣十二年。夏。晉荀林父

帥師。及楚子戰于邲。晉師敗績。是也。兵不義。則主人直。莊二十八年。春。衛人及齊人戰。衛人敗績。是也。今齊桓卒。未葬。宋襄欲與霸事。而伐喪

於禮。尤反。故反其文。以宋及齊。即實以宋及齊。明直在宋。邲之戰。直在楚。不以楚及晉。何邪。秦晉戰于河曲。不言及。疾其亟戰。爭舉兵。故略其

先後。○惡。烏路反。下同。別彼列反。下同。邲。蒲必反。一音濁。亟。欺莫反。

○狄救齊。善救齊也。○秋。八

月。丁亥。葬齊桓公。

豎刀易牙爭權。五公子爭立。故危之。○刀。音雕。

○冬。邢人。狄人。

伐衛。狄其稱人何也。善累而後進之。

累。積。伐衛所以

救齊也

何休曰即伐衛救齊當兩舉如伐楚救江公矣又傳以為江遠楚近故伐楚救江今狄亦近衛而遠齊其事一也義異何也

鄭君釋之曰文三年冬晉陽處父帥師伐楚救江兩舉之者以晉未有救江文故明言之今此春宋公曹伯衛人邾人伐齊夏狄救齊冬邢人

狄人伐衛為其救齊可知故省文耳事同義又何異○近衛如功近字又附近之近遠齊如字又于萬反為其于偽反省所景反

而德遠矣

伐衛功近耳夷狄而憂中國其德遠也

十有九年春王三月宋人執滕子嬰齊○夏六月

宋公曹人邾人盟于曹南曹南曹之南鄙緡子會盟于邾

己酉邾人執緡子用之微國之君因邾以求與之

盟與則豫也○與音豫注及下文同人因已以求與之盟己迎而執

之惡之故謹而日之也用之者叩其鼻以衄社也

衄者擗也取鼻血以豐祭社器○惡鳥路反下惡其長同叩音口衄音二○秋宋人圍曹○衛人

伐邢○冬會陳人蔡人楚人鄭人盟于齊會無主名內甲

者也。四國稱人外卑者也。杜預曰：地於齊齊亦與盟。○梁亡自亡也。酒於酒淫於色。

心昏耳目塞。上無正長之治。大臣背叛。民為寇盜。

梁亡自亡也。如加力役焉。酒不足道也。如使伐之而滅亡則淫酒

不足記也。使其自亡然後其惡明。○酒面善反長丁丈反。下及注同。皆音佩。梁亡鄭棄其師。我無

加損焉。正名而已矣。梁亡出惡正也。正謂政教鄭棄其

師惡其長也。長謂高克

二十年春新作南門。作為也。有如其度也。更加言新

有故也。非作也。責其改舊制南門者法門也。法門謂天子諸侯皆南面而治法令

之所出入故謂之法門○夏郟子來朝。郟古報反○五月乙巳西宮災。

謂之新宮。則近為禰宮。言閔公非僖公之父故不言新宮也。近附近之近禰乃禮反父廟也。

以謚言之。則如䟽之然。故不言閔宮而云西宮以是為閔宮也。

○鄭人入滑。○秋。齊人狄人盟于邢。邢為主焉。爾。邢小。其為主何也。其為主乎。救齊。十八年邢人狄人。伐衛以救齊是也。○冬。楚人伐隨。隨國也。

二十有一年。春秋侵衛。○宋人齊人。楚人盟于鹿。

上。宋為盟主故序。齊上鹿上宋地。○夏。大旱。傳例曰得雨曰雩。不得雨曰旱。旱時正也。○

秋。宋公。楚子。陳侯。蔡侯。鄭伯。許男。曹伯。會于雩。雩。地雩。或為字。

執宋公以伐宋。以重辭也。傳例曰以者不以者也。此傳及定七年齊人執衛行

人北宮結以侵衛傳皆曰以重辭也。然則以有二義矣。國之所重故曰重辭。○冬。公伐邾。○楚人使

宜申來獻捷。楚編人者為執宋公。賤捷在接反為于偽反。捷軍得也。其不曰宋

捷何也。據莊三十一年齊侯來獻戎捷。不與楚捷於宋也。不與夷狄捷中國。○十

有二月。癸丑。公會諸侯盟于薄。會雩之諸侯。會者。外為

主焉爾。釋宋公。外釋不志。此其志何也。以公之與

之盟。自之也。不言楚。不與楚專釋也。何休曰春秋以執之為罪不以釋之

為罪責楚子專釋非其理也。公羊以為公會諸侯釋之故不復出楚耳。鄭君釋之曰不與楚專釋者非以責之也。傳云外釋不志此其志何也。

以公之與之盟自之也。言公與諸侯盟而釋宋公。公有功焉。與公羊義無違錯。復扶又反。

二十二年春。公伐邾。取須句。俱反。句其。夏。宋公衛侯

許男滕子伐鄭。秋八月丁未。及邾人戰于升陘。

升陘魯地。內諱敗。舉其可道者也。不言其人。以吾敗也。

不言及之者。為內諱也。偽反。為于。冬十有一月己巳

朔。宋公及楚人戰于泓。泓烏。宏反。宋師敗績。日事遇朔

曰朔。春秋三十有四戰。未有以尊敗乎卑。以師敗

乎人者也。以尊敗乎卑。以師敗乎人。則驕其敵。襄

公以師敗乎人。而不驕其敵何也。責之也。泓之戰。

以爲復雩之恥也。

前年宋公爲楚所執

雩之恥。宋襄公有以自

取之。伐齊之喪。執滕子。圍曹。爲雩之會。不顧其力

之不足。而致楚成王。成王怒而執之。故曰。禮人而

不荅。則反其敬。愛人而不親。則反其仁。治人而不

治。則反其知。過而不改。又之。

又復。知音智。又如字。復扶。又反。

是謂之

過。襄公之謂也。古者被甲嬰冑。非以典國也。則以

征無道也。豈曰以報其恥哉。宋公與楚人戰于泓

水之上。司馬子反曰。楚衆我少。鼓險而擊之。勝無

幸焉。

若要而擊之。必可破。非僥倖也。○被皮既反。冑直救反。司馬子反。左傳作子魚。要於遙。反僥。古堯反。倖音辛。

襄公

曰。君子不推人危。不攻人厄。須其出。

須其出險。○推。如字。又它回反。既

出旌亂於上。陳亂於下。子反曰：楚衆我少，擊之勝。

無幸焉。襄公曰：不鼓不成列。列陳。陳直觀反。須其成列而

後擊之，則衆敗而身傷焉。七月而死。何休曰：即宋公身傷當言公不當言

師成十六年楚子敗績是也。又成十六年傳曰：不言師，君重子師也。即成十六年是二十二年虛言也。即二十二年是十六年非也。鄭君釋之

曰：傳說楚子敗績，曰四躄偏斷，此則目也。此言君之目與手足有破斷者，乃為敗矣。今宋襄公身傷耳，當持鼓軍事，無所害而師猶敗，故不言

宋公敗績也。傳所以言敗，衆敗身傷焉者，疾其信而不道，以取大辱。倍則攻，敵則戰，少則守。人

之所以為人者，言也。人而不能言，何以為人。言之

所以為言者，信也。言而不信，何以為言。信之所以

為信者，道也。信而不道，何以為道。道之貴者，時。其

行勢也。凱曰：道有時，事有勢。何貴於道，貴合於時。何貴於時，貴順於勢。宋公守匹夫之狷介，徒蒙恥於夷狄焉。識大通之方

至道之術哉。○政如字，又音貢。守如字，又手，又反。狷音絹，介音界。焉於虔反。

二十有三年。春。齊侯伐宋。圍閔。伐國不言圍邑。此

其言圍何也。不正其以惡報惡也。前十八年宋伐齊之喪是惡也。今齊乘勝

而報是以惡報惡也。閱左氏作緡二十五年楚圍亦同。夏五月庚寅。宋公茲父卒。

桓公之子襄公。茲父之不葬何也。失民也。其失民何也。以其

不教民戰。則是棄其師也。為人君而棄其師。其民

孰以為君哉。何休曰。所謂教民戰者。習之也。春秋貴偏戰而惡詐。戰宋襄公所以敗于泓者。守禮偏戰也。非不教其民

也。孔子曰。君子去仁。惡乎成名。造次必於是。顛沛必於是。未有守正以敗而惡之也。公羊以為不書葬為襄公諱。皆殞出會所以美其有承齊

相尊周室之美志。鄭君釋之曰。教民習戰而不用。是亦不教也。詐戰謂不期也。既期矣。當觀敵為策。倍則攻。敵則戰。少則守。今宋襄公于泓之

戰。違之。又不用其臣之謀而敗。故徒善不用。賢良不足以與。霸主之功。徒言不知權譎之謀。不足以交鄰國。會遠疆。故易譏。鼎折足。詩刺不用

良此說善也。而惡焉。路反下而惡同。惡乎音烏。造七報反。○秋。楚

人伐陳。○冬。十有一月。杞子卒。莊二十七年。稱伯。今稱子。蓋為時王所黜。

二十有四年。春。王正月。夏。狄伐鄭。秋。七月。

冬。天王出居于鄭。襄王也。天子以天下為家。故所在稱居。天子無出。出。失。

天下也。王者無外。言出則有外之辭。江澗曰。天子必巡守。然後行。故河陽之守。全天王之行也。平王東遷。其詩不能復雅。而

列為國風。義王奔鄭。不得全天王之行。則與諸侯不異。故書出也。夫子祖述堯舜。憲章文武。斯文是作。不以道假人。傳言失天下。闕然如有未

備。巡守手又反下同之行。如字。或下孟反。下同。復雅扶又反。居者。居其所也。雖失天下。

莫敢有也。邵曰。雖實出奔。而王者無外。王之所居。則成王畿。鄭不敢有之。以為國。○晉侯夷吾

卒。傳曰。諸侯時卒。惡之也。不葬。篡文公而立失德。○惡焉。路反。篡初患反。

二十有五年。春。王正月。丙午。衛侯燬滅邢。燬之名

何也。據宣十二年。楚子滅蕭。不名。燬况委反。不正其伐本而滅同姓也。絕先

祖支體尤重。故名以其之。○夏。四月。癸酉。衛侯燬卒。○宋蕩伯姬

來逆婦。伯姬魯女為宋大夫蕩氏妻也。自為其子來迎婦。○自為于偽。反下為祖同。婦人既嫁不

踰竟。宋蕩伯姬來逆婦。非正也。其曰婦何也。緣姑

言之之辭也。○宋殺其大夫。其不稱名姓。以其在

祖之位尊之也。何休曰曹殺其大夫亦不稱名姓豈可復以為祖乎鄭君釋之曰宋之大夫盡同姓禮公族有罪刑

于甸師氏不與國人慮兄弟也。所以尊異之。孔子之祖孔父累於宋。殤

公而死。今骨肉在其位而見殺。故尊之。隱而不忍稱名。氏若罪大者。名

之而已。使若異姓。然此乃祖之疏也。曹殺其大夫。自以無大夫。不稱名

氏耳。春秋辭同事異者。甚多。隱去即位。以見讓莊去即位。為繼弒。是復

可以比例非之乎。○復以扶又反。下是復同。甸徒徧反。累

劣。偽反。去起。呂反。下同。以見賢徧反。為繼于偽反。又如字。○秋。楚人

圍陳。納頓子于頓。納者。內弗受也。圍。一事也。納。一

事也。而遂言之。怪其異事而辭相連有似遂事之辭蓋納頓子者。陳也。陳圍

使納頓子葬衛文公。○冬。十有二月。癸亥。公會衛子莒

慶。盟于洮。衛籀子在洮魯地莒無大夫。其曰莒慶何也。以公

之會。目之也。小國無大夫以公與會故進之時有衛子則無敵公之嫌。與會如字。一音豫。

二十有六年春王正月己未公會莒子衛甯速盟

于向向莒地。向舒亮反。公不會大夫其曰甯速何也以其隨

莒子可以言會也。齊人侵我西鄙公追齊師至

舊弗及人微者也。侵淺事也。公之追之非正也。至

舊急辭也。以急辭言之明不至舊。舊音構又似充反。弗及者弗與也。弗與

戰也。可以及而不敢及也。畏齊師。其侵也曰人其追也

曰師以公之弗及大之也。大之謂變人言師。弗及內辭也。及弗

者若曰我自不及耳非齊不可及。夏齊人伐我北鄙。衛人伐齊。

公子遂如楚乞師乞重辭也。雍曰人道施而不有讓而不取故以乞為重。施舒豉反。

何重焉。重人之死也。非所乞也。師出不必反戰不

必勝故重之也。秋楚人滅夔以夔子歸夔國也。

不日。微國也。以歸。猶愈乎執也。○冬。楚人伐宋。圍

閔。伐國不言圍邑。此其言圍何也。以吾用其師。日

其事也。非道用師也。楚人出師為魯伐齊而中道以伐宋故

字又丁仲反公以楚師伐齊取穀。以者。不以者也。民者。君

之本也。使民以其死。非其正也。雍曰兵不祥之器不得已

以共假借之役乎。○共音恭本又作供假借音嫁又古雅反下子夜反又子亦反公至自伐齊。惡事

不致。此其致之何也。危之也。以蠻夷之師伐鄰近大國招禍深怨危亡之道

二十有七年。春。杞子來朝。朝直○夏。六月。庚寅。齊

侯昭卒。昭或作照非○秋。八月。乙未。葬齊孝公。○乙巳。公

子遂帥師入杞。○冬。楚人。陳侯。蔡侯。鄭伯。許男。圍

宋。楚人者。楚子也。其曰人何也。人楚子。所以人諸

侯也。其人諸侯何也。不正其信夷狄而伐中國也。

何休曰：哀元年，楚子陳侯隨侯許男圍蔡，不稱人，明不以此故也。鄭君釋之曰：時晉文為賢伯，故譏諸侯不從而信夷狄也。哀元年時無賢伯。

又何據而當貶之邪？審謂定哀之世，楚彊盛，故諸侯不得不從耳。江濼曰：夫屈信理對言，信必有屈也。宋楚戰于泓，宋以信義而敗，未有闕也。

楚復圍之，我三人行，必有我師。諸侯不能以義相帥，反信楚之曲，屈宋之直是義所不取。信曲屈直，猶不可况乃華夷乎？楚以信義見貶，則諸侯之不從不待貶而見也。然則四國信楚而屈，宋春秋屈其信而信其

屈，貶楚子于兵首，則彼碌碌者譏斯見矣。故曰：人楚子所以人諸侯也。

申信音。十有二月甲戌，公會諸侯盟于宋。地以宋者，則宋得與盟。宋圍解可知。與音豫。

二十有八年春，晉侯侵曹，晉侯伐衛，再稱晉侯。忌

也。鄭嗣曰：曹衛並有宿怨，于晉君子不念舊惡，故再稱晉侯以刺之。刺七賜反，下文及注同。○公子買戍

衛，不卒戍，刺之。刺殺也。內諱殺大夫，故謂之刺。蓋取周禮三刺之法。先名後刺，殺有

罪也。公子啓曰：不卒戍者，可以卒也。可以卒而不

卒，譏在公子也。刺之可也。公子啓，魯大夫。○楚人救衛。○三

月丙午。晉侯入曹。執曹伯。畀宋人。入者內弗受也。

日入惡入者也。以晉侯而斥執曹伯。惡晉侯也。其惡

忌怨深。畀必利反與也。下及注同。惡鳥路反。下文及注同。畀與也。其曰人何也。不以

晉侯畀宋公也。畀上與下之辭。故不以侯畀公。哀四年夏。晉人執戎蠻子赤。歸于楚。使楚子治其罪。今執曹伯。

不言歸于宋而言與宋人者。是使宋公拘執之。夏四月己巳。晉侯齊師。宋師。秦

師。及楚人戰于城濮。楚師敗績。楚殺其大夫得

臣。衛侯出奔楚。五月癸丑。公會晉侯。齊侯。宋

公。蔡侯。鄭伯。衛子。莒子。盟于踐土。衛縚子者。時衛侯出奔國。更立君。非王命。

所如未成。君故曰踐土。鄭地。諱會天王也。實會天王而文。不言天王。若諸侯目共盟。然是諱之也。所謂諱而不

正陳侯如會。如會。外乎會也。於會受命也。外乎會不及序。

也。受命于會。故書如會。公朝于王。所朝不言所。言所者非其所

也

非京師朝

○六月。衛侯鄭自楚復歸于衛。自楚楚有奉

焉爾。復者復中國也。

中國猶國中也

歸者歸其所也。鄭之

名失國也。衛元咺出奔晉。陳侯款卒。秋。杞

伯姬來。

莊公女來歸盛

○公子遂如齊。

聘也

○冬。公會晉侯。宋

公。蔡侯。鄭伯。陳子。莒子。邾子。秦人。于溫。諱會

天王也。

復致天子。復扶又反。

○天王守于河陽。

河陽晉地。守音符下同。

全天

王之行也。

時實晉文公召王以臣召君不可以訓。因天子有巡守之禮。故以自行爲文。行如字。或下孟反。

爲若

將守而遇諸侯之朝也。爲天王諱也。水北爲陽。山

南爲陽。溫。河陽也。

日之所昭曰陽。爲天王于僞反。

壬申。公朝於王所

朝於廟。禮也。於外。非禮也。

諸侯朝王。王必於宗廟受之。者蓋欲尊祖禰共其榮。

獨公

朝與諸侯盡朝也。其日。以其再致天子。故謹而日

之主善以內。目惡以外。主善以內謂公朝于王所目惡以外言再致天子。朝與音餘。言

曰公朝。逆辭也。而尊天子。鄭嗣曰若公朝于廟則當言公如京師而今言公朝是逆常之辭。雖

逆常而曰公朝王所是尊天子。會于温。言小諸侯。温。河北地。以河陽言

之大天子也。温河陽同耳小諸侯故以一邑言之尊天子故以廣大言之。日繫於月。月繫

於時。壬申。公朝于王所。其不月。失其所繫也。以為

晉文公之行事。為已偵矣。以臣召君偵倒上下日不繫于月猶諸侯不宗于天子。偵都田反。

倒丁。老反。晉人執衛侯歸之于京師。此入而執。其不言

入何也。不外王命於衛也。入者自外來伯者以王命討歸衛衛王之士故曰不外王命。歸

之于京師。緩辭也。斷在京師也。辭間容之故言。緩。斷丁亂反。衛元

咺自晉復歸于衛。自晉。晉有奉焉爾。復者。復中國

也。歸者。歸其所也。諸侯遂圍許。會温諸侯許比再會不至故共圍之。遂。

繼事也

繼事會于溫而圍許

○曹伯襄復歸于曹

三月為晉侯所執今方歸

復

者。復中國也。天子免之。因與之會。其曰復。通王命

也

免之于宋身未反國因會于許即從反國之辭通王命

遂會諸侯圍許。遂。繼事

也

二十有九年。春。介葛盧來。介國也。葛盧。微國之君。

未爵者也。其曰來。卑也。

介音界國名

○公至自圍許。○夏。

六月。公會王人。晉人。宋人。齊人。陳人。蔡人。秦人。盟于

翟泉

翟泉其地

○秋。大雨雹

雹者陰脅陽。臣侵君之象。陽氣之在水雨則溫熱。陰氣薄而脅之不相入。

轉而成雹。雨于付反。雹。蒲學字友。

○冬。介葛盧來

三十年。春。王正月。○夏。狄侵齊。○秋。衛殺其大夫

元咺。稱國以殺罪累上也。以是為訟君也。

元咺訟君之罪

于伯者君忌之使人殺之而後入案宣九年陳殺其大夫泄治傳曰稱國以殺其大夫殺無罪也此傳曰稱國以殺罪累上也凡稱國以殺大夫或殺無罪或罪累上參之不同略當近半然則稱國以殺有二義泄治忠賢而君殺之是君無道也衛侯雖有不德臣無訟君之道元咺之罪亦已重矣然君子之道雖言之于射失諸正鵠反求諸身衛侯不思致訟之愆躬自厚之義過而不改而又怨忌上下皆失故曰罪累上○累劣偽反泄息列反治音也近半附近之近正音

征鵠古毒反愆起度反衛侯在外其以累上之辭言之何也待其殺而後入也及公子瑕公子瑕累也以

尊及卑也○衛侯鄭歸于衛徐邈曰凡出奔歸月執歸不月者齊則國更立主若

故君還入必有戰爭禍害所以謹其文執者罪名未定其國猶追奉之歸無犯害故例不月○戰爭爭鬪之爭○晉人秦

人圍鄭○介人侵蕭○冬天王使宰周公來聘天

子之宰通于四海○公子遂如京師遂如晉以尊

遂乎卑此言不敢叛京師也何休曰大夫無遂事案襄十二年季孫宿救台遂入鄆惡

季孫不受命而入也如公子遂受命如晉不當言遂鄭君釋之曰遂固受命如京師如晉不專受命如周經近上言天王使宰周公來聘故公

子遂報焉。因聘于晉。尊周不敢使，並命使若公子遂。自往，然即云公子遂如京師，如晉是同。周于諸侯叛而不尊天子也。公羊傳有美惡不燠同辭，何獨不廣之於此乎？審謂經同而傳異者，其眾此吾徒，所以不及古人也。台士來反，又音臺。鄆音運，惡季孫烏路反，美惡烏路反，又如字。

三十有一年春，取濟西田。曹公子遂如晉。夏，四月，四卜郊。

謂之郊者，天人相與交接之意也。不言郊，天者不敢斥尊也。昔武王既崩，成王幼少，周公居攝，行天子事，制禮

作樂終，致太平。周公薨，成王以王禮葬之，命魯使郊以彰周公之德。祭蒼帝靈威仰昊天上帝，魯不祭。少詩照反，大音泰。不從。

乃免牲，猶三望。鄭君曰：望者祭山川之名也。謂海也。岱也。淮也。非其疆界，則不祭。禹貢曰：海岱及淮，惟徐州徐

州曹地。夏四月，不時也。郊春事四。四卜，非禮也。卜則入夏。免牲

者，為之緇衣重裳，有司玄端，奉送至于南郊，免牛

亦然。玄端，黑衣，接神之道。玄，熏者，天地之色也。南郊，天位，歸之于陽也。全曰牲，傷曰牛。牛有變而不郊，故卜免牛。○熏，許云反。乃

者，亡乎人之辭也。亡乎人，若曰無賢人也。凱曰：其猶易稱闕其戶，闕其無人。詩云：巷無居人。譏僖公不共致

天變。○聞苦鵙反。猶者，可以已之辭也。望郊之細也。不郊，無望可也。已止也。

共音恭，本亦作恭。

秋七月。○冬。杞伯姬來求婦。婦人既嫁不踰竟。杞

伯姬來求婦。非正也。○狄圍衛。○十有二月。衛遷

於帝上。

帝上 衛地

三十有二年。春。王正月。○夏。四月。己丑。鄭伯捷卒。

○捷在 接反

○衛人侵狄。○秋。衛人及狄盟。○冬。十有二

月。己卯。晉侯重耳卒。

晉自莊公已前不書于春秋。又不言文公之入及鄭忽之殺何乎。徐邈通之曰。

案詩序及紀年史記晉昭公之後大亂五世又鄭忽之後有子亶子儀且事出記傳而經所無殊多誠當有不告故不書者諸侯有朝聘之禮赴告之命所以敦其交好通其憂虞若鄰國相望而情志否隔存亡禍福不以相關則亡國之史無由得書故告命之事絕則記注之文闕此蓋內外相與之常也。魯政雖陵遲而典刑猶存史策所錄不失常法其文憲之實足徵故孔子因而脩之事仍本史而辭有損益所以成詳略之例起褒貶之意若夫可以寄微旨而通王道者存乎精義窮理不在記事少多此蓋脩春秋之本旨師資辯說日用之常義故穀梁子可不復發文而體例自舉矣。○重直龍反。○亶亡匪反。朝聘直遙反。好呼報反。否備矣反。注張住反。不復扶又反。

三十有三年春。王二月。秦人入滑。滑國也。○齊侯

使國歸父來聘。○夏四月辛巳。晉人及姜戎敗秦

師于殽。不言戰而言敗何也。狄秦也。其狄之何也。

秦越千里之險入虛國。滑無備故言虛國。○穀戶交反。進不能守退

敗其師徒亂人子女之教。無男女之別。秦之為狄

自殺之戰始也。○明秦本非夷狄。○別彼列反。秦伯將襲鄭。百里子與蹇

叔子諫曰。千里而襲人。未有不亡者也。秦伯曰。子

之冢木已拱矣。何知。子之輩皆已老死矣。拱合抱也。言其老無知。○百里子如字。或作伯誤也。蹇紀替反。

拱九勇反。合手曰拱。師行。百里子與蹇叔子送其子而戒之曰。

女死必於殽之巖陰之下。其處險隘。一人可以要百人。○女音欽。處昌慮反。隘於憚反。要音汝。下及注同。陰本音吟。一

百於遙反。下文要而擊之同。我將尸女於是。尸女者。收女尸。師行。百

里子與蹇叔子隨其子而哭之。秦伯怒曰：何為哭

吾師也。二子曰：非敢哭師也，哭吾子也。我老矣，彼

不死，則我死矣。畏秦伯怒故云。彼我要有死者。晉人與姜戎要而擊

之，殺匹馬倚輪，無反者。倚輪一隻之輪。倚居宜反或於綺反。晉人者，晉

子也。其曰人何也，微之也。何為微之，不正其釋殯

而主乎戰也。癸巳葬晉文公，日葬，危不得葬也。

○狄侵齊。○公伐邾，取訾樓。此言子斯反。○秋，公子遂帥

師伐邾。○晉人敗狄于箕。箕晉地。○冬，十月，公如齊。

十有二月，公至自齊。○乙巳，公薨于小寢。小寢內寢。

小寢，非正也。非路寢。○隕霜，不殺草。京房易傳曰：君假與目權隕霜不殺草。

隕去未可殺而殺，舉重也。可殺而不殺，舉輕也。謂重

菽也。輕謂草也。輕者不死。則重者不死。可知。○李梅實。京房易傳曰：縱叛者，效實之。

為言猶實也。子實。○晉人。陳人。鄭人。伐許。

春秋穀梁傳卷第五

經傳陸阡柒伯柒拾捌字

注柒阡零捌拾叁字

音義壹阡捌伯壹拾字

余 仁仲刊于家塾

春秋穀梁傳文公第六

襄王二十六年即位名與

范甯集解

元年春王正月公即位繼正即位正也

繼正謂繼正卒也隱去即

位以見讓相書即位示安忍莊閔僖不言即位皆繼弒去起呂反見賢徧反弒申志反

○二月癸亥日有

食之

○天王使叔服來會葬

諸侯喪天子使大夫會葬禮也傳例曰天子大夫稱字蓋

未受采邑故不稱氏字者貴稱故可獨達也。貴稱尺證反

葬曰會

言會明非一人之辭

其志重天

子之禮也

○夏四月丁巳葬我君僖公薨稱公舉

上也葬我君接上下也僖公葬而後舉謚謚所以

成德也於卒事乎加之矣○天王使毛伯來錫公

命

毛采邑伯字也天子上大夫也錫星歷反采地音菜地本又作邑

禮有受命無來錫命

錫命非正也○晉侯伐衛○叔孫得臣如京師○衛人

伐晉。秋。公孫敖會晉侯于戚。禮卿不得會。公侯春秋尊魯內卿。夫夫可以會外諸

侯戚衛地。戚倉叔反。冬十月丁未。楚世子商臣弒其君髡。

鄭嗣曰。商臣繆王也。髡文王之子成王也。不言其父而言其君者。君之於世子有父之親。有君之尊。言世子所以明其親也。言其君所以明其

尊也。商臣於尊親盡矣。弒其申志反。傳同。髡苦門反。日髡之卒。所以謹商臣之弒

也。夷狄不言正不正。徐乾曰。中國君卒正者。例日。篡立不正者。不日。夷狄君卒皆略而不日。所以殊

夷夏也。今書曰。謹識商臣之大逆。爾不以明髡正。與不正。篡初患反。夏戶雅反。識如字。又申志反。公孫敖如齊

二年春。王二月甲子。晉侯及秦師戰于彭衙。彭衙秦地。

音衙。秦師敗績。丁丑。作僖公主。作爲也。爲僖公

主也。爲僖公廟作主也。主蓋神之所馮。依其狀。正方穿中央。達四方。天子長尺二寸。諸侯長一尺。爲僖公廟于僂。馮皮冰反。長

尺直亮反。又立主喪主於虞。禮平旦而葬。日中反。而祭謂之曰虞。其主用桑。吉主

於練。期而小祥。其主用栗。作僖公主。譏其後也。僖公薨。死至此已十五月。作主。

壞廟有時日。於練焉。壞廟。壞廟之道。易檐可也。改

塗可也。

禮親過高祖則毀其廟以次而遷將納新神故示有所加。壞音怪下同。檐以占反。

○三月乙巳

及晉處父盟。

晉大夫陽處父

不言公。處父仇也。為公諱也。

公諱

與大夫盟去處父氏公親如晉使若與其君盟如經言邾儀父矣不書地者公在晉也莊二十二年秋七月丙申及齊高奚盟于防不去高奚

氏者公不親如齊不與其君盟於耻差降。仇苦浪反為公于偽反去處父起呂反下同。奚音兮差初賣反又初佳反。

何以知其與公盟以其日也。何以不言公之如晉所恥也。

出不書。反不致也。夏六月公孫敖會宋公陳侯。

鄭伯晉士穀盟于垂斂。

垂斂鄭地。穀戶木反本又作穀九年同斂如字左氏作垂隴。

內

大夫可以會外諸侯。自十有二月不雨。至于秋

七月。

建午之月猶未為災。

歷時而言不雨。文不憂雨也。

僖公憂民歷一

時輒書不雨今文公歷四時乃書是不勤雨也。

不憂雨者無志乎民也。

無恤民志。

八月丁卯大事于大廟躋僖公

大事禘也時三年之喪未終而吉祭於大廟則

其譏自明。大廟音泰注及傳大祖同躋子兮反升也。禘戶夾反下及注皆同。

大事者何。大是事也。

著禘嘗

禘合也。嘗秋祭。

禘祭者。毀廟之主。陳于大祖。未毀

廟之主。皆升合祭于大祖

禘祭者皆合祭諸廟已毀未毀者之主於大祖廟中以昭繆為次序

父為昭子為繆昭南鄉繆北鄉孫從王父坐也祭畢則復還其廟。昭繆音韶穆下及傳同鄉音向下同。

躋升也。先親

而後祖也。逆祀也

舊說僖公閔公庶兄故文公升僖公之主於閔公之上耳僖公雖長已為臣矣閔公雖小

已為君矣臣不可以先君猶子不可以先父故以昭穆父祖為喻甯曰即之於傳則無以知其然若引左氏以釋此傳則義雖有似而於文不

辨高宗躬之賢主猶祭豐于禩以致雉雉之變然後率脩常禮文公偵倒祖考固不足多怪矣親謂僖祖謂莊。長丁丈反先悉薦反下同禩

乃禮反雉古丑反雉鳴也。偵倒丁田反下丁老反。

逆祀則是無昭穆也。無昭穆則

是無祖也。無祖則無天也。故曰文無天。無天者。是

無天而行也

祖人之始也人所仰天也

君子不以親親害尊尊。此

春秋之義也。尊卑有序不可亂也。冬。晉人。宋人。陳人。鄭人。伐

秦。公子遂如齊納幣。喪制未畢而納幣書非禮。

三年春。王正月。叔孫得臣會晉人。宋人。陳人。衛人。

鄭人。伐沈。沈潰。沈國也。潰之為言上下不相得。沈音審。潰戶內反。夏。五月。王子

虎卒。叔服也。此不卒者也。外大夫不書卒。何以卒之。以其來

會葬我卒之也。會葬在元年。或曰。以其嘗執重以守也。

僖二十四年天王出居于鄭。叔服執重任以守國。守手又反。秦人伐晉。秋。楚人圍

江。雨螽于宋。外災不志。此何以志也。曰。災甚也。

其甚奈何。茅茨盡矣。茅茨猶盡則嘉穀可知。茅疾藜。雨螽于付反。下同。音終。茨在思反。茅草也。

著於上。見於下。謂之雨。見賢徧反。冬。公如晉。十有

二月。己巳。公及晉侯盟。晉陽處父帥師伐楚。救

江。此伐楚。其言救江何也。江遠楚近。伐楚所以救

江也。

時楚人圍江。晉師伐楚。楚國有難。則江圍自解。○難乃旦反。解音蟹。又古買反。

四年春。公至自晉。夏。逆婦姜于齊。其曰婦姜。為

其禮成乎齊也。

婦禮成于齊。故在齊。便稱婦。為于偽反。

其逆者誰也。親逆

而稱婦。或者公與。何其速婦之也。

鄭嗣曰。比皆問者之辭。問者以使大夫逆例。

稱女而今稱婦。為是公親逆。與怪稱婦。速故反覆推之。○公與音餘。注同。反覆芳服反。

曰。公也。其不言公

何也。

據莊二十四年。公如齊。逆女。言公。

非成禮於齊也。

非責曰。婦有姑之

辭也。其不言氏何也。貶之也。何為貶之也。夫人與

有貶也。

邵曰。夫人能以禮自防。則夫婦之禮不成於齊。故譏公而夫人與焉。與音豫。注同。貶彼檢反。

狄侵

齊。秋。楚人滅江。晉侯伐秦。衛侯使甯俞來

聘。

俞羊。朱反。

冬。十有一月。壬寅。夫人風氏薨。

信公母。風姓。

五年春。王正月。王使榮叔歸含且贈。含口實也。禮記曰：飯用米，貝弗忍，虛

也。諸侯含，用玉榮叔，天子之上大夫也。榮采地，叔字。○含戶暗反。釋舊作含，贈芳，鳳反。飯扶晚反。含二事也。贈一

事也。兼歸之，非正也。禮含贈，各異。人。○禮音遂。其曰且志兼也。其

不言來，不周事之用也。何休曰：四年，夫人風氏薨，九年，秦人來歸僖公成風之櫨，最晚矣。何以言

來，鄭君釋之曰：秦自敗于殽之後，與晉為仇，兵無休時，乃加贈以早

乘馬，曰贈乘馬，所以助葬成風。未葬，故書早。○乘繩盞反。下同。而含以晚。已殯，故言晚。國有遠近，皆令及事，理不通也。禮

雜記曰：含者，執璧，將命曰寡君使某含。相者入告，出曰：孤某須矣。含者，入升堂，致命，子拜，誓，頽含者坐，委於殯。東南有葦席，既葬，蒲席降出，反

位。明君之於臣，有含贈之義，所以助喪盡因。含不必用，示有其禮。○令力呈反。相息亮反。稽頽音啓。下息黨反。葦于鬼反。○三月。

辛亥葬我小君成風。王使毛伯來會葬。會葬之禮

於鄙上。從竟，王墓主為送葬來。○竟音境。為于偽反。夏，公孫敖如晉。秦

人入郟。音若。郟音若。秋，楚人滅六。冬十月甲申，許男業

卒

六年春葬許僖公。夏季孫行父如陳。行父季孫友孫。秋。

季孫行父如晉。八月乙亥。晉侯驩卒。驩好。官反。冬。

十月。公子遂如晉。葬晉襄公。晉殺其大夫陽

處父。稱國以殺罪累上也。襄公已葬。其以累上之

辭言之何也。君漏言也。上泄則下闇。下闇則上聾。

且闇且聾。無以相通。臣闇不言君無所聞上下否塞。○累上為反下同。或如字。泄息列反。又以制反。龍耳曾

反。夜姑殺者也。殺處父。○左氏作射姑。夜姑之殺奈何。曰。晉將與

狄戰。使狐夜姑為將軍。趙盾佐之。陽處父曰。不可。

古者君之使臣也。使仁者佐賢者。不使賢者佐仁

者。今趙盾賢。夜姑仁。其不可乎。邵曰。賢者多才也。戰主于攻伐。仁者有惻隱之恩。不

如多才者有權略。盾徒本
反攻如字又音貢。惻初力反。
襄公曰。諾。謂夜姑曰。吾始使

盾佐女。今女佐盾矣。
稱處父語以語之。故傳曰。漏言也。女音汝。語魚慮反。
夜姑曰。

敬諾。襄公死。處父主竟上之事。
待諸侯會葬在鄙上。竟音境。
夜姑使

人殺之。君漏言也。
親殺者夜姑而歸罪於君。明由君言而殺之。罪在君也。故稱君以殺。
故士造

辟而言。詭辭而出。
辟君也。詭辭而出。不以實告人。造七。報反。辟必亦反。君也。注同。詭九委反。
曰。

用我則可。不用我則無亂其德。
此士對君言之辭。
晉狐夜姑

出奔狄。閏月不告月。猶朝于廟。
禮天子以十二月朔。政班告于諸侯。諸侯

受於禴。廟孝子尊事先君不敢自尊也。言朝者緣生以事死。親存朝朝莫夕不敢泄。鬼神故事畢感月始而朝之。猶朝直遙反。注及下同。朝

朝上如字。下直遙反。莫音慕。泄息列反。
不告月者何也。不告朔也。不告朔

則何為不言朔也。閏月者。附月之餘日也。積分而

成於月者也。
一歲三百六十日。餘六日。又有小月六積。五歲得六十日。而再閏。積衆月之餘分。以成此月。
天

子不以告朔而喪事不數也

閏是叢殘之數非月之正故吉凶大事皆不用也。不數

所古反叢徂洪反

猶之為言可以已也

郊然後三望告朔然後朝朝俱言猶義相類也既廢其大

而行其細故譏之

七年春公伐邾三月甲戌取須句取邑不日此其

日何也

據僖二十六年公伐齊取穀不日。須句其俱反

不正其再取故謹而

日之也

僖二十二年公已伐邾取須句過而不改於此為甚故錄日以志之

遂城郛遂繼事

也

因伐邾之師郛音吾

夏四月宋公壬臣卒

壬本或作王臣

宋人

殺其大夫稱人以殺誅有罪也。戊子晉人及秦

人戰于令狐

令狐秦地。令狐秦地。令力丁反

晉先蔑奔秦不言出在外

也。輟戰而奔秦以是為逃軍也

輟止也為將而獨奔故曰逃軍。輟丁劣反將

子匠反

狄侵我西鄙。秋八月公會諸侯晉大夫盟

于扈扈鄭地。扈音戶。其曰諸侯略之也。晉侯新立公始往會晉侯不盟大夫受盟既以受娶

又取二邑為諸侯所賤不得序于會諱使若扈之。盟都不可知故略之。喪取七住反本亦作娶。○冬徐伐莒。

公孫敖如莒莅盟。莅位也。其曰位何也。前定也。其

不日。前定之盟不日也。

八年春。王正月。夏四月。秋八月。戊申。天王崩。

襄王。○冬十月。壬午。公子遂會晉趙盾盟于衡雍。衡雍

鄭地。雍於用反。○乙酉。公子遂會雒戎盟于暴。鄭地。雒戎音洛本或作

伊維之。戎誤。○公孫敖如京師。弔周喪不至而復。丙戌。奔莒。

不言所至。未如也。若其已行當如公子遂至黃乃復今不言所至而直言復知其實未如也。未如

則未復也。未如而曰如。不廢君命也。雍曰受命而出義無私留書如京師

以顯命行于下不書所至以表不去之罪。未復而曰復。不專君命也。復者事畢之辭未如

故知其未復加畢事之文其如非如也其復非復也唯奔

莒之為信故謹而日之也。螽。宋人殺其大夫

司馬司馬官也其以官稱無君之辭也。何休曰近上七年宋公壬臣卒

宋人殺其大夫不言官今此在三年中言官義相違鄭君釋之曰七年殺其大夫此實無君也今殺其司馬無人君之德耳司馬司城君之爪牙守國之臣乃殺其司馬奔其司城無道之甚故稱官以見輕慢也傳例稱人以殺殺有罪也此上下俱失之。見賢遍反。宋

司城來奔司城官也其以官稱無君之辭也來奔

者不言出舉其接我也

九年春毛伯來求金求車猶可求金甚矣。凱曰求俱不可在喪

尤甚不稱使者天子當喪未君也。夫人姜氏如齊歸。二月叔孫得

臣如京師京大也師衆也言周必以衆與大言之

也。辛丑葬襄王天子志崩不志葬舉天下而葬

一人其道不疑也。志葬危不得葬也。不得備禮葬日之。

甚矣。其不葬之辭也。王室微弱諸侯無復往會葬。復扶又反。晉人殺其

大夫先都。三月夫人姜氏至自齊。甲以尊致病

文公也。夫人行例不致乃以君禮致。刺公寵之過。刺七賜反。晉人殺其大夫士

穀及箕。鄭父稱人以殺誅有罪也。鄭父累也。箕居其反。

楚人伐鄭。公子遂會晉人。宋人。衛人。許人。救

鄭。夏狄侵齊。秋八月曹伯襄卒。九月癸酉

地震。震動也。地不震者也。震故謹而日之也。穀梁說曰大臣

盛將動有所變。冬楚子使款來聘。楚無大夫。無命卿。款子遙反又子小反。

或作菽左氏作椒。其曰款何也。以其來我。襲之也。秦人來

歸僖公成風之謎。秦人弗夫人也。言秦人弗以成風為夫人故不言夫人。

即外之弗夫人而見正焉見不以妾為妻之○葬曹共

公音恭

十年春王三月辛卯臧孫辰卒○夏秦伐晉○楚

殺其大夫宜申僖四年傳曰楚無大夫而今云殺其大夫者楚本祝融之後季連之胄也而國近南蠻遂漸其

俗故棄而夷之今知內附中國亦轉強○自正月不雨至于

秋七月歷時而言不雨文不閔雨也不閔雨者無

志乎民也○及蘇子盟于女栗女栗某地蘇子周○冬

狄侵宋○楚子蔡侯次于厥貉厥貉某地也

十有一年春楚子伐麋麋九倫反○夏叔彭生會晉郤

缺于承匡承匡宋地○秋曹伯來朝朝直○公子

遂如宋○狄侵齊○冬十月甲午叔孫得臣敗狄

于賊不言帥師而言敗何也

據僖元年八公子友帥師敗莒師于麗獲莒挈稱帥師。敗

必邁反。鹹音咸。麗力知反。挈女居反。

直敗一人之辭也。一人而曰敗何也。

以衆焉言之也

言其力足敵衆

傳曰長狄也。弟兄三人。佚

宕中國

佚猶更也。宕大結反。更也。害本又作宕。更音庚。

瓦石不能害

肌膚堅強。瓦石打擗不能

虧損。強其丈反。擗直復反。

叔孫得臣最善射者也。射其目。身橫

九畝

廣一步長百步為一畝。九畝五丈四尺。射其食亦反。下同。廣古曠反。長直亮反。

斷其首而載之。

眉見於軾

兵車之軾高三尺二寸。斷丁管反。見賢徧反。軾音式。

然則何為不言獲

也

據莒挈言獲

曰古者不重創不禽二毛。故不言獲為

內諱也

不重創恤病也不禽二毛敬老也。仁者造次必於是。顛沛必於是。故為內諱也。既射其目又斷其首為重創。鬢髮白為二

毛。重直用反。注同。創初羊反。為內于偽反。造七報反。沛音貝。

其之齊者。王子成父殺之。

則未知其之晉者也

十有二年春。王正月。邾伯來奔。音成。邾。杞伯來朝。

僖二十七年稱子今稱伯。蓋時王所進。朝直遙反。二月。庚子。子叔姬卒。其曰子

叔姬。貴也。公之母姊妹也。同母姊妹。其一傳曰。許嫁以

卒之也。男子二十而冠。冠而列丈夫。三十而娶。女

子十五而許嫁。二十而嫁。禮二十而冠。冠而在丈夫之列。譙

侯十五而冠。十五而娶。娶必先冠。以夫婦之道。王教之本。不可以童子

之道治之。禮十五為成童。以次成人。欲人君之早有繼體。故因以為節。

書稱成王十五而冠。著在金縢。周禮媒氏曰。令男三十而娶。女二十而

嫁。內則云。女子十五而笄。說曰。許嫁也。是故男自二十以及三十。女自

十五以及二十。皆得以嫁。娶先是則速。後是則晚。凡人嫁娶。或以賢淑

或以方類。豈但年數而已。若必差十年。乃為夫婦。是發賢淑方類。苟比

年數而已。禮何為然哉。則三十而娶。二十而嫁。說嫁娶之限。蓋不得復

過此爾。故舜年三十無室。書稱曰。鯀。周禮云。女子年二十未嫁者。仲

春之月。奔者不禁。奔者不待禮聘。因媒請嫁而已矣。竊謂禮為夫之姊妹

服。長殤年十九至十六。如此男不必三十而娶。女不必二十而嫁。明

矣。此又士大夫之禮。冠江。喚反。娶七住反。譙在遙反。笄古兮反。先是

蘇徧反。後是戶巨反。比毗至反。或如字。得復扶又反。鯀古頑反。禮為于

偽反服長
丁丈反

○夏楚人圍巢。○秋滕子來朝。○秦伯使

術來聘。

術秦大夫
術音述

○冬十有二月戊午。晉人秦人戰

于河曲。

河曲
晉地

不言及秦。晉之戰已亟。故略之也。

亟
數

也夫戰必有曲直以一人主之二國戰鬪數曲直不可得
詳故略之不言晉人及秦人戰。亟去異反數也。注同。

○季孫行

父帥師。城諸及郟。稱帥師。言有難也。

難乃
旦反

十有三年春。王正月。夏五月壬午。陳侯朔卒。

邾子蘧篚卒。

蘧其居反
篚直居反

○自正月不雨。至于秋七

月。○大室屋壞。

屋者主於覆蓋。明廟不
都壞。○大音泰。傳皆同。

大室屋壞者。有

壞道也。譏不脩也。大室猶世室也。

世室有是室
故言世室

周公

曰大廟。

爾雅曰室有
東西廂曰廟

伯禽曰大室。羣公曰宮。

爾雅曰宮
謂之室。室

謂之宮。然則其實一也。
蓋尊伯禽而異其名。

禮宗廟之事。君親割牲。

夫人親

春盛敬之至也。為社稷之主。而先君之廟壞。極

稱之。志不敬也。極稱言屋壞不復依。違其文。復扶又反。冬。公如晉。衛侯

會公于沓。沓地也。沓徒荅反。狄侵衛。十有二月。己丑。公

及晉侯盟。還自晉。還者。事未畢也。自晉。事畢也。

鄭伯會公于棐。棐鄭地。棐芳匪反。

十有四年。春。王正月。公至自晉。邾人伐我南鄙。

○叔彭生帥師伐邾。夏。五月。乙亥。齊侯潘卒。潘

浦干反。六月。公會宋公。陳侯。衛侯。鄭伯。許伯。曹伯。晉趙盾。

癸酉。同盟于新城。新城宋地。同者有同也。同外楚也。

秋。七月。有星孛入于北斗。孛之為言。猶弟也。其曰

入北斗。斗有環域也。據孛于大辰及東方皆不言入此言入者。明斗有規郭入其魁中也。劉向曰北斗貴。

星人君之象也。弗星亂臣之類。言邪亂之臣將並弑其君。○字步內反。弗李軌扶憤反。徐龜扶勿反。一音步勿反。又音弗邪。俄嗟反。弑音試。

○公至自會。○晉人納捷菑于邾。弗克納。是卻克

也。其曰人何也。微之也。何為微之也。長轂五百乘。

縣地千里。長轂兵車四馬曰乘。一乘甲士三人。步卒七十二人。五百乘合三萬七千五百人。縣猶彌漫。○捷菑在接反。下

側其反。轂古木反。乘繩證反。卒子忽反。過宋。鄭滕。薛。魯入千乘之國。欲

變人之主。道猶遠也。變人之主謂時邾已立。纘且邾小。國而言千乘者大。卻克之事。○履况盛反。至城下然

後知。何知之晚也。征不廟筭正其得失。勞師遠涉。乃至城下。邾以義拒。然後方悟。聚之曰。人不亦宜乎。○悟

五故反。弗克納。未伐而曰弗克何也。弗克其義也。非力

不足義不可勝。捷菑。晉出也。纘且。齊出也。姊妹之。纘且。正

也。捷菑不正也。正適。○適。丁歷反。○九月甲申。公孫敖卒于

齊。奔大夫不言卒。而言卒何也。據閔二年。公子慶父出奔莒。後不言卒。為

受其喪不可不卒也。其地於外也。

成十七年公孫嬰齊卒于狸蜃傳曰其地

未踰竟宣八年仲遂卒于垂垂齊地然則地或踰竟或未踰竟凡大夫卒在常所則不地地者皆非其常所隨其所在而書其地耳不係於踰

竟與不踰竟為于偽反狸力之反蜃市軫反竟音境並同。齊公子商人弒其君舍。舍

未踰年。其曰君何也。成舍之為君。所以重商人之

弒也。

舍不成君則殺者非弒也。殺其音試本又作弒。

商人其不以國氏何也。

據隱四年

衛祝吁弒其君完不言公子

不以嫌代嫌也。

春秋以正治不正不以亂平亂舍不宜立有不正之嫌商

人專權有當國之嫌故不書國氏明不以嫌相代

舍之。不日何也。未成為君也。

宋子哀來奔。其曰子哀。失之也。

言失其氏族不知何人

○冬。單

伯如齊。

單伯魯大夫單音善

齊人執單伯。私罪也。單伯淫于

齊。齊人執之。齊人執子叔姬。叔姬同罪也。

十有五年。春。季孫行父如晉。○三月。宋司馬華孫

來盟

泰曰擅權專國不君其君緣其不臣因曰無君上司馬司城皆不名而此獨名者以華孫奉使出盟為好於我故書官以見專

錄名以存善華戶化反使所吏反好呼報反見賢徧反

司馬官也其以官稱無君之

辭也來盟者何前定也不言及者以國與之也稱

尺證反年未注同

夏曹伯來朝

朝直遙反

齊人歸公孫敖之

喪。六月辛丑朔日有食之鼓用牲于社。單伯

至自齊大夫執則致致則名此其不名何也

據昭十四年意

如至自晉稱名

天子之命大夫也。晉卻缺帥師伐蔡戊申

入蔡。秋齊人侵我西鄙其曰鄙遠之也其遠之

何也不以難介我國也

介猶近也難乃且反介音界注同

季孫行父

如晉。冬十有一月諸侯盟于扈

諸侯皆會而公獨不與故耻而略之

十有二月齊人來歸子叔姬其曰子叔姬貴之也

同。秋八月辛未。夫人姜氏薨。僖公夫人。毀泉臺。喪

不貳事。貳事。緩喪也。喪事主哀而復毀泉臺是以喪為緩。以文為多。失道

矣。緩作主。齊僖公四不視朔。毀泉臺之類。自古為之。今毀之。不如勿處而

已矣。若以夫人居之而薨者但當莫處。楚人秦人巴人滅庸。冬十

有一月。宋人弑其君杵臼。泰曰。傳稱人者。殺辭。殺之所同。則君過可知。又曰。稱國以弑其君。君

惡甚矣。然則舉國重於書人。也。杵昌曰。反曰其九反。

十有七年。春。晉人衛人陳人鄭人伐宋。衛序陳上蓋主會者降之。

夏。四月癸亥。葬我小君聲姜。齊侯伐我西鄙。

六月癸未。公及齊侯盟于穀。諸侯會于扈。言諸侯者。

義與上十五年同。范去言諸侯者。義與上十五年同。亦諸侯皆會。公獨不與。取而略之。秋。公至自穀。

冬。公子遂如齊。

十有八年春。王二月。丁丑。公薨于臺下。臺下。非正

也。秦伯瑩卒。瑩乙。耕反。夏五月。戊戌。齊人弑其君

商人。六月。癸酉。葬我君文公。秋。公子遂。叔孫

得臣。如齊。使舉上客而不稱介。不正其同倫而相

介。故列而數之也。上客聘主也。禮大夫為卿。介遂與得臣俱為卿。是以同倫為副使。故兩言之。明無差降。

使舉所吏反。注同介音界。下同。副使也。數之所主反。冬十月。子卒。子赤也。諸侯在喪既葬之稱。子卒

不日。故也。故殺也不稱殺諱也。夫人姜氏歸于齊。惡宣公也。姜氏

子赤之母。其子被殺。故大歸也。宣公亦文公之子。其母敬嬴。惡不奉姜氏。惡烏路反。注同。嬴音盈。依左傳。應作項熊。有不待

貶絕而罪惡見者。泰曰。直書姜氏之歸。則宣公罪惡不貶而自見。有待貶絕而

惡從之者。齊小白以國氏之類是也。姪娣者。不孤子之意也。言其一

則共養。姪大結反。娣音弟。共養。並如字。一讀上九用反。下餘亮反。一人有子。三人緩帶。共望其祿。

一曰就賢也。若並有子則就其賢謂年同也宣公不奉哀姜非此之謂故惡之○季孫行父

如齊。莒弑其君庶其。傳例曰稱國以弑其君君惡甚矣

春秋穀梁卷第六

經傳參阡貳伯字

注參阡壹伯玖拾伍字

音義壹阡單伍字

余 仁仲刊于家塾